


245

Bosego

N. 32



Aug. 7031

108

en

PRECES
GERTRVDIANÆ

Sive

VERA & SINCERA
MEDVLLA

DEVOTISSIMARUM PRECIUM,

SS GERTRUDE & MECHTILDE

Comitissis de HACKUBORN,
Ordinis S. Benedicti

USURPATARUM.

Libellus verè rarus.



Impressus

COLONIE AGRIPINÆ ANNÔ MDLXXXIX.

Reimpressus iteratò.

POSNANIE Typis ACADEMICIS.

ANNÔ MDCCXX.

Sumpu Josephi Wolaski Lutetie

IN GENTILITIUM STEMMA
ILLUSTRISSIMÆ DOMUS
ŁUKOMSCIANÆ.



Cælum mea Gloria tangit. *Homerus.*

Micat inter omnes. *Horatius.*

Plenis explevit cornibus orbem LUNÆ.

Ovid: 7. Metamor.

Non sine luce genus. *Statius.*

MA

ILLUSTRISSIMO & REVERENDISSIMO

DOMINO

E.

D. NICOLAO

ANTONIO

De Łukom

ŁVKOMSKI

Divina vocatione ABBATI LANDENSI

S. O. C Commissario ac Vicario-Generali

per utramque Poloniam, Prussiam &

M. D. Lithvania Sacrae Regiae

Maj: Secretario &c. &c.

Domino & Mecenati Amplissimo

Vera & sincera Medulla,
Gegtradianarum Precum,
suavi concentu Tuas pulsat
aures. Illustrissime & Reverendissime
Domine ad Tuas supplex pro-
cumbit pedes, ne sine Patrono, sine
Defensore, in lucem prodeat, Do-
mi

mitilium sibi non alibi querit; quam
in Tua Gentilitia Luna, ubi fingens
pedem hoc ipso sibi secundum in terris
reperit Calum. Illustre hoc Sydas,
quod debitis Caelo virtutibus lucet,
ipso Deo felicissime ardet effulget, be-
atissime. Videbit se modo in novo
cultu, Regina; virtutum pietas, erum-
pet in flammis, dum Tuo non tam
noctium, quam dierum Preside circum-
fundetur Luna, ab illa modo plenum sibi
melioris presagii accendat plenilunium.
Et in eius Maiestatis umbra lucem Et
fastigium reperiet. Vere bene tetigit,
Sydas Illustre Tuum, vera Gertru-
dianarum medulla precum, re ipsa
dulcior erit; ubi Tuo dicata nomini,
in pectore dulce Orthodoxum reperiet
pietatis nectar. Bene inquam teti-
git hac caelestis Pandora, qua Calica
debet terminari mente, ergo optime in
Olympicam demigravit sedem ubi cae-
lesti velut pabulo recreabitur cibo Tu
Illustrissime Domine ignea inherere
assueo.

assuetus contemplationi, per hoc ca-
lum efficit; cui Olympus placet invi-
ta contemplari. Et certe gloriosum
hoc quia non recte diligit vitam qui
non diligit pietatem. Tu Religio-
nis Cultor ac Propagator illius amo-
rem, in Tuis semper reponis votis,
ita ut quocunq; immigras, umbris tuis
velut altera pietatis face serenas
accendis orbem, hac tanta virtutis
canora, ubiq; locorum Tua sunt pra-
eonia. Nesciet Tua interire gloria, cui
vexillum Crucis in Gentilitia Luna
Triumphalem extendit arcum. oppu-
gnatura Procerum nomen oblivio, in
hoc signo vincetur; in extincta serena-
bitur ab Illustri Prosapiarum Tuarum
sole ullas patietur tenebras Tuum
Gentilitium signum, à Tuo nominis
luce semper expugnabitur, super se
virtutis praefereudo candorem. Quod
enim ad diurnae lucis Tibi desit copi-
am. Quem fastigiis, ingens meritorum
coronavit Turba. Divina vocazione
factus

factus es Abbas Landensis, statim Te
proclamavit alterum in terris solem
Sacra Cisterciensis Religio, à quo sub-
limius splendescere cepit, ubi Tuo
Gentilitio cepit afflari fulgore. Hoc il-
lustre signum, signum serenitatis dedit
Et Patria. In intimum conclave cordis,
Regia, admisit Te serenitas. Secreta-
rius eo ipso es Regui, si Honorariis
Regis Et bene decuit hoc honore Lu-
komsciorum insigniri immortale No-
men. Quod ardua virtus in Luna, usq;
ad caelum prodigiose sublimavit. Ca-
lum in paginam transtulit Lukom-
sciorum Prosapia, in qua nullum mi-
cat nisi primæ magnitudinis sydus.
Luna hæc meridianum efficit solem,
in quem oculos, nemo conieci Et quin.
vindex in palpebra lumen persentiscat
non solo antiquitatis precio, sed gesto-
rum nobilitatè, laudem suam constare
voluit præclara stirpe Lukomsciorum
Propago claro procreata sanguine Ma-
nikowsciorum Gliniecciorum, Sto-
neccio.

necciorum Boguslawsciorum Za-
rembiorum, Iaraczewsciorum, quod
nobile à stirpe genus inter ipsa Olym-
pi sydera posset asportari, carpit cae-
lum qui hunc zodiacum (id est Lunam
Lukomsciorum versat) qui preclare
elucescit, splendor ad plausum ad a-
mulationem Illustres Polono Orbi ex-
hibendo virtutum scenas. Habet Te
alterum sydus Illustrissime Domine,
magnum de stirpe nepotem Polonia
non minus à Te derivat luminis,
quam ab Astrorum Principe minora
sydera serenantur. Sunt quidem præ-
clara, quæ in publicum proferret sed
non minora quæ in limine tenes, est
laudabile quod sis ipse optimus, lauda-
bilis tamen quod omnes circa Te si-
miles effecisti. Inter nobilissima men-
tis Tuz ornamenta quid non emineat?
si dixerò bonitate incredibili, mi-
ri severitate non dissoluta clementia
summa pietate præditum, minus quam
debeam prædicem; quia quæ reliquis
aliis

aliis laudis singula tribuuntur in Te
uno mirabiliter coeunt universa. Quid
quid humanas excessit laudes Tuas
nondum assequitur ubi liberalitate cer-
tandum est omnem Tiro gloriam ade-
misti, pluribus à Te quàm Nilus O-
stis exeunt Congiaria, quibus misero-
rum sanas Turbam, quorum vota oc-
cupas, probis factus asylum, ara sup-
plici reo scopulus. Ad Te ergo velut
ad Terminum vota sua dirigit Ger-
trudianarum Medulla Precum illam
in sinum benevolentiae recipe, ad pe-
des Munificentiae Tuae cum preci-
bus supplex corrui, ut beator surgat.
Tenuitatem ejus ne asperneris, quitan-
to animo in pietate flagras, ut exigua
non respui sed amplexari digneris

**Illustrissimæ & Reveren-
dissimæ Dominationis
Tuae, totiusq; Domûs**

Humillimus Servus

Josephus Wolnski

APPROBATIO.

Iam multoties impressum & re-
impressum Libellum PRECES
GERTRUDIANÆ &c. tam in
exteris Partibus, quàm in nostra
Polonia, singulariter verò in no-
stra Dioecesi Posnan: uti patet, per
me lectum, & etiam quo ad Reve-
lationes trutinatum, Imprimendum
judicavi, & ut imprimatur judico.

Datum 15. Aprilis
1740.

STANISLAUS RUDNICKI,
Pænitentiarius Ecclesiæ Ca-
thedralis Posnan: Canoni-
cus in Summo B. M. Vir-
ginis, Censor Librorum
Synodalis mpp.

PRE-



66

H

M

du
rib
hã
mo
ris
bi
cr
de



PARS PRIMA

PRECES MATVTINÆ *Diurnæ & Vespertinæ.*

PRECES MATUTINÆ.

*Manè cum surgis; aiebat Christus ad B. Mech-
tildem, saluta primò Cor meum, & offer
mibi cor tuum. l. 3. c. 16*



Doro, laudo & saluto te, dul-
cissimum & vernans Cor IE-
SU Christi, ex quo tanquam
ex mellifluo gratiarum fon-
te omne bonum, omnisque
dulcedo effluxit & effluit. Et ex totis vi-
ribus cordis mei ago tibi gratias, quòd me
hâc nocte custodieris. Deoque Patri pro
me laudes & gratiarum actiones persolve-
ris. Et nunc, ô dulcis amor meus, offero ti-
bi miserum & indignum cor meum in sa-
crificium matutinum, & omni quâ possum
devotione includo & commendo illud dul-
cissi-

cissimo Cordi tuo : rogans ut Divinas tuas influxiones illi infundere, atque sancto tuo amore accendere digneris. Amen.

COMMENDATIO AD JESUM.

B. Gertrudis intellexit, quod in quocunq; se homo commendat DEO, orans, ut ipsum a peccato custodiat, etiamsi occulto DEI iudicio videatur, quod graviter deliquerit in aliquo, nunquam tamen sic delinquet, nisi gratia DEI velut baculus sustentet eum, quod semper facilius ad penitentiam redire possit. l. 3, c. 30. § 10.

Ple JESU, in unione amoris illius, quo in Cruce Patri Spiritum commendasti, commendo tibi spiritum & animam meam, atque in sacratissimum vulnus dulcissimi cordis tui includo, ut in eodem ab omnibus inimici insidijs ptegantur: Tu nosti, bone IESU, & ego satis experior quàm infirmus & labilis sim; adeò ut nec ullâ horâ sine tua speciali grâtia in bono persistere, aut ulli tentationi ex me resistere possim. Ideò rogo per reverentiam unionis illius, quâ humanitas tua causâ glorificationis nostræ venerandæ Trinitati unitur, ut voluntatem meam tibi unire, & ne contra te insurgere queat, confortare digneris. In unione innocentissimorum membrorum tuorum,
com-

commendo tibi singula membra corporis
mei cum omni motu suo, ut hâc die nun-
quam nisi ad laudem & gloriâ tuam, &
propter amorem tuum commoveantur.

Amen. *Gr. l. 5. c. 29.*

SUSPIRIUM AD JESUM.

B. Mechthildis dicebat Christus: Quilibet ma-
ne dum surgit; ex toto corde suo ad me
suspiret, petatq; quod ego eâdem die omnia
sua opera in ipso perficiam; per quod ille
me ad se trahit, ita quod: sicut corpus
habet vitam ab anima, sic illa anima habet
vitam à me, omniaq; facit per me. Quod-
vis enim suspirium tanta est efficacia,
quod homo nunquam ad me suspiret, quàm
mibi prior fiat, quàm ante fuerat. lib.
4. cap. 29.

Hic alium suspiria, dicens:

A Mantissime JESU; hoc primum
huius diei suspirium, de fundo
cordis mei haustum mitto ad te,
ex omnibus viribus meis rogans,
ut hac die omnes corporis & animæ meæ
actiones per te ipsum in me operari,
easdemque in corde tuo dulcissimo emen-
datas, unâ cum perfectissimis operibus
tuis DEO Patri in laudem æternam of-
ferre digneris, Amen.

INTENTIO MATUTINA.

B. Gertrudi dicebat Christus: quod illa opera quae ita purè ad laudem DEI in unione passionis Christi, & ad salutem universitatis sunt, quod omninò abrenuntias quis omni merito, ut saltem possit DEO laudem offerre, describantur (in libro vite) aureo colore. Et licet alia opera copiosam apud DEVM obtineant remunerationem: illa tamen quae purè sunt pro amore laudis DEI, multo maioris sunt meriti ac dignitatis, & insuper conferant homini in infinitum maius augmentum salutis aeternae.

l. 4. c. 16.

Domine Deus, propter te ipsum mihi propono, hodie & quotidie omnes meas internas & externas actiones purè ad laudem tuam & ad salutem universitatis perficere. tali intentione & modo, quem tu Deus meus adinvenire & optare potes: & in unione illius amoris quo Filius tuus de caelo descendit, & omne opus humanae redemptionis, maximè tempore Passionis suae perfecit: Unde omnino abrenuntio omni merito, præmio & gratiæ, quæ per illa opera possem adipisci, ut possim tibi Deo meo laudem & amoris exhibitionem offerre. Amen. PA-

PACTUM CUM DEO.

DEUS Omnipotens, ex amore & desiderio te hâc totâ die laudandi, sanctifico: dico & consecro tibi omnes pulsus & motus cordis, & omnium arteriarum mearum; hoc que pactum tecum in eo, quod omnes eorum motus idem significant, quod hæc verba: *Sanctus Sanctus Sanctus Dominus Deus Sabaoth.* Quam significationem præfatis motibus inditam velim, adeò quod à tua Divina Majestate per eosdem idem intelligatur, quantum intelligitur per illud cœleste canticum à Seraphinis decantatum. Fiat fiat. Amen.

PACTUM MAJUS.

Omni hebdomoda iterandum.

Efficaciam huius pacti: qua certè maxima est, à contrario intelligere licet. Si quis enim secum statueret, quid, quoties pedem moveret, toties ratum & gratum haberet quidquid unquam mali actum est, optaretq; se eius esse participem; quanta is se culpe obstringeret! Si igitur id in malo tam efficax est, quidni & in bono immense virtutis ac meriti erit.

Domine DEUS Creator meus, tu scis desiderium meum, & gemitus meus à te non est absconditus:

tus: sed quia præsentis vitæ necessitates minus sinunt mentem laudi tuæ intendere; hinc tale pactum, quòd totâ hâc hebdomadâ firmum permaneat, tecum in eo.

Quoties hâc hebdomadâ cælû suspexero, toties gratulabor & congaudebo tibi ob infinitas perfectiones tuas, quòd sis qui es, summè potens, sapiens; benignus & justus.

Quoties oculum clausero vel aperuerò, toties rata & grata habeo omnia opera & actiones, quas Unigenitus tuus, & omnes Sancti ac Iusti ad laudem tuam unquam fecerunt, & deinceps facient: meque horum participem fieri desidero.

Quoties halitum traxero, toties offero tibi vitam, passionē, & sanguinē Domini nostri Jesu Christi, omniumq; SS. Merita & Passiones, in laudem æternam & salutem universitatis, omniumque totius mundi peccatorum satisfactionem.

Quoties suspiravero, toties detestor & abominor omnia & singula peccata tam mea quàm omnium hominum, ab initio mundi contra honorem nominis tui perpetrata. Quæ utinam meo sanguine aliquatenus compensari possent.

Demum quoties manum vel pedem movero, toties ex amore tui projicio & resigno me totum in tuam sanctissimam voluntatem; optans ut de me in tempore & æternitate disponas juxta tuum laudabilem

bilissimum beneplacitum. Et hæc quinque pacta, ne unquam irritari possint, sacratissimis quinque vulnerum tuorum sigillis obfigno, eaque rata & valida esse volo, licet tunc cum unum de iisdem edidero, de iisdem minimè cogitarem, Amen.

Suspirium ante orationem.

*B. Melchirildi dicebat Christus, ut quando-
cung; ires ad chorum; vel inciperes Horas,
aut alias preces, semper diceret sequ. vers.
& certo crederet, Deoq; consideret, illud
opus, quod tunc perageret. nunquam perire
posse l. 2. c. 17.*

Sanctissime Pater, in unione amoris dilectissimi Filij tui, Commendo tibi spiritum meum.

ORATIO ANTE HORAS CANONICAS
aut alias quascunq; preces.

Omnipotens æterne DEUS, ego indignissima creatura tua compareo hic ante thronum gratiæ tuæ, desiderans cor meum coram te effundere, teque DEUM meum omni possibili meliori modo venerari. Quare in unione amoris illius, quo Filius tuus te adoravit, omniaque opera humanæ redemptionis perfecit, hoc divinum Officium (seu hanc orationem) inchoabo; fideliterque persolvam; optans & desiderans, quòd tale tibi obsequium

honoris & laudis præstare possem, quale superdignissima humanitas Christi, sacratissimaque Virgo MARIA tibi semper exhibuerunt. Ideoque has preces meas in virtute & efficacia Cordis Christi, nomine suo omniumque Angelorum, Sanctorum, & hominum persolvam, ad æternam laudem & gloriam tuam, humiliter deprecans, ut me ab omni distractione & ariditate mentis custodias, atque fideliter hoc precum mearum pensum persolvere largiaris. Amen.

SUSPIRIUM ANTE OFFICIUM.

B. *Mechtild dicebat Christus: quod si quis hanc Oratiunculam Horis Canonicis præmittere assuesceret, quod eadem tunc cum orationibus suis univenter summeque coram DEO nobilitarentur.* lib: 3. c. 32.

Domine JESU in unione istius intentionis & amoris, quo tu Laudes DEO Patri persolvisti, has tibi horas offerro & persolvo.

Remedium contra distractiones.

Dum oratione distraberis, commenda illam Cordi Christi pro te supplendum: sicut ipse B. Gertrudi, quadam vice multum distracta, apparens, propriisque manibus cor suum præstans, dixit: Ecce cor meum oculis mentis sue præstans, cui omnia quæ per te minus supplere sufficis.

ficis, fiducialiter pro te supplenda commendabis & sic omnia coram oculis meis apparebunt summè perfecta. l. 3. c. 28.

Nota. quod Gloria Patri cum magna semper devotione dicere assuescas: rofert enim Honor. solit: sup. Psal. quòd quidam Religiosus, qui horas suas negligenter dicere consueverat, post mortem alteri cuidam apparuerit: & interrogatus, quidnam ob præfatam negligentiam secum actum esset: & hanc se recuperasse per Gloria Patri, quod magnâ semper reverentiâ dicere solitus fuisset.

Suspirium post Divinum Officium.

B. Mechtlanus pro quodam orans, qui ei conquerebatur. quod Horas suas sæpius distractè oraret, hoc à Christo accepit responsum: quod semper in fine Horarum diceret, ut sequitur: Insuper addens: quòd si quis id post singulas Horas dicere non posset. diceret saltem septies de die quando libuerit. l. 3. c. 33.

DEUS propitius esto mihi peccatori.
vel, Agne Dei benignissime & mansuetissime miserere mei: & per te metipsum supple quidquid in hac hora neglexi.

ORATIO POST OFFICIUM,

seu quamsuamq; Oracionem.

Domine IESU, ego hoc tepidum
distractumque servitium meum,
commendo Divino cordi tuo e-
mendandum & perficiendum:
tibi que illud offero in unione amoris illius
quo tu mortem pertulisti, eamque cum o-
mni fructu Sanctissimæ humanitatis tuæ in
die Ascensionis DEO Patri præsentasti.
Gertr. l. 5. c. 31.

*Modus offerendi efficacissimus.**Dumb. Gertr. opus quoddam Deo offerret. dicens*

Domine hoc opus offero tibi per u-
nicum Filium tuum, in virtute Spi-
ritus S. in laudem æternam.

*Intellexit quod mirifice super humanam esti-
mationem nobilitaretur & gratum sit Deo
Patri quidquid taliter offertur. Ad si-
militudinem sicut viride apparet quid-
quid per viride videtur: sic per omnia
acceptissimum est Deo Patri, quidquid per
Vigenitum suum offertur. l. 3. c. 30 § 14.
Et scias quàm utile sit opera sua Deo commen-
dare, audi quid Christus aliquando dixe-
rit B. Gertrudi sc. Omnia opera tua mihi
perfectissimè placent, quod cum illa non
posset credere, ait: Sicut tu tenens rem-
ali.*

aliquam in manu tua, quam facillime posses & benè scires sic emendare quod omnibus placeret, si bonam ad hoc voluntatem haberes. nequaquam negligeres: sic ego ex eo quod habes de more opera tua mihi commendare, ea quasi in manu mea teneo, & cum optimè valeam & sciam, certe ex benignitate mea delector omnia opera tua sic emendare, ut mihi possim perfectissime complacere l. 4. c. 31.

Oratio cum ex Ecclesia iturus es.

Ex S. Geri: L. 5. C. 33.

Pissime IESU, maximas habeo tibi gratias pro omni bono, quod mihi in hac Ecclesia contulisti. Et quoniam modò exiturus sum, ideo in unione perfectissimarum orationum tuarum offero tibi omnes orationes & devotiones meas quas in eadem perfecti rogant ut easdem in corde tuo divino perfectissime nobilitatas, unà cum omni intentione & devotione quam unquam cor humanum influxu tuo persensit, Deo Patri pro universis negligentijs meis, in placidissimam emendationem, & acceptabilissimum holocaustum offerre digneris, mihiquè illam S. Benedictionem, quam Apostolis in cælum ascendens dedisti, impartiri; cujus virtute in tua gratia perseve-
rare

rare, tibi que fideliter servire valeam. Amen.

Ad asperſionem aquæ benediçtæ.

Per aſperſionem Sanguinis Tui, Domine IESU Chriſte, & per virtutem Paſſionis tuæ, lava me ab omni peccato. In nomine Patris, & Filij, & Spiritûs S. &c.

ORARE EXPANSIS MANIBUS

quàm gratum ſit Chriſto

B. Gertrudis dicebat ad Chriſtum: Eia doce me, Doct̃or optime, unum ſaltem factum, quod ſpecialiter in memoriam paſſionis tuæ poſſimus perficere. Cui ille: Hoc ergo accipe, ut orantes expansis manibus formam meæ Paſſionis. DEO Patri prætendatis, in unione illius amoris, quo ego in Cruce manus expandi. Et ſi quis hoc in uſum duceret, quod palàm expansis manibus orans, nullius in hoc contradictionem expaveſceret, ille tantum mihi honoris exhiberet, quantum ille regi deſert, qui ipſum ſolemniſter inthronizat. l. 4. c. 16.

Ad ſonitum Horologi.

Dulciſſime IESU, quidquid hæc hora feci, illud commendo divino cordi tuo emendandum: Deoque Patri ad laudem æternam offerendum. Et quidquid hæc ſequente hora faciam illud purè

ad

ad laudem DEI & ad salutem universitatis
in unione Passionis tuæ perficiam.

ANTE LABOREM.

*B Gertrudi dicebat Christus, quod diceret
cuidam persona, ut quancumq; aliquid a-
gere dispenceret, semper tali præveneret
intentione.*

Domine JESU, in unione perfectissi-
morum operum tuorum commendo
tibi hoc opus meum, secundum tu-
am laudabilissimam voluntatem regendum
ad salutem totius universitatis.

POST LABOREM.

Domine JESU, in unione perfectissi-
morum operum tuorum offero tibi
hoc opus meum ad emendandum,
ac DEO Patri dignè præsentandum in lau-
dem æternam. Amen. l. 3. c. 74. § 2.

ANTE COMESTIONEM.

*Quicumq; studuerit, aiebat Christus B. Ger-
trudi, singula commoda sua in edendo, biben-
do &c. eâ sumere intentione, ut dicat cor-
de vel ore (ut sequitur) alle singulis vici-
bus prætendit coram me quasi scutum quod-
dam, quo contra diversas molestaciones,
quibus à mundanis infector, quasi protectus
defendor. l. 4 c. 13.*

Domine JESU, hunc cibum suscipio
in illo amore, quo tu eundem sancti-
ficasti

ficasti, cum in tua sanctissima humanitate consimili uteris ad laudem Dei Patris, & salutem totius generis humani: orans ut in unione Divini amoris tui cedat in augmentum salutis omnibus cœlestibus, terrestribus, & purgandis.

Sub Commestione.

Cum B. Gertr. comedendo ad singulas buccellas diceret:

Virtus tui Divini amoris me totam tibi incorporet, amantissime JESU.

Et inter bibendum.

Effectum vehementissimæ charitatis tuæ, amantissime JESU transfunde & conserva in intimis meis, qui penetrando totam substantiam meam, jugiter distillet per omnes sensus corporis & animæ meæ ad laudem tuam æternam.

Quæsit à Domino qualiter similem devotionem à quibuslibet acceptaret. Resp. Quoties tali devotione comeditur à quopiam una buccella, ego me fatebor cum illo comidisse, ac per hoc ab ipso impotionatum esse, &c. Ideoq; affectum amoris illius, tempore congruo satis dignanter illi manifestabo.
lib. 3. c. 23.

POST LAPSUM IN PECCATUM.

B. Gertrudis dicebat Christo: Doce me ma-

gistro.

gistorum optime, quomodo maculas abstergere possim cum contraxero. Resp: Nunquam per tempus sinas eas durare in te, sed quamprimum te cognoscis maculatam, statim devoto corde dic:

O Unica salus mea, Christe JESU, da ut per saluberrimam mortem tuam deleantur omnia delicta mea. Amen. l. 3. c. 37.



PRECES VESPERTINÆ

Gratiarum Actio mirè efficax.

Ex S. Ger. l. 2. c. 2. & 15.

A Ve Salus & illuminatio animæ meæ, DEUS meus. Gratiâs tibi referat quidquid cæli ambitus, terrarumque circuitus, & abyssi complectitur profundum, pro universis beneficijs & miserationibus tuis, quæ mihi in corpore & anima contulisti. Quorum cum tantus sit numerus, quòd nequaquam valeam respondere uno pro mille: hinc idiosum illi æternæ, immensæ & incommutabili gratitudini committo, quâ tibi, ô fulgida semperque tranquilla Trinitas ex te ipsa, per teipsam, & in teipsa omne debitum

bitum plenè suppletur. Et haic me quasi pulvis exiguus ingerens, per eum qui in substantia mea tibi assistit, offero tibi laudes & gratiarum actiones, quales dedisti nobis posse per eundem in Spiritu Sancto Amen.

Hic examina conscientiam, & elicita contritione cum intimo suspirio dic cum S. Gert. lib: 2, c. 18.

IN amaritudine Passionis JESU Christi Filij tui, amantissime Pater, moveo querimoniam, vehementer me accusans, quòd hodie tam infideliter tibi servierim. teque benignissimum Patrem tot & tantis negligentijs & peccatis offenderim: de quibus ex intimo corde dolens, in spiritu humilitatis & in animo contrito percutio pectus meum dicens: DEUS propitius esto mihi peccatori. Et pro universis negligentijs meis, quibus suavissimum Spiritum tuum in me extinxi, offero tibi pænas & lachrymas dilecti Filij tui. Et peto in unione efficacissimæ orationis ejusdem in virtute Spiritus Sancti, omnium peccatorum meorum emendationem, defectuumque meorum suppletionem. Quod mihi præstare digneris per amorem illum, qui te continuit, cum tuæ paternæ delitiositati amantissimus Unicus cum sceleratis reputaretur. Amen.

B. Mech.

*B. Mechtildis dixit Christus, quòd indies pro
suis peccatis tertio oraret Psal. Laudate
Dominum omnes gentes.*

COMMENDATIO AD COR JESU.

O Cor JESU dulcissimum, tibi com-
mendo hac nocta cor & corpus
meum, ut in te dulciter requie-
scant. Et quoniam ego jam ob-
dormiturus DEUM laudare nequeo, tu illud
pro me supplere digneris; ita ut quot pul-
sus cor meum hac nocte dederit, tot lau-
des SS. Trinitati pro me persolvas: om-
nemq; halitum, quem spiravero, in te
susceptum, eidem tanquam vivas amoris
scintillas offerre velis.

AD B: VIRGINEM &c.

IN tuam maternam fidelitatem, ac sin-
gularem custodiam commendo me hac
nocte, ô beatissima Virgo MARIA, ro-
gans ut me insidijs inimici tuearis.
O dulcissime Angele Custos; ô vos SS.
Patroni mei, hac nocte defendite & inco-
lumem servate me. Et pro me dormien-
te incessanter DEUM meum laudate: mi-
hique vestram benedictionem, quam hu-
militer peto, conferre dignemini. Amen.

INTENTIO ANTE SOMNUM,

Quam Christus B. Gertrudem docuit.

lib. 4. C. 13.

B

Domi-

Domine JESU, hunc somnum suscipiam in illo amore, quo tu eundem sanctificasti, cum in tua SS. humanitate consimili uteris ad laudem DEI Patris, & salutem totius generis humani: orans ut in unione Divini amoris tu cedat in augmentum salutis omnibus cælestibus, terrestribus, & purgandis, Amen.

Decubiturus pollice scribe in fronte tuo has

4. literas: I. N. R. I. interim dicens:

JESUS Nazarænus, Rex Judæorum, præservet me à subitanea mala morte.

S. Edmundo dixit Christus, quod quicumque hoc fecerit, subitaneâ morte istâ nocte non sit moriturus. Sur. in ejus vita.



PARS



PARS II.

DE SACRIFICIO MISSÆ

B. Mechthildi dicebat Christus : pro certo dico tibi, me eis qui devotè Missam audierit, in extremis suis pro consolatione & defensione, tot nobiles personas de Sanctis meis missurum, quos Missas devotè audierit, lib. 3. c. 19

Et aliàs dicebat : nullum tamen gravem peccatorem aut hostem suum unquam in Missa presentem futurum, quem non patienter sufferat, eiq; cum gaudio omnes culpas suas, dummodò id petierit condonet. l. 3. c, 18.

Ad eo libenter ad Missam vade, hasq; preces Missales, verè efficacissimas, in quibus verus modus audiendi Sacrum continetur, postpositis alijs precibus, fac tibi familiares, Oratio in principio Missæ, valde meritoria.

Omnipotens sempiternæ DEUS,
 cum juxta veram Ecclesiæ fidem,
 Sacrum Missæ Sacrificium à Fi-

lio tuo institutum Divinæ Majestati
 tuæ summum honorem, laudem, &
 beneplacitum pariat, atque per illud so-
 lum & unicum condignè coli & honora-
 ri possis: ideo ex summo laudis & glo-
 riæ tuæ desiderio, huic præsentî Sacrifi-
 cio; summâ quâ potero devotione inter-
 esse, atque unâ cum Sacerdote hanc SS.
 Oblationem offerre intendo: sicut & actu
 offero; non solum hoc; verum & omnia
 totius mundi sacrificia; quæ hodierna die
 offeruntur: protestans quòd si penes me
 esset quod hæc offerentur, vel omitteren-
 tur, omnes vires meas ad eadem promo-
 venda impenderem. Imò si ex cunctis
 terræ lapidibus suscitare possim devotif-
 simos Sacerdotes, qui omni die summa
 cum devotione hoc Sacrificium laudis tibi
 offerrent certè hæc horâ idipsum perfice-
 rem. Cum autem id penes me non sit,
 saltem rogo te; Sanctissime Pater, per Ie-
 sum Christum Filium tuum, ut omnibus
 & singulis Sacerdotibus, maximè ijs, qui
 fortè hodierna die, tam beneplacitum
 tibi Sacrificium negligenter oblaturi sunt,
 spiritum gratiæ & devotionis infundas,
 quo tam tremendum Mysterium dignè
 & devotè peragere valeant. Mihi quoque
 & omnibus circumstantibus concedas; ut
 cum reverentia & devotione huic sacra-
 tissimæ Actioni assistere; atquè fructus e-
 jus-

iusdem participes fieri mereamur. Confiteor tibi Deo Omnipotenti, & B. Mariæ Virgini, & Omnibus SS. tam mea quàm totius mundi peccata, eaque super Sacrum hoc Altare depono, ut per virtutem hujus, sacrificij prorsus aboleantur. Quod nobis præstare digneris per amorem illum, qui te continuit, cum dilectissimus Unicus tuus per manus impiorum immolaretur, Amen.

Cùm Missa ab introitu usq; ad Oblationem semper variet: hinc & tu pro libitu tuo orationes tuas variare poteris.

AD OFFERTORIUM

Plissime Pater, in unione illius excellentissimæ charitatis, quâ Unigenitus tuus omnem influxum Divinitatis, qui in ejus humanitatem descendit, cum plena gratitudine offerens refudit in abyfum originis suæ; offero tibi omnia & singula bona, quæ ex ineffabili benignitate tua mihi unquam contulisti: eaque in summum gratitudinis affectum unâ cum meritis & virtutibus eiusdem Filij tui super Altari tuo in sempiternæ laudis sacrificium immolo. Maximè verò offero tibi cor meum, sed heu nimis fordium Calici immergo eâ intentione & desiderio, ut omnes illæ orationes & benedictiones quæ super hunc Calicem fient,

etiam super Cor meum pronuntientur: atque per virtutem istius ineffabilis Consecrationis, quâ vinum in Filij tui Sangvinem convertetur, idipsum in tui amorem efficaciter convertatur.

Ad hæc in unione amoris & gratitudinis illius, quâ Filius tuus omnes adversitates suas tibi obtulit, offero tibi super Altare tuum quidquid adversitam mihi quam ulli hominum è corde tuo paterno ad salutem nostram misisti: rogans ut id omne unâ cum hoc sacrificio in odorem svavitatis suscipias, nobisq; ad salutem provenire concedas.

Demum in unione resignationis Unigeniti tui, offero & resigno, me in tuam SS. voluntatem, ex toto corde desiderans: ut per me, in me, & circa me tuum in omnibus laudabilissimum bene placitum semper perficias. Ad quod perficiendum præbeo tibi Regi Regum Domino totam substantiam corporis & animæ meæ, ad servendum tibi pro gloria tuæ colendæ Majestatis. Amen.

Cum B. Gertrudis sic se Christo obtulisset, ait ad eam: Ego hoc munere tuæ bonæ voluntatis utar quasi pro regio sceptro, & de eo coram omnibus SS in perpetuum gloriabor. Et quotiescunq; tu mihi hanc intentionem renovaveris, toties idem scripturam

*prum amantissimis floribus in manu mea
efflorebit. l. 4. c. 27.*

Ad Orate fratres, dic cum Ministro:

Suscipiat Dominus. &c.

AD SECRETAS.

Respice pie Pater, de sede Majestatis
tuæ & de excelso cælorum habita-
culo super hanc oblationem, quam
per manus Sacerdotis hujus offert
tibi sponsa tua S. Mater Ecclesia; & per
virtutem eiusdem placare super multimo-
dis transgressionibus nostris. Suscipe quæ-
so eandem, quam ego indignissimus fa-
mulus tuus nomine meo, & nomine totius
universitatis, offero tibi Deo meo vivo &
vero, unâ cum omnibus meritis dilectissi-
mi Filij tui, totoque thesauro S. Ecclesiæ,
pro innumerabilibus peccatis & offensio-
nibus, & negligentijs meis, & pro omni-
bus fidelibus vivis atque defunctis, ut mihi
& illis proficiat ad salutem in vitam æter-
nam. Amen.

AD PRÆFATIONEM.

*Cum B. Mechtildis pro quodam oraret, ait Do-
minus: Ecce huic remitto omnia peccata
sua; in quorum satisfactionem dum in Præ-
fatione dicitur, Per quem Majestatem.
Laudabile me in unione &c. ut sequitur:
& dicat unum Pater noster, quod DEO*

offerat per me: sicq; supplebuntur per me eius negligentia. Et si quis alius hoc fecerit, pie credat se eandem gratiam impetrare posse. l. 4. c. 28.

Plissime JESU, adoro, laudo & glorifico te in unione istius supercælestis laudis, quâ reverendissima Trinitas ipsam laudat: quæ deinde effluit in Beatissimam Virginem MARIAM, & in omnes Angelos & Sanctos: qui gloriosam Majestatem tuam ineffabili & incomprehensibili voce laudant, & adorant, sociâque exultatione concelebrant. Cum quibus & nostras voces ut admitti jubeas deprecamur, supplici confessione dicentes: Sanctus, Sanctus, Sanctus. &c.

Hic in suppletionem negligentiarum tuarum dic unum Pater noster, quod offerat sequitur.

Sanctissime Pater offero tibi hanc orationem in unione istius laudis, quâ cæli & terræ, omnesque creaturæ te laudant & magnificent: Quam suscipere & admittere digneris per JESUM Christum Filium tuum. Per quem quid tibi offertur, ascendit ad te in summo beneplacito. Rogans ut per eundem Filium tuum omnia peccata mihi remittantur, omnesque negligentia suppleantur. Amen.

AD

AD CANONEM

Mecht: l. 2. c. 31. Gert: l. 3. c. 6.

O DEUS ineffabilis, jam incipiunt illa tremenda Myſteria, quæ nec Cherubim, nec Seraphim, nec omnes virtutes cælorum plene valent comprehendere: cum tibi ſoli cognitum ſit cum quanta amoris magnitudine te in dies pro ſalute fidelium, DEO Patri ſuper Altare in Hoſtiam laudis & placationis offeras. Ideoque hæc Sacroſancta arcana univerſi Angelorum ordines ſumma demiffione venerantur: & quod videant Regem ſuum Dominum, qui olim hominem redempturus ſummo amore descenderat, nunc iterum pro ſalute ejuſdem hominis ineffabili quodam modo ſuper Altare descendere, atq; ſub viliffimis panis & vini ſpeciebus ſe abdere.

O bone JESU, tam inæſtimabiliter, tamque excellenter reverendum eſt opus, iſtud, quod nunc operaberis, quod parvitas mea nequaquam audet ad hoc vel reſpicere. Unde demergens me jacebo in profundiffimâ valle humilitatis quam poterò inveſtigare, expectans ibidem portionem meam; quia omnibus electis inde ſalus proveniet. O utinam & millies utinam, piſſime JESU, in hoc opere tuo te adjuvare, efficereque poſſem, ut hæc oblatio Sacratiffima ſecundum dignitatem

suam, plenum sortiretur effectum: certè libentissimè quantumcunque difficili labore ad hoc inservire vellem. Rogo ergo te, da Sacerdoti huic, ut tali dignitate te tractet & offerat, quatenus hæc oblatio omnibus fidelibus vivis atque defunctis summè prodesse valeat. Amen.

Ad adorationem S. Hostiæ dic.

SALVE JESU dulcissime, cum summa humilitate adorans veneror te.

Hic ter pectus percuciens dic:

O JESU miserere mei, o bone JESU parce mihi. O piissime JESU, propitius esto mihi peccatori.

O R A T I O A D P A T R E M.

O Amantissime Pater, in unione amoris illius, quo Filius tuus olim in Cruce, & modò in Altari se obtulit, offero tibi eundem pro salute totius Ecclesiæ. Respice ergo illam virgineam carnem crudeliter flagellatam; colaphis & alapis cæsam, sputis maculatam, sanguine cruentatam, spinis perforatam, livoribus tumidam, clavis confixam, lancea perfossam. Illa ergo pietas, quæ Filium tuum traxit & vicit, ut seipsum in Cruce immolaret, & modò in Altari se tibi offert, ipsa te cogat Pater, miserere nobis.

Ad

Ad adorationem Calicis dic.

Salve pretiosissime Sangvis Domini mei,
cum summa devotione adorans vene-
ror te.

Ter pectus percutiens dic.

O Sacer Sangvis ablue me. O rosee
Sangvis purifica me, O pretiosissime
Sanguis clama ad DEUM Patrem,
ut misereatur nostri.

POST ELEVATIONEM ORATIO.

efficacissima, nec facile omittenda.

Sanctissime Pater, cum Unigenitus tu-
us, jam verè in Altari præsens, se-
metipsum fecerit sacrificium & victi-
mam pro peccatis nostris: ideò in
unione amoris illius, quo ille seipsum o-
lim in Cruce, & modò in Altari obtulit,
offero tibi Sanctissimum ejus Corpus &
Sangvinem, humanitatem & Divinitatem,
virtutes & perfectiones, passionem & mor-
tem: & in unione horum offero tibi om-
nes virtutes, merita & gratias B. Virgi-
nis MARIÆ, Omniumque Ss. nec non &
omnia bona opera cunctorum hominum,
totumque thesaurum S. Ecclesiæ. Quibus
specialiter addo quidquid ego, meique
speciales amici unquam boni pereginus,
aut mali pro gloria tua sustinuumus. Et
hanc oblationem unà cum hoc & totius
orbis sacrificijs, offero tibi Ô Pater æter-
ne,

ne, per dilectum Filium tuum, in virtute Spiritus Sancti ad tuam supremam laudem & gloriam, in recognitionem tuæ supremæ Majestatis & Dominij, in gratiarum actionem omnium beneficiorum uli unquam creaturæ collatorum, & in plenam abolitionem omnis injuriæ ab ullo unquam tibi irrogatæ.

Deinde offero tibi eandem in augmentum gaudij & gloriæ humanitatis Domini Nostri JESU Christi in cultum & venerationem omnium mysteriorum vitæ & mortis ejus, & in augmentum gloriæ & beatitudinis B. V. MARIÆ, omniumq; Sanctorum, maximè Patronorum meorum, & quorum hodie memoria colitur.

Tertiò offero tibi eandem pro me misero peccatore, & pro omnibus meis spiritualibus & carnalibus Amicis (*maximè NN.*) & pro omnibus Christianis vivis atque defunctis (*maximè pro NN*) rogans ut illam suscipere digneris in condignam gratiarum actionem pro omnibus bonis in corpore & anima nobis impensis, ad impetrandam omnem gratiam nobis necessariam, ad evertendum omne malum corporale & spirituale, quod salutem nostram officeret, & demum in perfectissimam remissionem & satisfactionem omnium peccatorum & negligentiarum nostrarum. Pro quibus offero tibi omne beneplacitum, quod

quod tibi exhibuit. omnemque satisfacti-
onem quam tibi pro debitis nostris per-
solvit JESUS Christus Filius tuus Domi-
nus noster. *Per ipsum, & cum ipso, & in ipso,*
sic tibi DEO Patri Omnipotenti in unitate Spiri-
tus Sancti omnis honor & gloria, Per omnia
sæcula sæculorum, Amen.

Hic cum sacerdote ora, Pater noster cum sequi.
oblatione pro peccatis totius Ecclesia, quo summum
DEO beneplacitum exhibebis, ut patet ex S. Gert,
l. 4. cap. 19. Pater noster.

O B L A T I O.

Benignissime JESU, hanc orationem
offero tibi in unione illius perfectis-
simæ intentionis, quâ eadem in corde
tuo dulcissimo sanctificata ad nostram sa-
lutem est edita: in emendationem omnium
commissorum, & suppletionem omnium ne-
gligentiarum, quæ unquam ex humana fra-
gilitate, ignorantia & malitia sunt contra-
cta, contra tuam insuperabilem Omni-
potentiam, inscrutabilem sapientiam, ac
supereffluentiam tuæ gratuita bonitatis,
Amen.

A D A G N U S D E I.

Roga Christum, ut se offerat DEO Patri,
sicut ipse se in omni Missa facere B. Me-
chtildi revelavit. l. 3. c. 19.

Agnus Dei, Miserere nobis, & offer-
te ipsum DEO Patri cum omni hu-
mil-

militate, patientia in satisfactionem debitorum nostrorum.

Agnus DEI, miserere nobis, & offer te ipsum DEO Patri cum omni amaritudine Passionis tuæ in perfectam reconciliationem.

Agnus DEI: Miserere nobis, & offer te ipsum DEO Patri cum amore divini cordis tui in suppletionem omnium bonorum operum, quæ nobis desunt, Amen.

Hic si libuerit ora quidpiam ex Oratione quæ habetur post Missam.

Ad Domine non sum dignus.

Domine non sum dignus. ut me terra ferat: sed propter temetipsum remitte mihi peccata mea.

Domine non sum dignus, ut dicat creatura tua: sed propter amaritudinem passionis tuæ condona mihi debita mea.

Domine non sum dignus, ut S. Nomen tuum pronuntiem, sed per virtutem huius sacrificij largire mihi gratiam tuam, Amen.

Hic spiritualiter communica, dicens cum S.

Gert lib. 4. c. 5. 4 & Mecht l. 1. c. 9.

OVivifici fontis profluvium, ô aromaticæ sapor Divinarum dulcedinum: ecce tibi propono in tui ipsius plenitudine guttulam meæ miserabilis indigentia, quæ, licet minus justò, doleo, & sem-

& semper dolebo, quòd ob meam nimiam indignitatem, animam meam ab infatidilibus epulis tuis jeiunam continere debeo. Et nunc formator & reformator substantiæ meæ, rogo ut in hac hora: tuâ omnipotente sapientia, atq; dulci pioque cordis tui amore me præparer, ut dignè te in animam meam recipere valeam, tuque in me agere & perficere queas omne id, quod ab æterno in me agere decrevisti juxta omne beneplacitum Divinæ voluntatis tuæ. Amen.

Ad quod impetrandum, si tempus ferat, dic unum Pater noster, sicut Christus

B. Mecht: docuit l. 1. c. 9.

COMMUNIO. Ex S. Mecht l. 1. c. 9.

L Audo te, ô amor fortissime: glorifico te, ô amor dulcissime: magnifico te, ô amor benignissime in omnibus & pro omnibus bonis, quæ gloriosissima tua Deitas, & Beatissima humanitas in nobis operata est, & adhuc operabitur ab æterno in æternum, per nobilissimum instrumentum Divini cordis tui. Amen.

POST COMMUNIONEM.

Ecce Pater Cælestis ad Altare tuum misit tibi S. Mater Ecclesia hostiam illam superdignissimam; quam tu olim misisti immolandam pro nobis: illam ergo suscipere digneris in amore illo super-

perexcellente, quo Filium tuum de regione nostra ad Regnum suum tevertentem, tibi que DEO Patri omnem fructum humanitatis suæ gloriosaque vulnera carnis suæ præsentantem suscepisti. Non recedant, piissime Pater, ab oculis tuis ci-
 catrices eius in periculum, ut memineris quantam ab eo pro peccatis nostris satisfactionem acceperis. Igitur virtute huius oblationis incruentæ, miserere mei, & omnium peccatorum, cunctorumque fidelium vivorum ac defunctorum da illis gratiam & misericordiam, remissionem peccatorum, & vitam æternam. Amen.

Mechr. l. 4. c. 52.

BENEDICTIO.

Benedicat me bone JESU, tua omnipotentia, instruat me tua sapientia, repleat me tua dulcedo, trahat & uniat tibi tua bonitas in sæcula. Amen.

Ad Verbum Caro factum est.

Cum devota gratitudine te inclinans dic

Gratias tibi ago, bone JESU, quod pro amore mei dignatus es Homo fieri.

Si quis hoc fecerit, ait Christus, ei dignatissime me reinclino, & ex intimo cordis affectu DEO Patri omnem fructum B Humanitatis meæ offero, in augmentum beatitudinis hominis illius. Gert. l. 4. c. 3.

Ado-

*Adoratio SS. Sacramenti**Sub Missa aut aliàs ante Venerabile dicenda.*

Salve nobilissimum Corpus & pretiosissimum Sangvis Domini mei JESU Christi, sub hac panis specie verè præsens, te adoro tali cultu & devotione, quàm novem Angelorum chori te venerantur & conjungunt. Coram te procido in spiritu humilitatis, credens & confitens, quòd tu Dominus meus & DEUS meus verè hic contineris,

Salve nobilissimum Corpus Salvatoris mei JESU Christi, vera Hostia in Cruce immolata. Adoro te in unione istius adorationis, quàm humanitas tua adoravit divinitatem, & cum affectu totius universitatis ago tibi gratias, quòd pro salute nostra hic delitescere dignaris.

Salve pie JESU, Verbum Patris, Splendor gloriæ, Fons pietatis, Salus mundi, sacra Hostia. Salve JESU Christe, Splendor Patris, Princeps Pacis, Janua cæli, Panis vivus, Virginis partus, Vas Deitatis.

Credo firmissimè, quòd tu DEUS meus hic præsens sis, mequè ex hoc Sacramento intuearis, atque intima cordis mei perspicias. Credo quòd sub hac Panis specie non solum Caro & Sangvis tuus, verùm etiam Deitas & Humanitas tua contineantur. Quod licet intelligere ne queam, adeo ta-

C

men

men firmiter credo, quòd vitam & sangvinem meum pro ea veritate profundere paratus sim.

Coram te, Ô SS. Sacramentum cum summâ reverentiâ procido, & cum omnibus Angelis & Archangelis, cum Thronis & Dominationibus, cum Cherubinis & Seraphinis; cumque omni militia cælestis exercitus hymnum gloriæ tuæ concino, dicens: Centies millies laudetur SS. Altaris Sacramentum.

O intima medulla paterni cordis, gratias tibi ago per mutuam gratitudinem colendæ semper & adorandæ Trinitatis, pro eo quod hoc inæstimabile Sacramentum instituisti, per quod cæli & terra reconciliatur, & immensis gratiarum donis perpetuò replentur,

Glorifico & magnifico sapientem & benignam omnipotentiam tuam: laudo & adoro omnipotentem & benignam sapientiam tuam: benedico & gratias ago omnipotenti & sapienti benignitati tuæ, Christe IESU, quod prævaluisti, scivisti & dignatus es in salutis nostræ subsidium hoc præmagnificum Sacramentum instituire.

O unica & vera fiducia animæ meæ, Christe IESU, te laudo, te amo, te adoro atque humillimè deprecor, ut in hac horâ te DEO Patri pro nimijs debitis meis offeras,

ras, sicut teipsum in cruce pro totius mundi reatu obtulisti.

O Christe IESU, dulcis & unicus amor meus, oculis pijsimæ misericordiæ tuæ respice me indignissimum humiliter coram te prostratum, atque peccatorum meorum veniam toto corde poscentem.

O Flos nobilissime de radice Jesse, per ineffabilem amorem prædulcissimi cordis tui miserere mei, & recipe me in gratiam tuam, propter gloriam nominis tui.

O Pater amantissime: offero tibi hunc dilectum Filium tuum in perpetuæ laudis tuæ holocaustum, & in propitiationis peccatorum nostrorum iuge sacrificium, Respice quæso in faciem Christi tui, & memento illius copiosissimæ satisfactionis, quam tibi pro peccatis nostris pendit in cruce, & miserere nostri. Amen.





PARS III.

DE SS. TRINITATE.

QUINQUE LAUDIS CANTICA.

Hæc s. Cantica, ex Exercitijs S. Gertrudis excerpta, adeo sunt sublimia & divina, ut potius videatur esse Beatorum in patria, quam Viatorum in terra. Poteruntq; esse usui in Process: solemnibus, & alijs quando DEVM laudare volueris.

CANTICUM PRIMUM.

Trium puerorum in fornace.

Benedictus es Domine DEUS Patrum nostrorum: & laudabilis & gloriosus in sæcula,

Et benedictum nomen gloriæ tuæ quod est sanctum: & laudabile & gloriosum in sæcula.

Benedictus es in Templo S. gloriæ tuæ: & laudabilis & gloriosus in sæcula.

Benedictus es super thronum sanctum regni tui: & laudabilis &c.

Benedictus es super sceptrum divinitatis tuæ: & laudabilis, &c.

Benedictus es qui sedes super Cherubim

him, & intueris abyſſos & laudabilis & glorioſus in ſæcula.

Benedictus es qui ambulas ſuper pen-
nas ventorum, & ſuper undas maris: &
laudabilis, &c.

Benedicant te omnes Angeli & Sancti
tui: & laudent & glorificent te in ſæcula.

Benedicant te cæli, terra, mare & om-
nia quæ in eis ſunt: & laudent & glorifi-
cent te in ſæcula.

Gloria Patri, & Filio, & Spiritui San-
cto: & laudabili & glorioſo in ſæcula.

Benedictus es ô Adonai Domine, Pater
Domini noſtri JESU Chriſti- qui feciſti
cælum & terram & omnia quæ in eis ſunt:
& es laudabilis, & glorioſus, & ſuperex-
altatus in ſæcula.

CANTICUM SECUNDUM.

In quo Sancti Deum laudare rogantur.

Jubilent tibi pro me, ô DEUS cordis
mei omnes Chori Angelorum, & uni-
verſæ turmæ Sanctorum, quos tu ab
æterno ad tuam gloriam præelegiſti.

Jubilent tibi pro me ſeptem illi ſpiri-
tus glorioſi, qui jugiter aſtant ante con-
ſpectum throni gloriæ tuæ.

Jubilent tibi pro me infinita SS. An-
gelorum caſtra, quos mittis in miniſteri-
um propter acquisitionis tuæ genus ele-
ctum.

Jubilent tibi viginti quatuor Seniores
cum

cum omnibus Patriarchis & Phophetis, qui deponentes coronas suas, precipitant ante thronum tuum.

Jubilet tibi sacra quatuor pennata animalia, quorum omnia viscera diu noctuque laudem tuam sunt eructantia.

Jubilet tibi amicissimorum fratrum tuorum Apostolica dignitas, quorum suffragijs S. Ecclesiam tuam mirabiliter sustentas.

Jubilet tibi victoriosa Martyrum tuorum turba, quorum stola pretioso sanguine tuo est purpurata.

Jubilet tibi Confessorum agmen perfectissimum, quorum spiritum transfusi in admirabile nomen tuum.

Jubilet tibi Sancta & Immaculata Virginitas, quam una tecum ornat tuæ unicæ puritatis claritas.

Jubilet tibi pro me hoc novum canticum, quod resonat in ore eorum, dum te sequuntur quocunque ieris JESU sponse Virginum.

Jubilet tibi pro me omnis electorum tuorum exercitus, peculiaris populus tuus; quia tu es ipsorum DEUS, & ipsi populus tuus in sæcula.

Jubilent tibi universa mirabilia opera tua, quæcunque cæli & terra complectitur circumferentia, & laudem dicant tibi illam per-

perpetuam, quæ à te exiens in te refluit
suam originem.

Gloria Patri, & Filio, & Spiritui Sancto.
Gloria quoque Reginae Cælorum cum omni
multitudine cælestis Hierarchiæ in sæ-
cula,

CANTICUM TERTIUM.

In quo DEVS in B. Virgine laudatur.

Benedicat te DEUS meus beatissima
Mater tua virginea, quam in Matrem
præeligere dignatus es ante sæcula.

Benedicat tibi admirabile Tabernacu-
lum gloriæ tuæ, quod solum tibi mini-
stravit dignè sancta inhabitatione.

Benedicat te S. Divinitatis tuæ gloria,
quæ se inclinavit ad virginæ vallis hu-
milia.

Benedicat te artificiosissima Divinitas
tuæ sapientia, quâ indidisti virginæ ro-
sæ tantam virtutem & speciem, quam tu
ipse potuisti concupiscere,

Benedicat te tua bonitas admirabilis,
cujus copiosa effecit gratia, ut omnis vita
Mariæ fieret tuæ dignitati congrua.

Benedicat te amor tuus dulcissimus, cu-
jus virtute: tu virginis flos, factus es
virginis filius.

Benedicat te Splendor vultus gloriæ
tuæ, qui animam Virginis ita decoravit
quod eam ineffabilis Trinitas concupie-
rit.

Benedicat te tua incomprehensibilis Sapientia, quæ castissimum Virginis Spiritum adimplevit cognitione & intelligentia.

Benedicat te tua humilis & mirifica dignatio, quæ castissima MARIÆ ubera contra venenum peccatorum nostrorum fuge-re dignata est

Benedicat te supereffluens dulcedo cordis tui, quæ Virgineam animam dulcore suavitatis tuæ ineffabiliter inebriavit.

Benedicant te suavissima divini oris tui eloquia, quæ sanctâ charitatis flammâ incenderunt materni cordis penetralia.

Benedicat te tota virtus divinitatis, & tota substantia humanitatis tuæ, quæ abundantiam cælestium charismatum in cor MARIÆ effundere dignata est.

Gloria Patri, &c. Gloria quoque Regi-næ cælorum cum omni multitudine cælestis Hierarchiæ in sæcula.

CANTICUM QUARTUM.

*In quo humanitas Christi pro nobis DEVM
laudare inducitur*

Benedicat te pro me, dulcissime JESU, exinanitio tuæ Majestatis, quæ nobis acquisivit thesauros æternæ claritatis.

Benedicat te assumptio nostræ humanitatis, quæ nos vocavit ad consortium tuæ Divinitatis.

Benedicat te exilium, quod triginta tribus

bus annis sustinuisti, per quod animas quæ perierant, ad gaudia vitæ æternæ reduxisti.

Benedicant te omnes humanitatis tuæ angustia & dolores, per quos sanctificasti omnes nostras pressuras & labores.

Benedicat te experientia nostræ misericordiæ, per quam factus es nobis pater multæ misericordiæ.

Benedicant te omnes guttæ tui pretiosissimi Sanguinis, quibus nos emundasti à peccatorum nostrorum maculis.

Benedicant te pretiosissima quinqueVulnerum tuorum monilia, quibus coemisti nobis æternæ hæreditatis tabernacula.

Benedicat te amaritudo tuæ pretiosæ mortis, quam tibi pro nobis intulit amor fortis.

Benedicat tibi tuum mellifluum deificatum Cor, quod in morte tua tam vehemens rupit amor & dolor.

Benedicat tibi humanitatis tuæ caro mundissima, in qua factus es frater noster fidelissimus.

Benedicat te pro me tua triumphalis gloria; per quam in carne nostra ad dexteram Patris sedes in sæcula.

Benedicat te pro me tui ipsius charitas, honor, & virtus, quæ mirabiliter repletur & pascitur omnis cælestis exercitus.

Gloria Patri, & Filio, & Spiritui sancto:

cto : Gloria quoque Reginae caelorum cum
omni multitudine caelestis Hierarchiae in
saecula.

CANTICUM QUINTUM.

In quo DEVS in seipso laudatur.

Benedicat te pro me gloriosum & ad-
mirabile lumen tuum, DEUS meus, &
laudet te praestantissimae Majestatis
tuae imperiale decus.

Benedicat te immensa gloriae tuae dig-
nissimus apparatus : & laudet te infinitae
potentiae tuae praeclearissima virtus.

Benedicat te aeternae claritatis tuae
principale jubar : & laudet te praefulgidi
decoris tui rutilans amoenitas.

Benedicat te justorum judiciorum tuo-
rum abyssus : & laudet te aeternae sapientiae
tuae inscrutabilis circuitus.

Benedicat te multarum miserationum
tuarum infinitus numerus : & laudet te o-
mnium misericordiarum tuarum immen-
sum pondus.

Benedicant te omnia pietatis tuae vi-
scera : & laudet te infinitae bonitatis tuae
superabundans copia.

Benedicat tibi tua nimis magna,
quam erga homines habes, charitas : &
laudet te tui benignissimi amoris inconti-
nentissimae liberalitas.

Benedicat tibi tuae supereffluentis dul-
cedinis triumphalis fortitudo ; & laudet te

rotius beatitudinis, quæ in te charis tuis manet, plenitudo.

Benedicat tibi tuæ dignitatis sublimitas, & laudet te tuæ perpetuæ invariabilitatis æternitas.

Benedicat tibi pro me tuæ imperialis Trinitatis Divinitas, essentialis Unitas, & personalis proprietas : & laudet te tua dulcis societas, mutua familiaritas, gloriosaque atque perfecta fælicitas.

Gloria Patri, & Filio, & Spiritui sancto : Gloria quoque Reginae cælorum cum omni multitudine cælestis Hierarchiæ in sæcula.

O B L A T I O.

Suscipe sancta Trinitas vota laborum meorum, quæ mihi æstuans amor cordis mei ad magnificandam magnificentiam tuam suggessit. Offero tibi hæc ipsa in unione istius ineffabilis laudis, quam in tua trina Deitate, una persona alteri incomprehensibili modo persolvit. Et in quantum possum, jacto & ego granum cordis mei vilissimum, in divini cordis tui aureum thuribulum (in quo ad laudem tuam jugiter concrematur æterni amoris thymiama suavissimum) concupiscens & desiderans, ut & illud meum vile & indignum per tui Spiritus afflatum vehementer accensum, transeat in tuæ laudis præmium : & illa longa quæ de abyssis terræ post te traho suspiria ,
pro

pro diuturna expectatione mea, tibi sint
laus perennis & gloria.

Laudis divina Iubilatio verè altissima.

○ Inattingibilis Altitudo prævalentiæ
admirabilis. O profunditas abyssi
sapientia inscrutabilis. O immensa
latitudo charitatis desiderabilis. Nemo te
dignè laudare potest nisi tu ipse, qui solus
agnoscis tuam infinitam magnificentiam.
Scisque modum quo dignè laudari possis.
Laudet ergo te pro me Domine DEUS me-
us tua æterna Deitas, immensa Majestas &
infinita bonitas. Laudet te Domine DEUS
meus pro me tua altissima Sapientia, tua la-
tissima misericordia, tua profundissima justitia:
Laudet & benedicat tibi pro me tua
incircumscripta magnitudo, tua suavissima
dulcedo. & tua pijsima benignitas. Omnia
nomina, omnia verba, omnesque significa-
tiones, quæ de te dici & concipi possunt, illa
tibi benedicant, tibi jubilent, teque exaltent
pro me, tibi que gratias agant pro omni bo-
no, quod mihi omnibusque creaturis con-
tulisti. & in æternum offerre intendis.

Tibi Domine DEUS meus jubilet &
benedicat reverendissima humanitas JESU
Christi, sanctissima eius vita & conversa-
tio, divinissimæ ejus virtutes & gratiæ
pretiosissimus eius sanguis & lachrymæ,
durissima ejus vulnera & livores, amarif-
sima

simam eius passio & mors, hæc tibi pro me suppleant teque dignè glorificent.

Te DEUS Creator meus magnificet & exaltet serenissima Cælorum Regina, castissima Virgo Maria, & cum ea illa decies centena millia Beatorum Spirituum agmina, unà cum universo innumerabilium Sanctorum tuorum exercitu illi tibi pro me hymnum dicant & psallant in sæcula.

Tibi Domine DEUS meus cantet & jubilet Sanctissima Mater Ecclesia, te laudent Sacratissima septem Sacramenta, te honorent reverendissimæ Ceremoniæ ritusque Ecclesiastici, omnes psalmi & preces, omnes eius virtutes & sanctificationes, omnes eius affectus & amores, omnia eius vota & desideria, quibus ad te gemit in hac lacrymarum valle.

Tibi laudes & grates persolvant omnia, quæ mihi gratis contulisti, gratiarum tuarum dona, tibi benedicant omnes corporis & animæ meæ vires, tibi jubilent omnes nervi & arteriæ meæ, omnia desideria & gemitus mei, omnis intellectus, memoria & voluntas mea, & demum tota medulla cordis mei cum ineffabili pulsu & moribus suis: quæ omnia tibi offero & resigno, deprecans ut me totum in tuam laudem & gloriam convertas in tempore & in æternitate, Amen.

Tres

*Tres incomparabiles Laudes.**Quas Christus B. Mecht. docuit. l. i. c. 33*

Veneror & glorifico te, ô B. Trinitas, in unione istius ineffabilis gloriæ, quâ DDUS Pater in sua omnipotentia Filium & Spiritum Sanctum veneratur per sæcula.

Magnifico & benedico te, ô B. Trinitas, in unione istius reverendissimæ gloriæ, quâ DEUS Filius in sua inscrutabili Sapientia Patrem & Spiritum Sanctum glorificat per sæcula.

Adoro & exalto te, ô B. Trinitas in unione istius superdignissimæ gloriæ, qua Spiritus Sanctus in sua invariabili bonitate Patrem & Filium superexaltat per sæcula. Amen.

LAUS EFFICACISSIMA.

*Cuius singula verba habent pondus fugn-
are. Ex exerc: S. Gert.*

Tota efficacia & virtus divinitatis tuæ laudet te pro me IESU piissime.

Tota amicitia & affectus humanitatis tuæ satisfaciatur tibi pro me. Tota magnificentia & maiestas imperialis Trinitatis glorificet, magnificentet, & honorificet te ipsum in te ipso pro me, illa laude altissimâ, quâ tu ipse solus tibi sufficis, & omnium creaturarum defectuum tibi metipsi supplens in te perficis. Amen.

Mo.

*Modus efficacissimè Deum laudandi,
& amandi.*

*Cùm B. Mechthildis l. 4. c. 22. auxiliaretur,
pro eo quòd DEVM non sufficienter co-
leret, nec amaret, ait Christus ad eam:
cùm me desideras laudare, nec id pro tuo
desiderio perficere potes, dic:*

O bone IESU laudo te: & quod mihi
in tua laude deficit, digneris sup-
plere pro me.

Et si vis me amare dic:

O bone IESU amo te: & quod mihi
in tuo amore deficit, digneris supplere
pro me; Deoque Patri amorem cordis tui
offerre pro me.

*Et alias dixit ad eam: Si me vis laudare,
tunc dic hæc quinque verba.*

Gloria tibi dulcissima, nobilissima, ful-
gida, tranquilla & ineffabilis Trinitas
lib. 3. cap. 3.

GRATULATIO.

Mirè sublimis Deoque grata.

DEUS gloriosissime, ego Servorum tu-
orum minimus gratulor tibi, & to-
to cordis affectu volo & consentio
quod sis, æternumque permanes talis
ac tantus DEUS, qui in tua Deitate & es-
sentia es, æternumque eris. Gaudeo &
congratulor tibi de tua infinita potentia

ac

ac majestate. Gaudeo & gratias ago tibi propter magnam gloriam & ineffabilem excellentiam tuam. Gaudeo ac toto corde exulto, quod in ditione tua cuncta sint posita, & non sit qui tuæ possit resistere voluntati, & in summam gratulationem & gratitudinem, quod tu sis ille, tantus tamque ineffabilis DEUS, offero tibi per cor IESU dulcissimum, nomine meo omniumque creaturarum tuam divinam infinitamque essentiam, cum omnibus perfectionibus, attributis & proprietatibus, quas in eadem complecteris, tali modo & affectu, quali dedisti nobis posse per Filium tuum in Spiritu Sancto. Opto quoque & desidero, ut omnes creaturæ quæ sunt in cælo & in terra, te agnoscant, te diligant tibi que de tua immensa gloria & beatitudine congratulentur, quas omnes in spiritu coram te sisto, tibi que subijcio, eorumque nomen tibi congratulor. Et quoniam id omne longè minus est, hinc rogo, ut tu meum omniumque creaturarum officium in amando congratulandoque tibi per te ipsum supplere digneris. Et hunc ipsum splendorem floremque charitatis & gratulationis, unà cum omni glória, laude & gratulatione quam unanimi consensu omnes beati Spiritus, omnesque justi tibi deferunt, offero tibi in gratiarum actio-

actionem pro omni gloria & beatitudine
quâ frueris in perpetuum.

GRATIARUM ACTIO.

Quâ vix invenies sublimiorem.

Ex Exerc. S. Gertr.

GRatias bonitati tuæ DEUS, gratias pietati tuæ vera & una Divinitas, Sancta & una Unitas, una & summa Deitas, pro omnibus beneficijs & miserationibus tuis: quibus incontinentissima pietas tua tam indebite circumvenit me. Pro quibus ò dulcissime DEUS, in unione illius supercælestis laudis, quâ tu, ò gloriosa Trinitas, solâ tui ipsius perfecta laus es, quæ deinde manat in benedictam humanitatem Domini nostri JESU Christi, atque in ejus gloriosam Matrem, & in omnes Angelos & Sanctos, & iterum refluit ab eis in abyssum divinitatis tuæ unde fluxerat, adoro, laudo & benedico te Domine DEUS meus, gratias agens pro amore quo creasti, redemisti, sanctificasti, vocasti, conservasti, & omnibus bonis dotasti me. Quoniam verò non est speciosa laus in ore peccatoris, ideo rogo te dulcissime JESU, ut tu ipse in illo prævalente amore, in quo ad dexteram Patris resides, persolvas pro me DEO meo pro omnibus bonis, quæ ex inexhausta ipsius Deitatis abyssu in me effluerunt, laudes æternas, immensas & incommutabiles, quales tu in teipso prævales & scis congruere re-

D

veren-

verendissimæ gloriæ & honori Majestatis ejus. Prorumpens pro me, mi JESU charè, in vocem talis ac tantæ gratiarum actionis qualis te decet. Domine mi valdè magne & mirabilis, laudans eam in te, & in me, & pro me, in tota virtute tuæ divinitatis, & in toto affectu tuæ humanitatis, ex parte & affectu totius univèrsitatis, Amen.

Professio beneficiorum DEI,

Dum B Gertrudis hanc professionem fecisset, tunc Filius DEI amantissimè complectens & deosculans eam dixit: Ergo post hanc professionem tuam suscipiam te in specialem curam meam supra omnem creaturam. Hinc intellexit: quòd quando aliquis similiter proficitur, cum gratitudine se providenti divinæ committens, tunc Dominus in specialem curam suscipit eum. l. 3. c. 71

Gratias tibi ago Sancte Pater, utcunque prævaleo. per eum qui sedet ad dexteram tuam, quod tam præmagnifica dona à tuâ largitate accepi: quòd certò recognosco nullam unquam potentiam hoc prævaluisse, nisi solummodo tuam divinam potentiam, quæ omnia creata sua vegetat virtute.

Gratias tibi ago benignissime JESU, & fateor atque fatebor quousque spiritum trahere

trahere valeo, quod tam in corpore quam in anima, & in omnibus tam prosperis, quam adversis, ita congruentissimo modo mihi providisti, quod hoc nulla unquam sapientia ab initio sæculi usque ad finem prævaluisset, nisi tua sola sapientia increata. Dulcissime DEUS attingens à fine usque ad finem fortiter & suaviter disponens omnia.

Gratias ago tibi Spiritus alme Paraclete, per eum qui te cooperante incarnatus est in utero virginali. Quod ita suaviter in benedictionibus tuæ gratuitæ dulcedinis in omnibus me indignum prævenisti, quod certus sum, nullam hoc unquam benignitatem perfecisse, nisi solummodo tuam ineffabilem dulcedinem, in qua latet. à qua procedit. & cum qua simul accipitur omne bonum. Et sicut hucusque mihi semper providisti, sic id ipsum deinceps de Divina tua bonitate, cui me devotissime committo, confido atque præsumo. Amen.

PROFESSIO FIDEI.

○ Prima & summa veritas DEUS meus ego N.N. corde credo, ore confiteor & opere protestor, quod omnes & singulos fidei articulos, quos S. Rom. Ecclesia nobis credenda proponit, firmissimè credam, & usque in finem credere velim. Et licet comprehendere nequeam quinam o-

omnia illa quæ fides tradit, sint possibile; attamen captivans intellectum meum in obsequium Christi, omnia illa sacrosancta Myſteria summâ demissione veneror, mihiq; ea in salutem provenire deſco. Et ſicut hanc fidem modo profiteor, ſic & in eadem me vivere & mori velle, coram omnibus Angelis & Sanctis; maximè coram te Ô ſanctiſſima Trinitas voveo, juro & promitto ſic me DEUS adjuvet, & hæc ſancta DEI Evangelia: *In principio erat Verbum. & Verbum erat apud DEVM. & DEVS erat Verbum.*

Hic commenda DEO fidem tuam, ut ſequitur.

quicumq; enim hoc fecerit (aitbat Chriſtus B. Mecht: l. 3 c. 34:) impetrabit hæc gratiam, quod uſq; in finem vitæ ſuæ nunquam in vera fide teſabitur.

Hanc ergo fidem meam commendo omnipotentia tuæ, Ô Pater æterne, rogans, ut per divinam virtutem tuam me in eadem adeo confirmes, ut ab ea nunquam deficiam. Commendo etiam eandem inveſtigabili ſapientia tuæ Ô Fili uni-genite, rogans ut me lumine intelligentia tuæ ita illumines, ne unquam per ſpiritum erroris valeam perverti. Commendo quoque eandem piſſimæ bonitati tuæ, Ô Spiritus Partclete, rogans, ut illa ipſa per charitatem omnia ita in me operetur, ut in hora mortis meæ integra & perfecta in me inveniat.

FIDU-

FIDUCIA IN DEUM.

B. Mechthild dicebat *Christus* : In veritate dico tibi, quod mihi valdè placeat, quod homines fiducialiter magna de me sperent. Est enim impossibile quod homo non accipiat ea quæ credidit & speravit. Ideo bonum est homini de me magna sperare, mihiq; sincerè fidere. l. 3. c. 5. Similia vide in *S. Gertr.*

l. 3. c. 7.

O DEUS cordis mei, unica spes & refugium meum. ego pauperculus, licet omni bono millies indignus, attamen de tua benignitate tam firmiter confido, quod nequaquam dubitem te mihi omnibus posse, scire & velle fideliter adesse. Scio quidem pijsime DEUS, quod si secundum merita mea mihi facere velles, non solum à te nullam gratiam expectarem, sed mille & mille supplicia; attamen cum sciam tam exuberantem esse bonitatem tuam, quod etiam pessimis tuis inimicis benefacere soleas; hinc & ego firmissimè credo atque confido, quod me in miserijs meis non sis derelicturus, sed in omnibus mihi taliter provisurus, qualiter à me maximo amico nequaquam haberem sperare.

O amabilissime DEUS, licet peccata mea, adeo gravia & multiplicia sint, quod mille inferni eis non respondeant: attamen in consideratione infinitæ bonitatis

tuæ tam securè à te (dum modo mihi displiceant, sicut verè displicent) eorum remissionem expecto, quod potius dubitarim an sim, quàm dubitarim an mihi ea sis rmissurus. O infinita bonitas, tam piam de te habeo fiduciam. quod licet millies plus peccassè quàm feci, sciremque certò te gravissimè mihi iratum, attamen licet penes me esset eligere mihi judicem, nullum tamen alium quàm te eligerem. Tibi inquam, & nulli alteri fiderem, certiusque à te misericordiam expectarem. quàm ab optimo meo amico. Etenim si toties tamque graviter contra aliquem amicorum meorum, sicut contra te peccassè, certissimus essem, quod mihi nòn ignosceret, licet charissima mater mea esset. Si enim ei ita rebellis ac injurius fuissè, ac tibi, vel millies me abiecisset & execrata fuisset. Tu verò post tot tamque graves acceptas injurias, post tot tamque graves in tuo servitio commissas negligentias, foves me nihilominus ac nutris.

De consequenda verò beatitudine, putasne, pijsime Pater, me vel in minimo diffidere? Absit. Non enim meis meritis, sed Unigeniti tui fideli promissione, eiusque copiosissimis meritis, quæ fidelibus suis donavit, eandem me affecuturum spero. Et hinc tanto jubilo &c. consolatio-

ne

ne afficior, quod videar mihi jam possidere bonum, quod desidero. Filius enim tuus qui mihi salutem promisit, meritaque sua quibus illam coemam donavit. fidelissimus est, nec verbum, quod de ore suo egressum est, reuocabit. Hanc igitur fiduciam, ô Pater æterne, quam pietati tuæ committo, tu me conservare digneris, donec nos jungat æterna perennitas, & ipsa boni fruitio spem idipsum consequendi depellat. Amen.

AMOR DEI,

B. Gertrudi revelatum fuit 1. 3. c. 30. S. quod cum una amans anima toto corde conversitur ad Dominum cum integra voluntate, quod se prevaleret, libentissimè persolveret Deo omne damnum. in quo est detrimentum sui honoris, & sic inter orandum facilius amoris inardescens blanditur DEO, in tantum ipsum placat, quod quandoque reconciliatus parcat toti mundo. Quoniam plus apud Deum prevalet vivis & defunctis salutem impetrare una amans anima, quam non amantium millia duodena. lib. 4. C. 55.

○ Amantissime DEUS, ô summum & infinitum bonum meum. amo, & æternum amabo te: te toto cordis ac mentis affectu complector, te fortissimis di-

lectionis brachijs constringo; tu es enim
dulcissimum & desideratissimum bonum
meum, tu perennis suavitas & dulcedo mea,
tu tota sufficientia spiritus mei. O suavif-
sime, dulcissime, amantissime DEUS. tu vi-
ta animæ meæ, tu jubilus cordis mei, DE-
US meus, amor meus, dilecte votorum
meorum. Amo te dulcedo mea, jucundi-
tas mea, deliciæ meæ, amo te quantum
possum & quantum valeo sed non quan-
tum debeo. Utinam te millies plus ama-
rem, utinam infinito amore te amare pos-
sem. Transfige dulcissime DEUS cor me-
um amoris tui sagittâ, & faucia illud sua-
vissimo dilectionis vulnere. Da mihi Do-
mine, ut amem te, quia non possum te
amare sine te. O si omnia creata corda, om-
niumque cordium affectus & amores in
meum cor immergere & includere possem,
quam vellem te amare dulcis amor meus.
O mihi si dares vel ad horam ardentissi-
mum illum Seraphinorum amorem, ut il-
lo vehementissimo amoris igne succensus
omnes homines in tuo amore accendere
possem. Eheu quam doleo, quod tu dul-
cis amor meus non ameris. Eheu quam
doleo, quod tu dulcis amor meus ita de-
spiceris & contemnaris; & insuper tam du-
re offendaris & injurieris. Compator ti-
bi DEUS meus, amor meus, super omni
contumelia & injuria quæ tibi irrogatur: &

si prævalerem. libentissimè tibi persolverem omne damnum, in quo est detrimentum honoris tui: quia omnem cruciatum desideriorum, quem unquam humanum cor ab initio mundi usque in finem est perpeffum in amore tuo libentissimè continere vellem in me etiam usque ad diem mortis meæ, ut eò digniùs acceptaculum tibi in anima mea exhiberem, & insuper emendarem tibi quod tam inæstimabiliter excellens dignitas gratiæ tuæ toties tamque graviter ab ingratis vilipenditur & conculcatur. Amen. *Gert. lib 4. cap. 55*

Desideria amantis Animæ.

Qui habet integram voluntatem, aiebat Christus B. Gert. l. 4. c. 17 ut libentissimè super omnem creaturam ne velles laudare & amare, &c. ille indubitanter à Divina liberalitate mea remunerabitur quando remunerabitur quandoq; copiosius, quam unquam ullus hominum opere potuisset obtinuisse.

DEUS cordis mei diligo te ex toto corde meo, & utinam millies amplius te diligere possem. O utinam & millies utinam te super omnem creaturam laudare, & amare, tibi gratias agere, condolere, & in omni virtute ne perfectissimo modo exercere possem, id ex integra voluntate mea libentissimè facerem,

juxta divini cordis tui summum beneplacitū.

O dulcis amor meus, si possem tibi Domino DEO meo adducere omnes homines, cum quibus dignaris delicias tuas habere, ob hoc à die isto usque in diem judicij libentissimè vellem nudis pedibus circuire totum mundum, & quemlibet eorum, in quibus tu dulcor animæ meæ habitando dignaris delectari, ulnis meis gestando tibi præsentare: ut vel sic desiderio infinito dulcedinis tui divini amoris aliquantisper satisfacere possem. Insuper, si possibile esset, cor meum in tot partes dividere vellem, quod homines vivunt, ut ex eo cuilibet eorum partiri possem bonam voluntatem ad obsequendum tibi secundum tui divini cordis summum oblectamentum. l. 4. c. 21.

O amabilissime DEUS, nihil quidem habeo quod possit tuam dignitatem concedere: sed tandem illam voluntatem habeo, quod si ego haberem omnia quæ tu habes, omnibus vellem abdicare, & tam liberaliter omnia tibi dare, quod tu posses dare, cuicumque velles. Imò si defacto DEUS essem, & tu esses pauperculus ille N. qui ego sum, vellem ex toto corde divinitati meæ resignare, atque amore tui pauperculus ille fieri, qui modò sum. Fiat, fiat.

Quod cum B. Gere: diceret: respondit Christus: Si tu hoc invenis in corde tuo, quod si velles

velles mihi facere, certissimè scire debes,
quod similiter tibi volo facere, & tantum
supra hoc, quantum pietas mea & amor
meus præponderat tuo l. 4. c. 26.

HOLOCAUSTUM.

Cùm B. Gert: simile holocaustum DEO obtulisset, apparuit Dominus IESVS, ipsam oblationem in similitudine cuiusdam dignissimi Xenij B. Trinitati representans, cumq; per medium cæli transires, tota cælestis militia ob reverentiam istius oblationis visa est genua flectere. Unde intellexit, quod quando aliquis DEO offert orationes suas, seu alia studia, hæc tota cæli curia extollit tanquam grata DEO Xenia: cùm verò aliquis merita Christi suis addit, hoc Sancti eo modo ut prædictum est, venerantur. l. 4. c. 6.

O DEUS illustrissime, Dominator cæli & terræ, ego indignissima creatura tua offero tibi super sacratissimo Altari dulcissimi cordis IESU Christi me ipsum totum, cum omnibus quæ sum & possum, unà cum omni bono quod ex abyssali supereffluentia tua mihi unquam contulisti. Et insuper offero tibi omnes thesauros & divitias hujus sæculi, omnes Monarchias, Regna, Principatus, honores & dignitates, tali animo, quod si hæc omnia haberem, vellem ea distribuere pauperibus

peribus, inque pios usus impendere: ego verò amore tui in tali paupertate, quali modò sum, lubens permanere.

Deinde super eodem altari offero tibi omnes virtutes, devotiones, merità & sanctitatem omnium justorum: omnem afflictionem, crucem, indigentiam & paupertatem omnium pauperum, afflictorum & infirmorum: omnes poenas, cruciatu, vulnera, effusiones sanguinis & mortes omnium Martyrum: omnem poenitentiam, mortificationem, jeiunia, vigiliis & austeritates omnium Confessorum: omnem amorem, continentiam & puritatem omnium Virginum: & hæc omnia offero tibi tali intentione & affectu, quali hæc omnia mea essent, egoque ad laudem tuam purissimà intentione ea fecissèm.

Tertiò offero tibi integram plenitudinem gratiæ & gloriæ, quâ Sanctos tuos in cælo, maxime verò superdignissimam Virginem MARIAM, Unigeniti tui Matrem ram abunde cumulasti, quòd hoc nullus humanus intellectus plene capere sufficit. Super omnia autem offero tibi virtutes, & merita, quæ Filius tuus operatus est in terris, & omnia gratiarum tuarum dona quæ ex supereffluentissimo SS. Trinitatis gazophylacio deprompta, sacratissimæ humanitati eius contulisti. Pro quibus omnibus ex parte omnium cælestium, terrestrium, &

um, & infernorum, per organum illud dulcisonum, scilicet Deificatum cor Filij tui, ita virtute Spiritus Paraclleti ea resonans, decanto tibi laudes & gratiarum actiones, ex parte omnium cælestium, terrestrium, & infernorum, tibi que quod tuum est, reddo.

Demum offero tibi inæstimabilem & immensam divitiarum & perfectionum abundantiam, quam divina tua essentia in se complectitur unaque persona alteri dulcissimo & ineffabili modo communicas, quod in te ipso, pro te ipso, tam in æternum communicas. Ergo Rex in æternum vive, illoque bono, quod tu ipse es, æternum fruire, nobisque miseris in hac lachrymarum valle degentibus interdum aliquas micæ de divite mensa tua largire. Amen.

RESIGNATIO.

B, *Gertruda revelatum est, quod qui se totos divina voluntati conformant & subdunt, super omnia desiderantes ut laudabilissima voluntas Dei circa se plenissime perficiatur tam in corporalibus, quàm spiritualibus, ij cor divinum medullitus erga se commovent l. 3. c. 30. Et cum tali resignatione tantum honorem quis deserit DEO, quantum honorem deserit Imperatori,*

ri, qui coronam regni capiti eius imponit.

Ibidem § 2.

Sanctissime Pater, ecce ego vilis & paupercula creatura tua; propriae voluntati meae prorsus abrenuntio, offero & resigno me tuae sanctissimae voluntati & beneplacito, praeter omnibus delicijs huius mundi, optans & desiderans, ut laudabilissima, placidissimaque voluntas tua in me, per me, & circa me tam in corporalibus, quam spiritualibus in tempore & aeternitate plenissime semper perficiatur. Et ad hoc perficiendum quodlibet membrorum meorum sigillatim cuilibet poenae exponere paratissimus invenire.

Si mihi optionem dares, o mi DEUS petendi quodcunque annuere velles, nihil aliud peterem, nec desiderarem, quam ut laudabilissima voluntas tua secundum optimum beneplacitum tuum tam in me, quam in omni creatura tua perficeretur. Igitur in resignationis illius quam Christus in monte Oliveti se tuae voluntati integre commisit, ipsius affectu & intentione, ipsius corde & ore dico, & millies dico: Non mea sed tua voluntas fiat, Pater Sanctissime, in tempore & aeternitate. Amen.

Si tibi aliqua adversitas immincat, addo sequentia verba. DEO verè gratissima: sicut B. Gertrudis intellexit, quod quando
ali-

aliquis offert integram voluntatem suam ad
omne beneplacitum DEI, quantumvis e-
tiam sciret sibi adversitates imminere, hoc
Dominum tali modo acceptare; quasi ho-
mo ille tempore passionis eius; omnibus
vulneribus suis lenissima adhibuisset em-
plastrum. Lib. 3. c. 64.

Maximè autem resigno & offero me
tibi, bone IESU, paratum ad perferen-
dam adversitatem illam mihi imminentem,
quam integra voluntate de manu tua ac-
ceptabo, atque cum omni quâ potero
patientia sustinebo: in unione amoris il-
lius, quo tu singulas adversitates de ma-
nu Patris tui suscepisti, easdemque cum
summa gratitudine reobtulisti rogans, ut
mihi vires & patientiam concedas, quò
eandem viriliter perferre valeam, ad lau-
dem tuam æternam, & totius uni-
versitatis salutem. Amen.



PARS

PARS IV.

Orationes ad Christum.

COROLLA GEMMEA.

Ex 3. aureis & 15. argenteis gemmis compilata.

*Dum B. Gertrudis offerret similes Salutationum
culas in honorem Nominis IESU perlectas,
apparuerunt eadem in specie rosarum, &
de qualibet rosa pendeat aureum tintin-
nabulum miræ sonoritatis, quod sine inter-
missione movebat cor divinum ineffabili de-
lectatione l. 4. c. 5. Et illæ orationes,
quæ cum devota intentione lectæ erant, sua-
vissimos Domino reddebant concentus: illæ
verò quæ incuratè lectæ erant, mæstiores
& submissiores voces personabant l. 4. c. 36
Et ait illi Dominus: Cùm aliquis me allo-
quens dicit: Duleissime Domine, &c: dul-
cedo divinitatis meæ in seipsa commota, fra-
grantiam miræ delectationis mihi aspirat,
& in illum, qui illa verba pronuntiat, o-
dorem salutis æternæ profundit, l. 4. c. 1.*

PRIMA GEMMA AUREA.

A

Ve vivificans gemma divinæ nobilitatis. Ave immarcescibilis Flors humanæ dignitatis JESU amantissimi-

tissime; tu mea summa & unica salus. Tu Creator, Redemptor & Amator meus, qui per angustias mortis relictâ omni beatitudine tua acquisivisti me. Amen. *S. Gers: lib. 4. cap. 22.*

Sequuntur 5. gemma argentea.

1. Ave JESU dulcissime, sanctissimæ Trinitatis gemma pretiosissima, cujus pretio totus mundus redemptus est.

2 Ave JESU benignissime, refulgens splendor paternæ gloriæ, qui electos tuos in patria claritate vultus tui illuminas & recreas.

3. Ave JESU amabilissime, clarissimum jubar de Sole justitiæ, qui igne charitatis tuæ Angelorum Sanctorumque accendis animas.

4. Ave JESU nobilissime, viva imago paternæ substantiæ, qui omnes tibi adhærentes participes tuæ divinitatis efficis.

5. Ave JESU illustrissime, stella matutina tuæ Ecclesiæ, qui illuminas mundi tenebras, & omnium peccatorum caliginem. Amen.

SECUNDA GEMMA AUREA.

Ave IESU Sponse floride cum delectamento divinitatis tuæ ex affectu totius universitatis salutans amplector te, & in Vulnus amoris deosculor te, Amen. *S. Gers. l. 3, c. 47:*

E

Sc:

Sequuntur 5 gemma argentea.

1. Ave IESU pulcherrime, clarissima gemma, nata in mari divinitatis paternæ, cujus originem nullus intellectus creatus potest indagare.

2. Ave IESU mellitissime, cœleste manna dulcedinis mirificæ, reficiens & fatians omnem esurientem animam.

3. Ave IESU splendidissime, urens ignis charitatis increatæ, allevians & aufereus labores hujus miserix.

4. Ave IESU suavissime, dulcis vena supercœlestis aquæ, auferens amaritudinem angustiata animæ.

5. Ave IESU inæstimabilissime, triclinium thesaurorum divinæ essentix, ditans pauperiem nostræ miserix. Amen.

TERTIA GEMMA AUREA.

Ave IESU, gratiâ plene, misericordia te cum, benedictus tu inter filios hominum, & benedictum sit sanctissimum nomen, vita & Passio tua, Dulcis IESU, Fili DEI miserere nobis peccatoribus nunc, & in hora mortis nostræ. Amen.

Quinq; gemma argentea.

1. Ave IESU, Sponse & corona Virginum, te, quem amor fecit Virginis Filium, laudamus in perpetuum. *Mecht: 1. 1. c. 19.*

2. Ave IESU Dominator omnium, speciosus formâ præfilijs hominum, te agnoscimus

scimus & veneramur nostrum clementissimum Dominum.

3. Ave IESU, jubar mirificum divinitatis summum miraculum, delens omne mundi piaculum.

4. Ave IESU nostrum solatium, divitiarum DEI patens gazophylacium, pauperum verum refugium, & afflictorum refrigerium.

4. Ave IESU decus Angelicum, fons vivus, lumen mentium, excedens omne gaudium, & omne desiderium Amen.

O B L A T I O.

O Bone IESU, amor, gaudium & dulcedo mea, te solum diligit anima mea, te concupiscit & desiderat Spiritus meus. Tu es enim Sole speciosior, Luna pulchrior, Aurora rutilantior, stellis præclarior. Tu candidior lilijs, rubicundior rosis, vegetior hyacinthis suaveolentior chariophilis. Tu es dulcore dulcior, omni amplexu gratior omni sapore suavior, omni amore charior. Tu solus magnus & laudabilis, tu solus dulcis & amabilis, tu solus pulcher, & amœnus, tu solus speciosus & delictijs plenus, tu solus talis ac tantus, qualis in omni cæli & terræ gloria non invenitur æqualis. Tibi igitur in signum amantis animi mei hanc corollam gemmeam offero & præfento in unione oblationis illius, quâ omnis cæli curia super Altare aureum divini cor-

dis tui immolat tibi laudis tuæ æternum melos. Eia ergo cordis mei amor verus, cum hæc laus mea sterilis nec in minimo fit tibi æqualis, tu tibi metipſi pro me perſolve tam ſolemne laudis tuæ decus, cui conjubilet omnis ordo cælicus, pro illo par maximo & dulciſſimo bono, quod tu ipſe mihi es DEUS meus: & quod à me omnium creaturarum tuarum peripſemate dignaris agnoſci, amari & laudari. Amen.

BLANDITIÆ IESU.

Oratio hæc efficaci impetuoſitate infuſa eſt B. Gertrudi: ad quam dixit Dominus: Quicumq; illam devote recitaverit, cognitionis meæ gratiam in eo auſeam, & recipiet in ſe ſplendorem divinitatis meæ, quem diriget in ſe per efficaciam prædictorum verborum: ſicut purum aurum tenens contra radiantem ſolem, in eo quod eſt auro oppoſitum videt lucis refulgorem l. 3 c. 66.

O Rex Regum excellentiſſime, Princepsq; illuſtriſſime, Ieſu amantiſſime. Tu animæ meæ vita, tecum fit affectio cordis mei unita, vi amatorij ardoris conflata. In omni ad quod ſine te tendit, reddatur exanimata. Quia tu es amœnitas omnium colorum, dulcor omnium ſaporum, fragrantia omnium odorum, delectatio omnium ſonorum, ſvavis amœnitas amplexuum intimorum. In te voluptas deliciouſa; ex te
super-

supereffluentia copiosa, ad te allicientia amcenosa, per te influentia affectuosa; tu supereffluens abyssus divinitatis. O Regum Rex dignissime, Imperator excellentissime, Dominator mitissime, Tutor validissime. Tu vivificans gemma humanæ nobilitatis. Opifex artificiosissime, Instructor mansuetissime, Consultor sapientissime, Adjutor benignissime, Amice fidelissime. Tu saporosa unio intimæ svavitatis. O Blanditor delicatissime, Affector lenissime, Amator ardentissime, sponse dulcissime, Zelator castissime. Tu vernans Flos ingenux venustatis. O frater amabilissime, juvenis floridissime, comes jucundissime, hospes liberalissime, ministrator curialissime. Te omni creaturæ præligo, propter te omni adversitati obvio. In his omnibus te unicum laudatorem, requiro. Te vegetatorem horum omniumque bonorum corde & ore contestor. In virtute tui fervoris adjungo intentionem meæ devotionis efficacix tuæ orationis, ut per integritatem divinæ unionis ducar ad apicem summæ perfectionis, consumpto omni motu rebellionis. Amen.

Oratio ad Nomen IESU.

○ Bone IESU, ò piissime IESU, ò dulcissime IESU, ò JESU Fili DEI & MARIE Virginis; plene misericordiæ & pietate; O dulcis IESU, secundum

dum magnam misericordiam tuam, miserere mei. O clementissime JESU, per pretiosum illum sanguinem, quem pro peccatoribus effudisti, deprecor te ut abluas omnes iniquitates meas, & in me miserum & indignum, humiliter veniam petentem & hoc Sanctum nomen JESU invocantem respicias. O nomen JESU, nomen dulce: nomen JESU. nomen delectabile: nomen JESU, nomen amabile. Quid est enim JESUS nisi Salvator? ergo JESU propter nomen Sanctum tuum esto mihi JESUS, & salva me. Ne permittas me damnari, quem pretioso sanguine tuo redemisti. O bone JESU, ne perdat me iniquitas mea. quem fecit omnipotens bonitas tua. O benignissime JESU, miserere mei, dum tempus est miserendi, ne damnes me dum tempus est judicandi. O piissime JESU, si me damnare velit tua severa iustitia, appello & confugio ad tuam piissimam misericordiam, o amantissime JESU, o desideratissime JESU; o mitissime JESU, o JESU, JESU, JESU suscipe me in numerum electorum tuorum. O JESU salus in te credentium, o JESU fiducia ad te confugientium, o JESU dulcedo te amantium: fac ut diligam te, tibiq; fideliter adhæream, & post hanc miseram feliciter ad te perveniam. Amen.

PE-

PETITIO AD JESUM:

Vt ipse per suam SS. Conversationem satisfaciat pro nostris excessibus.

Ex Exerc: S. Gert.

○ JESU pientissime, plene pietate & misericordia, quis nunquam spernis miserorum suspiria. ad te confugio, tuam clementiam exoro. Tu pro me loquere, tu pro me supple: quoniam tibi confiteor universa peccata mea. Tu per puras clarissimorum oculorum tuorum lacrymas, abluere omnes peccatorum meorum maculas. Tu per dulcem benedictarum aurium tuarum pietatem, abluere omnem peccantium aurium mearum iniquitatem, Tu per vividam dulcium verborum benedicti oris tui potentiam, absterge omnem polluti oris mei offensam. Tu per operum tuorum perfectionem, manuumque tuarum crucifixionem, abluere omnem impiarum manuum mearum offensionem. Tu per, dolorosam benedictorum pedum tuorum fatigationem, dirissimamque perforationem abluere omnem peccantium pedum meorum maculationem. Tu per puram sanctissimorum cogitatum tuorum intensionem, ardentemque transfixi cordis tui amorem, abluere omnem malarum cogitationum mearum & criminosi cordis mei reatum. Tu per vitæ tuæ nobilem

innocentiam puramque sanctitatem, dele omnem corruptæ vitæ meæ fæditatem.

Tu demum per pretiosissimi sanguinis tui prænobile lavacrum ablue, emunda & extingue omne cordis & animæ meæ piculum: ut per sanctissima merita tua mundus inveniar, & deinceps immaculatus omnia mandata tua servare merear. Amen.

Quinq; suspiria ad Christum.

Mirè alta, qua Christus B. Mechildem docuit. lib. 3. Cap. 35.

Dulcis JESU, suspiro ad te in unione istius laudis. quæ à te in omnes Sanctos effluit, in suppletionem istius laudis quæ te omnes creaturæ laudare deberent.

Pie JESU, suspiro ad te in unione istius gratitudinis, quam Sancti de corde tuo trahunt, tibi que pro donis sibi collatis gratias agunt.

Svavis JESU, suspiro ad te pro meis omniumque peccatis, in unione istius patientiæ, quæ iniquitates omnium portas, & suffers.

Amabilis JESU, suspiro ad te in unione tui divini desiderij, quod in terris pro salute hominum habuisti; desiderans omne bonum, quo homines ad laudem DEI & salutem suam indigent.

Bone JESU, suspiro ad te, in unione
 omnis orationis, quæ ex divino corde tuo,
 & ex cordibus omnium Sanctorum pro
 vivis & defunctis effluxit. Amen.

*Oblatio meritorum Christi pro
 suis peccatis.*

Cum Christus pro B. Mechilde ad ejus in-
 stantiam hanc oblationem DEO Patri ob-
 tulisset, videbatur ipsa indumentis can-
 didis rubesq; vestita, diversisq; ornamen-
 tis velut inelyta proles mirabiliter deco-
 rata. lib. 4. C. 17. Et hæc oratio ve-
 re est efficacissima meritoq; sapius recranda.

Pijissime JESU, secundum quod ex in-
 scrutabili sapientia tua perspicacius
 cognoscis defectum humanæ fragilita-
 tis, quam ve ego vel quisquam hominum
 cognoscere possit: ideo rogo, ut meæ
 multiplici fragilitati multipliciter compassus
 universalem meum supplere velis defectum.
 Offer ergo pie IESU dulcissimo Patri tuo ab-
 stinentiam dignissimam sanctissimi oris tui
 in veram emendationem & suppletionem
 omnium, quæ unquam per inutilem fermo-
 cinationem deliqui aut omisi. Offer illi e-
 tiam, bone IESU, abstinentiam sanctissima-
 rum aurium tuarum, pro omnibus delictis
 aurium mearum. Abstinentiam quoque ocu-
 lorum tuorum offer ei, pro cunctis maculis

quæ aliquo illicito visu contraxi. Nec non abstinentiam manuum, pedumque tuorum: pro omnibus delictis operum gressuumque meorum. Postremò Maieftati eius, JESU amantissime, offer deificatum cor tuum pro universis delictis, quæ unquam cogitatione, desiderio, sive voluntate commisi. Amen.

Laus Christi per Alleluia.

Cum B. Gertrudis in Fefte Paschatis diceret ad Christum: doce me instructor benignissime, quali devotione te laudare possim per Alleluia: Respondit: Convenientissime poteris me laudare in unione laudis celestium civium qui per idem me iugiter colaudant, hoc modo, l. 4. c. 27.

LAUDO te, ò mi JESU, in unione illius excellentissimæ laudis, quâ omnes Sancti coniubilantes extollunt persuavissimam delectationem divini influxus tui in tuam deificam humanitatem, jam immortalitatis gloriâ sublimatam, pro multifaria amaritudine passionis & mortis, quam sustinuisti propter humanam salutem.

LAUDO te, ò mi IESU, in unione illius excellentissimæ laudis, quâ omnes Sancti extollunt amœnissimam delectationem illius gratissimæ vernantix, quâ oculi humanita-

tis

tis tuæ delectantur in floridis pascuis totius summæ & individuæ Trinitatis.

Laudo te, ô mi IESU, in unione illius excellentissimæ laudis, quâ omnes Sancti extollunt suavissimam delectationem illam, quâ demulcentur aures tuæ deificatæ humanitatis, in suavisonis blanditijs semper venerandæ Trinitatis omniumque Angelorum & Sanctorum laudibus indefessis.

Laudo te, ô mi IESU, in unione illius excellentissimæ laudis, quâ omnes Sancti extollunt delitiosissimam fragrantiam auræ gratioris, quâ per suavissimum sanctæ Trinitatis spiramentum, nares jam immortalis sanctæ humanitatis tuæ gratissimè recreantur.

Laudo te, ô mi IESU, in unione illius excellentissimæ laudis, quâ omnes Sancti collaudant magnificum, incomprehensibilem & inæstimabilem totius divinitatis influxum in tuam deificam humanitatem, quæ jam immortalis & impassibilis effecta, profensu actus corporei, quo caret, duplici fruitur divinæ influxionis delectamento. Amen.

Salutatio IESU melliflua.

Hæc salutatiuncula B, Gertrudi familiarissima fuit, utpote quâ Christo, ab alijs offenso blandiri solebat, cum summo ipsius oblectamento. Vnde optime faceres cum eadem, me.

memoria commendatâ imaginem christi salutando, &c

Ave vivificans gemma divinæ nobilitatis. Ave immarcescibilis flos humanæ dignitatis. JESU amantissime: cum delectamento tuæ divinitatis, ex affectu totius universitatis salutans amplector te, & in dulcissimum vulnus cordis tui commendando me. Amen.

Salutatio omnium Vulnerum
CHRISTI.

Cum B. Gertrudis in salutationem omnium Vulnerum totius corporis Domini IESU legisset 7466. vicibus hanc orationem, apparuit ei Dominus super quodlibet vulnus suum, habens flores aureo splendore coruscantes, blandissimeq; illam salutans, dixit: Ecce in hac præutilanzi forma in hora mortis tibi apparebo, & tali decore, quali nunc mea vulnura ex salutatione orationum tuarum sunt adornata. ego omnes maculas peccatorum tuorum contegens adornabo: & etiam omnium, qui simili studio & devotione singula vulnura mea salutabunt, cum eadem vel simili oratione. l. s. s. 35.

Qui ergo hunc numerum implere, illiusq; promissionis Christi particeps esse voluerit, dicat per tricenarium indices se qu: orationem

quin-

quinques cum oblatione, quam Christus B. Mecht: post singulas 5. orationes interponendam esse dixit. l. 4. c. 52.

GLoria tibi suavissima, dulcissima, benignissima, nobilissima, imperialis, excellentissima, fulgida. semperque tranquilla Trinitas, pro roseis Vulneribus IESU Christi mei unicè electi amatoris.

Oratio post quinq. versus dicendo.

Domine IESU Christe, Fili DEI vivi, suscipe hanc orationem in amore illo superexcellente, quo omnia vulnera Sanctissimi Corporis tui sustinuisti. Et miserere mei, & omnibus peccatoribus, cunctisque fidelibus vivis atque defunctis. Da eis gratiam & misericordiam; remissionem peccatorum & vitam æternam. Amen.

Alia Vulnerum Christi saluatio.

Quæ B. Mechuldi à Spiritu Sancto inspirata fuit, quàm antè nec audiverat, nec cogitaverat, lib. 1. C. 6.

Salvete pretiosissima IESU vulnera, in omnipotentia Patris, qui dedit vos. Salvete in sapientia Filij, qui sustinuit vos. Salvete in bonitate Spiritus Sancti, qui per vos redemptionem generis humani perfecit. In vos commendo me, in vos abscondo me, in vos demergo me, ut vestra protectione liberari merear à facie vultatoris. Amen.

Sa-

Salutatio cordis IESU.

Dum B. Mechtildis in amaritudine cordis recogitaret, quam negligenter Deo servivisset, dixit Christus ad eam: Pro omnibus quæ neglexisti, ut ea plene recuperare queas saluta cor meum in divina bonitate, hoc modo. l. 3. c. 8.

SALVE cor IESU dulcissimum, suavifonum SS. Trinitatis organum. Salve cor IESU mellifluum, omnis bonitatis & gratiæ vivum profluvium. Salve cor IESU amantissimum, omnium divitiarum DEI nobilissimum Triclinium. Millies & millies benedico & saluto te in divina bonitate, quæ es fons & origo, ex qua omnis bonitas & misericordia scaturit. O nobile & pretiosum cor IESU Christi, per mutuam gratitudinem colendæ Trinitatis saluto & adoro te, in abundantia omnium gratiarum, quæ effluerant, & sine fine effluent in omnes sanctas & devotas animas, quas toties irrigasti & inebriasti torrente divinæ voluptatis tuæ.

O cor IESU, cor dulce. O cor IESU, cor suave. O cor IESU, cor amabile. O cor manans dulcedine, redundans pietate, supereffluens charitate. In tuam intimam medullam immergo meum spiritum, & in profundo tuæ misericordiæ sepelio totum pondus iniquitatis & negligentia meæ Tibi
offe-

offero omnes meos labores & sudores : tibi dedico omnes meas angustias & misérias : tibi commendo vitam & finem vitæ meæ. O cor thymiana dulcissimum , incensum suavissimum, sacrificium dignissimum : offer temetipsum super reconciliationis humanæ altare aureum, in supplementum omnium meorum, quos vixi, dierum, in quibus DEO non detuli fructum.

Benedico te cor JESU nobilissimum in illo amore, quo à Spiritu Sancto ex castissimo MARIÆ Virginis sanguine es, creatum. Glorifico te cor JESU dulcissimum in illo amore, quo à SS. Trinitate omnibus cælestibus bonis es decoratum, Magnifico te cor JESU mitissimum illo amore, quo semper erga genus humanum affixi. Veneror te JESU benignissimum in illo amore, quo in cruce moriens disruptum fuisti. Collaudo te cor JESU, fidissimum in illo amore, quo lancea transverberari, sanguinemque & aquam distillare voluisti.

Te igitur, ô superdignissima Trinitas, per illud superbenedictum cor, laudo, glorifico & benedico, quod potueris, sciveris atque volueris huic nobilissimo cordi tam multiplicia dona, gratiarumque abundantiam conferre : & summo quo possum affectu & reverentia offero tuæ supremæ Maiestati idipsum cor dulcissimum ac unice dig-

dignissimum in ea dignitate, quâ plenum est divina gratitudine ac omnimodæ beatitudinis perfectione superexcellens in perpetuum: orans, ut per illud ipsum supplere ac perfectè restaurare digneris, quidquid mali commissi, & in omni bono neglexi. Amen.

LITANIÆ SS. NOMINIS IESU

K Yrie eleyson, Christe eleyson; Kyrieleison,

Christe audi nos, Christe exaudi nos.

Pater de cælis DEUS, Misere nobis.

Fili Redemptor mundi DEUS, Misere.

Spiritus S DEUS, Misere.

S. Trinitas unus Deus,

Jesu Fili Dei vivi,

Jesu Fili Mariæ Virginis,

Jesu Fili David.

Jesu benignissime,

Jesu amantissime,

Jesu mitissime

Jesu amantissime,

Jesu suavissime,

Jesu dulcissime,

Jesu pientissime,

Jesu amabilissime,

Jesu misericordissime,

Jesu liberalissime,

Misere nobis.

Jesu

Iesu gratiosissime,
 Iesu speciosissime,
 Iesu nobilissime,
 Iesu illustrissime,
 Iesu gloriosissime,
 Iesu è millibus electissime,
 Iesu splendor paternæ gloriæ,
 Iesu figura divinæ substantiæ,
 Iesu castarum animarum sponse melli-
 flue,
 Iesu vivificans gemma divinæ nobili-
 tatatis,
 Iesu immarcessibilis flos humanæ digni-
 tatis,
 Per dulcissimum nomen tuum,
 Per pietatem divini cordis tui,
 Per unionem divinitatis cum humani-
 tate tua,
 Per amorem, quo de cælis ad terram de-
 scendisti, & omne opus humanæ re-
 demptionis perfecisti.
 Per amorem, quo in præsepium reclina-
 ri voluisti,
 Per amorem quo casta MARIE Virgi-
 nis ubera suxisti,
 Per amorem, quo 33 annis omnem mi-
 seriam sustinuisti.
 Per amorem, quo amarissimam mortem
 subiisti,

Miserere nobis.

Miserere nobis.

F

Per

ple-
 odæ
 s in
 sup-
 quid-
 ne-

Ky-
 nos.
 obis.
 erere.
 erere.

Miserere
 nobis.

Per amorem, quo cor tuum transfigi voluisti,

Per amorem, quo in tua Resurrectione corpori tuo glorificationem contulisti,

Per amorem, quo humanitatem tuam ad dexteram Patris collocasti.

Per amorem, quo omnes Sanctos suavitate vultus tui latificas.

Per amorem, quo deificatum cor tuum Patri tuo pro peccatoribus exhibes.

Per amorem, qui inter Divinitatem & Humanitatem tuam intercedit.

Iesu Christe,

Agnus DEI, qui tollis peccata mundi, Parce nobis Iesu.

Agnus Dei, qui tollis peccata mundi, Exaudi nos Iesu.

Agnus Dei, qui tollis peccata mundi. Miserere nobis

Vers: Iesu Salvator mundi exaudi nos.

Resp: Cui nihil est impossibile quam non posse miseris misereri. *Gen: 1. 3 c 49*

OREMUS.

Benignissime JESU, vera dulcedo omnium ad te confugientium, suscipe hanc orationem meam, quam tibi per dulcissimum cor tuum ad æternam laudem dulcissimi Nominis tui devotissime offero: rogans per amorem illum, quo illud

Miserere nobis.

illud
nibu
fice
facc
tent
te m
& ro



I

O

C

pec
gra
pre
con
val
ter
ver

illud sanctissimum Nomen suscipere, omnibusq; fidelibus tam dulce & amabile efficere voluisti, ut per virtutem eiusdem sacratissimi Nominis JESU me in omnibus tentationibus confortare, mihi que in morte mea fideliter adesse digneris. Qui vivis & regnas in sæcula sæculorum. Amen.



P A R S V.

De Passione Domini

QUINQUE OBLATIONES

Passionis Christi pro peccatis.

OBLATIO PRIMA,

OMnipotens æterne DEUS, inexhauribilis fons omnis misericordiæ: qui non contemnis indignos venientes ad te, sed mundas eos à peccatis suis. Ecce ego peccator, qui me gravissimo peccatorum pondere sentio depressum, in spiritu humilitatis & in animo contrito confiteor, quod tibi DEO meo valde ingratus extiterim, teque multipliciter offenderim. Sed nunc venio ad te, & vere contritus procido ante te, misericordiamq;

diamque tuam imploro. Et quia dignius nil habeo pro gravissimis peccatis meis tibi satisfaciendi, quàm sanctissimam vitam & passionem Filij tui, ideo per dulcissimum cor JESU Christi, in virtute Spiritus Sancti, pro omnibus peccatis meis, quæ à juventute mea usque in hanc horam delectatione & consensu cordis mei commisi, offero tibi superexcellentem illum amorem, quo idem Unigenitus tuus humanitatem assumpsit, & per triginta tres annos tot labores & defatigationes, tot angustias & misérias nostri causâ sustinuit. Offero tibi anxietatem illam & tristitiam, quam habuit, dum diceret: Tristis est anima mea usque ad mortem. Offero tibi sudorem ejus sanguineum, quem vehemens amor, timorque è corpore ejus expressit, & trinam Orationem quam in agonia constitutus ad te fudit. Offero tibi ignominiosam ejus captivitatem, verbera & tunsiones, injurias & blasphemias, colaphos & alapas, vellicationes & conspuitiones, quas in domo Annæ & Caiphæ totâ illâ nocte sustinuit. Hæc omnia cum gratitudine & compassione tibi repræsentans, rogo inexhaustam bonitatem tuam, ut eorum virtute & meritis à peccatis meis me abluas, tibi que per omnia placentem reddas. Amen.

OB-

OBLATIO SECUNDA.

Pijssime DEUS, pro omnibus perversis & malis operibus, quæ singulis membris corporis mei commisi, offero tibi ineffabilem illam injuriam & dolorem, quem Filius tuus sustinuit, dum tam contumeliosè in faciem suam percuteretur & conspueretur, ante Pilatum & Herodem injuste accusaretur, probrosè illuderetur, & blasphemè injuriaretur. Offero tibi ignominiosam vestium ejus detractionem, immitem ad columnam alligationem, dolorosam flagellationem, pœnosam vulnerationem, & copiosissimam sanguinis effusionem: Respice pie Pater cum quanto pudore ad columnam steterit, quam intimè ad te suspiraverit, quot verbera & ictus acceperit. quot vulneribus caro ejus discissa fuerit, quanti dolores medullas & ossa ejus penetraverint, quotque sacratissimi ejus sanguinis guttæ è vulneribus ejus effluxerint. Hæc omnia cum intima gratitudine & compassione tibi offerens rogo, ut eorum virtute & meritis in gratiam tuam me recipias, tibi que per omnia placentem reddas. Amen.

OBLATIO TERTIA.

Mitissimè DEUS, pro omni neglectu bonorum operum quæ ea pigritia & acedia omisi, offero tibi amorem illum

illum, quo filius tuus intolerabiles illos dolores sustinuit, quando spinis coronabatur, impiè salutabatur, turpiter consputabatur, tribunali sistebatur, injustissimè condemnabatur, & homicidæ postpositus, impia plebis voce ad mortem petebatur. Offero tibi pœnosum illud iter quod gravi cruce onustus ad mortem Calvariæ perfecit, offero tibi membrorum suorum defatigationem lictorum immisericordiam, populi applausum & irrisionem, Sangvino lenta vestigia, & quidquid hac tota via egit & sustinuit. Hæc omnia cum gratitudine & compassione tibi repræsentans oro inextinguitam bonitatem tuam, ut eorum virtute & meritis à peccatis meis me abluas tibi que per omnia placentem reddas. Amen.

OBLATIO QUARTA.

Misericordissime DEUS, pro omnibus peccatis & iniquitatibus meis, quas corpore & anima mea commisi, offero tibi nimium illum dolorem, quem Filius tuus sustinuit, cum vestimenta ejus vulneribus suis fortius agglutinata, cum refrigeratione omnium vulnerum immisericorditer detraheretur. Offero tibi inhumanum illud dirissimumque martyrium, quod sustinuit, cum sacratissimæ manus ejus & pedes cum summo dolore cordis sui, cruci affigerentur. Recordare pijsime Pater, quam

quàm humiliter, quàmque miserabiliter Filius tuus super crucem decubuerit, & præ violentia intensissimi doloris nescierit, quò caput suum reclinaret. Recordare quot suspiria è corde ejus proruperint, quot guttæ sanguinis è vulneribus effluerint, quotque dolores & horrores mortis omnia ejus viscera vehementissimè penetraverint. Omnes has guttas & lachrymas, omnes dolores & livores, omnes torturas & luxationes membrorum, omnes gemitus & suspiria cordis, omnem amorem & patientiam, quâ hæc omnia Filius tuus sustinuit, repræsentò & offero tibi cum intimâ gratitudine & compassione; orans, ut me à peccatis meis emundes, tibi que per omnia placentem reddas. Amen.

OBLATIO QUINTA.

Clementissime DEUS, pro omnibus mortalibus & venialibus peccatis meis, pro omnibus negligentijs & omissionibus meis, pro omnibus culpis & peccatis mihi debitis, offero tibi ineffabiles illos dolores, qui Filij tui viscera penetrarunt, dum unà cum cruce in altum levatus, violenter dimitteretur, totumque pondus corporis tribus clavis sustentaretur. Offero tibi omnes irrisiones & blasphemias ipsi irrogatas, omnia verba in cruce prolata, omnes lachrymas quas fudit, omne

frigus & tremorem membrorum quem pertulit, omnes angustias & pressuras cordis quas sustinuit, omnia suspiria & preces quas ad te fudit, omnem pudorem & vecundiam, quam ob nuditatem suam habuit, omnes actus virtutum, quos in Cruce elicuit, omnem compassionem, singultus & lachrymas, quas desolatissima Mater eius cæterique amici fuderunt: & demum offero tibi amarissimam, innocentissimam, crudelissimamque mortem, quam violentissimus amor & dolor ei intulerunt, humillimè rogans, ut per merita sanctissimæ vitæ, passionis & mortis ejus animam meam pretiosissimo illo Filij tui sanguine ab omnibus maculis suis abluas, Meritisq; & virtutibus humanitatis suæ exornes, & in exitu suo sanctissima Passione & morte sua communias.

HOSTIA PRO PECCATO.

Seu Oratio quæ Deo Patri Christus in Cruce pendens offertur: Ex Rev. B. Mecht. lib. I. cap. 28.

Respice pie Pater de sede magnitudinis tuæ, & de excelso cælorum habitaculo, & intuere dilectum Filium tuum tam miserabiliter & ignominiosè in Cruce pendentem, toto corpore extensum & vulneratum. Respice Agnum illum sine macula, qui in faucibus luporum
non

non aperuit os suum, ad proferendum vel unicum excusationis verbum. Intuere dilectissimum Filium tuum, dulcem Iesum, tam copiosè & liberaliter fundentem sanguinem suum pro peccatis fratrum suorum. Aspice sacratissimum, cunctisq; potentatibus tremendum caput, spinarum aculeis perfoffum, atque præ dolore animique deliquio inclinatum. Vide speciosissimam faciem sputis maculatam, unguibus laceratam, sanguine fædatam, carne oculos madentes lachrymis, os squalidum, genas deturpatas, capillos evulsos, brachia extensa, nervos luxatos, ossa contrusa, pectus vulneratum, cutem conscissam, genua debilitata, pedes & manus duris clavis transfixas. pectus confossum, cor vulneratum, & omnia membra & artus vulneribus & livoribus tumida atque palientia. Recogita ergo pijssimè Pater, quis patitur, & recordare benignus, pro quo patitur. Nonne hic est dilectissimus ille unigenitus tuus, quem è corde tuo paterno ab æterno genuisti? Nonne hic est innocentissimus ille agnus, qui tibi usque ad mortem obediens, semetipsum pro peccatis nostris hostiam & victimam obtulit? Moveat ergo te spectaculum hoc quod tibi Unigenitus tuus in cruce exhibuit, tibi que pro peccatis nostris satisfecit. Recor-

dare gemitum, recordare lachrymarum eius quas in cruce fudit, dum pro crucifixoribus suis, cunctisque peccatoribus oravit, dicens: Pater ignosce illis, Hunc ergo Filium tuum, qui factus est mihi sanctificatio, & iustitia, & redemptio, repræsento & offero tibi pro innumerabilibus peccatis & offensionibus & negligentijs meis. Ecce Sanctissime Pater repræsento tibi humillimum Filium tuum, qui tibi pro me copiosissimè solvit quidquid per superbiam commisi. Repræsento & offero tibi mansuetissimum Filium tuum, qui pro me solvit quidquid per iram deliqui. Offero tibi amantissimum Filium tuum, qui plene supplevit quidquid per odium peccavi, Mitissima eius liberalitas persolvit, quidquid per avaritiam contraxi. Sanctissima eius opera emendarunt meam acediam. Summa eius abstinencia satisfecit pro me a-gulofitate, Puritas sanctissimæ vitæ eius a-bole-vit quidquid malis cogitationibus, verbis, & operibus commisi. Suprema eius obediencia, quæ tibi obediens fuit usque ad mortem, extinxit meam inobediencia. Demum omnimoda ejus perfectio defendat supremam meam imperfectionem, omniumque virtutum inopiam. Hic est thesaurus meus pijs-sime Pater, in quo confido, hoc est pretium, quo tibi debita
mea

mea persolvo, Rogo ergo te per virtutem omnium orationum, quas Filius tuus pro peccatoribus fudit, ut hanc oblationem meam ratam, acceptabilem, efficacemq; facere, meque respicere digneris per innocentissimam eiusdem JESU Christi Filij tui humanitatem, puram & immaculatam ab omni peccato, ac per excellentissimam ipsius divinitatem, ditatum & ornatum omnigena virtute, quâ eadem gloriosa divinitas floruit per sanctissimam humanitatem. Amen.

OBLATIO brevior.

O Amantissime Pater, pro emendatione omnium peccatorum meorum offero tibi omnem passionem tui dilectissimi Filij quam ab illa hora quâ in præsepio super fœnum reclinatus vagitum dedit, & deinceps pertulit per infantiles necessitates, pueriles defectus, adolescentiles adversitates, & juveniles Passiones, usque ad horam illam quâ inclinato capite in cruce clamore valido spiritum emisit. Et in suppletionem omnium negligentiarum tibi offero. Pater amantissime, omnem conversationem Filij tui sanctissimam: quæ in omnibus cogitationibus, verbis & factis perfectissima fuit, ab hora quâ missus ab arce throni per uterum Virginis introivit in regionem nostram, usque post illam horam,

ram, quâ tuis paternis vultibus præsentavit victricis carnis gloriam Amen.

ORATIO ad Christum Passum.

Domine JESU Christe, Fili Dei vivi, da mihi toto corde, pleno desiderio, sitienti anima ad te aspirare, & in te dulcissimo ac suavissimo respirare, ac totum spiritum meum, & omnia interiora mea ad te qui es vera beatitudo, anhelare. Scribe misericordissime Domine vulnera tua in corde meo. pretioso sanguine tuo, ut in eis legam dolorem pariter & amorem tuum, & vulnerum tuorum memoria jugiter in secreto cordis mei permaneat, & dolor compassionis tuæ, in me excitetur, & ardor dilectionis tuæ in me accendatur. Da quoque ut omnis mihi creatura vilescat, & tu solus in corde meo dulcescas. Amen.

SUSPIRIUM ANIMÆ.

Christo passo compatienti.

OJESU benignissime, qui venisti quærere & salvum facere quod perierat: eheu quam malè & indignè tractavit te mundus, quamque vehementer ingratus tibi extitit, qui ut cum salvares, dilectam animam tuam in manus hostium tradidisti. Doleo super te mi frater amantissime, & ex intima medulla spiritus mei compatio tibi, recogitans desolationem illam

illam miserabilem, quâ tu amicus fidelissimus ab omnibus amicis derelictus, velut fur & latro crudeliter comprehensus & immisericorditer vinctus ad mortem es propulsus, & insuper ab amicis contumeliosè derisus, subsannatus & injurijs affictus, tanquam vermis & non homo opprobrium hominum & abjectio plebis, effectus es. Ah qui sine lachrymis cogitare poterit quantâ amicabilitate & charitate hostibus tuis, qui cum gladijs & fustibus ad te capiendum venerunt, tanquam pia Mater proli suæ obviam iveris teq; sponte in manus eorum tradideris, ut eos è faucibus luporum infernalium eriperes. Dum te immisericorditer colaphizarent, quot colaphos & alapas tibi impegerunt, tot dulcia oscula obtulisti illis animabus, quæ usque ad extremum Judicium per passionem tuam salvandæ forent: O quatenus erat amor tuus erga inimicos tuos, benignissime Iesu, quia dum tam crudeliter flagellareris, tam ardentem orationem ad Patrem tuum pro eis fudisti, quòd multi ex ijs converterentur. Dumque sacrosanctissimo capiti tuo corona spinea imponeretur, tot gemmas coronis eorum imposuisti, quot spinas ipsi capiti tuo infixerunt. Ah suavissime Iesu, quis sine amore tui cogitare poterit stupendum illum amorem

rem, nobis ingratiſſimis exhibitum, quia cum duris clavis manus pedesque tui innocentiffimi trabi crucis inhumanè affigerentur tamque enormiter omnia membra tua extenderentur quod omnia oſſa tua artuſque interiores dinumerari poſſent: tu è diverſo in tota virtute divinitatis tuæ omnium animas ad æternam vitam præordinatas ad te attraxiſti. Et cum lanceâ ſacrum latus tuum aperiretur, hauſtum vitæ de corde tuo propinabas iis, qui per Adamum hauſtum mortis biberant, ut omnes in te, qui vita es, filij æternæ vitæ & beatitudinis efficerentur. O igitur amator mi dulciſſime, ad reſpondendum amori tuo pro tam indebita amaritudine tuæ innocentiffimæ paſſionis, exhibeo tibi cor meum, deſiderans omnem amaritudinem & dolorem dulciſſimi cordis & immaculati corporis tui perferre ab hora iſta uſque in horam extremi exitus mei, orans ut idipſum compaſſione tui vulneres, jugemque ejuſdem paſſionis tuæ memoriam. ſentire facias. Amen.

ORATIO *ad Chriſtum paſſim*

Beaigniſſime IESU, humani generis Redemptor & Salvator, cum gratitudine & affectu commoneſcior te anxietatis illius, qua tu Creator meus ac Dominus in agonia conſtiturus prolixius oratiſti, & præ nimia vehementia anxietatis, deſiderij

quia inno-
 eren-
 a tua
 tusq;
 liver-
 nium
 as ad
 latus
 corde
 hau-
 , qui
 is effi-
 me,
 n in-
 pas-
 erans
 ciffi-
 rfer-
 exi-
 e tui
 tuæ
 s Re-
 tudi-
 inxi-
 Do-
 ora-
 , de-
 erij

fiderij & amoris sanguineo sudore faciem
 terræ irrigasti: rogans per omnes & singu-
 las hujus sacratissimi cruoris guttas, quas
 tibi devoto affectu offero, ut maculas
 peccatorum meorum dignanter abluas,
 Commonefacio te injustæ tuæ captivitatis,
 durissimorum vinculorum, multiplicium
 verborum & tursionum, omniumque con-
 tumeliarum & blasphemiarum quæ tibi in-
 justissimè irrogatæ sunt; dum tanquam se-
 ductor ab omnibus proclamareris, coram
 Pilato falsò accusareris; ab Hèrode igno-
 miniosè illüdereris, latroni impio postpo-
 nereris & ab omni populo clamosa voce
 ad mortem crucis petereris Quæ omnia tan-
 to amore, tantaq; patientia sustinuisti quod
 licet vel unico intuitu potuisses terruisse o-
 mnes tibi adversantes, vel unico verbo con-
 vicisse falsi omnes tibi contradicentes; at-
 tamen tanquam ovis quæ portatur ad victi-
 mam, inclinato humiliter capite, oculisq; de-
 pressis in terram coram Iudice non aperui-
 sti os tuū, ad respondendū vel unicū excusa-
 tionis verbū, contra tot falsasq; querimonias
 tibi objectas. Pro quo ex parte totius univer-
 sitatis tibi gratias ago, tibiq; omnia oppro-
 bria, injuriasq; illatas offero in satisfactionem
 omnium injuriarum, peccatis meis tibi ir-
 rogatarum. Gratias tibi etiā ago, teque
 commonefacio dirissime & excessivæ illius
 fla-

flagellationis, quâ toto corpore ita vulneratus & excarnificatus fuisti, quod à capite ad calcem non inveniretur in te fanitas. Admoneo te etiam intolerabilis illius doloris quem persensisti cum regali capiti tuo corona spinea tam violenter imprimeretur quod spinæ illæ acutissimæ totum caput, cerebrum & frontem penetrarent, suavissimaque facies tua, in quam desiderant Angeli prospicere, roseo sanguine tuo undique perfunderetur. Ah pi-entissime Jesu, nunc etiam commonefacio te doloris illius ineffabilis, qui medullas & viscera tua penetrabat, dum ferreis clavis cruci affigeris, cum cruce in altum levareris, à Judæis blasphemareris, felle & aceto potareris, & tanquam omnium creaturarum peripsema & exterminium medius inter latrones constitueris. Demum amabilissime Jesu cum gratitudine & compassione commonefacio te omnium & singulorum dolorum quos in corpore tuo sanctissimo, maxime autem in dulcissimo corde tuo persensisti, ex eo quod præsciebas amarissimam, turpissimam & innocentissimam passionem & mortem tuam in tam multis fore instructuosam. Et quando id ipsum deificatum cor tuum præ uehementia amoris & doloris disrumpebatur, & anima tua sanctissima de benedicto corpore

pore
quib
agen
ciatu
toto
dulc
Sanct
raru
à m
gent
just
tam
abfo

S
reve
natu
tiofi
alap
Salv
fusi
mun
Salv
briis
pro
pro
man
tensa

pore tuo incredibili dolore discedebat. Pro quibus omnibus infinitas tibi gratias agens, omnes illos dolores, pœnas & cruciatus quos in corpore, corde & anima tua toto passionis tuæ tempore sustinuisti, per dulcissimum cor tuum in virtute Spiritus Sancti ex parte & affectu omnium creaturarum; tibi offero pro omnibus peccatis à me commissis, bonis omissis, & negligenter peractis, ac pro omnibus pœnis justè promeritis. Quam oblationem ratam habere, meque à peccatis & pœnis absolvere digneris. Amen.

SALUTATIO.

Omniùm membrorum Christi.

Salvete delicata membra Domini mei JESU Christi, pro salute nostra diversis pœnis in passionè cruciata. Salve reverendum caput pro nobis spinis coronatum & arundine percussum. Salve pretiosissima facies pro nobis consputa & alapis cæsa. Salvete benignissimi nostri Salvatoris oculi, pro nobis lachrymis perfusi: Salve Sacrum os, gutturque suavissimum, pro nobis felle & aceto potatum. Salvete aures nobilissimæ, pro nobis opprobriis & contumeliis afflictæ. Salve collū regiū pro nobis colaphizatū, dorsumq; sanctissimū pro nobis flagellatum. Salvete venerabiles manus & brachia, pro nobis in cruce extensa. Salve pectus divinissimum, pro

G.

nobis

nobis in passione conturbatum & contursum. Salvete veneranda genua pro nobis conquassata, & in oratione flexa. Salvete pedes adorandi pro nobis clavis confixi. Salve latus gloriosum pro nobis lanceâ militis perforatum. Salve corpus JESU totum pro nobis in cruce suspensum, vulneratum, mortuum ac sepultum. Salve cor mellifluum, summæ Trinitaris gazophilacium, pro nobis in cruce disruptum. Salve ter sanctissima JESU Christi anima ad mortem usque contristata. Salve sanguis pretiosissime è vulneribus Christi copiosissimè effuse. Salvete adoranda Salvatoris nostri vulnera, monumenta charitatis, & pretia redemptionis humanæ, in passione Christo inflictâ, & modò in cælis tanquam stellæ radiantia. In his vulneribus tuis bone JESU describe me, in iisque à facie tentatoris absconde me. Et per merita vulneraque membrorum tuorum digneris animæ meæ in exitu suo donare innocentiam illam, quam per passionem singulorum membrorum tuorum Ecclesiæ tuæ acquisivisti. Amen

ORATIO *ad Christum in cruce pendentem.*

PRecor te amantissime Domine JESU Christe, propter illam eximiam charitatem, quâ humanum genus dilexisti, quando tu cælestis Rex pendebas in ara crucis vulnerato corpore, transfixo
cor-

corde, conturbatis sensibus, tristissimo gestu, sanguineis vulneribus, defluentibus guttis, expansis brachiis, confixis pedibus, extensis membris; livido ore, pallida facie, mortali colore, lachrymosis oculis, gemebundo gutture, inclinato capite, aperto latere atque tristissima anima. Per illam, inquam charitatem, qua cor tuum dulcissimum scindebatur, quando benedicta anima tua egressa est de benedicto corpore tuo, miserere animæ meæ in egressu suo.

Amen:

Tres gratiarum Actiones ad Christum in Cruce:

O Agne DEI mansuetissime, qui tam miserabiliter trium horarum spatio in Cruce pependisti, ex affectu totius universitatis gratias tibi ago pro intolerabili illo dolore quem sustinuisti, dum in sacra cruce tam immisericorditer extensus fuisti, quod omnia ossa tua dinumerari potuerint orans ut ob illum dolorem mihi dimittas quidquid membris meis contra bonitatem tuam deliqui. Amen.

O Agne DEI innocentissime, per gratitudinem universæ creaturæ gratias tibi ago pro amara siti, quam in cruce pro salute mundi patiebaris, dum lachrymabili voce clamares, sitio, nec tamen quidquam præter fel & acetum tibi propinaretur, rogans per acerbiter sitis illius ut dimittas

G 2

mihi

mihī quidquid immoderato cibo & potu deliqui Amen.

O Agne DEI sacratissime per mutuam gratitudinem colendæ Trinitatis gratias tibi ago pro immani illo martyrio quod subiisti, dum tam immisericorditer manibus & pedibus clavis ferreis cruci affigereris, a deo quod cor tuum præ dolore contremisceret, & omnes nervi tui contraherentur. Per dolorem hunc ita fortem & per amaram tuam mortem deprecor, ut culpas manuum, pedumq; meorum abluas, eademq; vulnera tua sanctissimo Patri tuo ad placandum eum ostendas, Amen.

Laus Christi.

Laudo & benedico tuam incomprehensibilem omnipotentiam, JESU magnificentissime, in qua in tua passione pro homine totus impotens factus es. Laudo & glorifico tuam inscrutabilem sapientiam, in qua pro insipiente reputatus es. Laudo & magnifico amorem tuum ineffabilem, in quo pro electis gratis odio habitus es. Laudo & exalto mitissimam tuam misericordiam, in qua pro homine horrendæ morti adjudicatus es. Laudo & adoro suavissimam dulcedinem tuam, in qua per amarissimam mortem amaricatus es. Amen.

BLANDITIÆ CHRISTI,

In Passione sua blasphemari.

Ave

Ave vivificans gemma divinæ nobilitatis. Ave immarcessibilis flos humanæ dignitatis, JESU amantissimè, pro omnibus blasphemijs & contumelijs tibi in terris illatis, ex affectu & amore totius creaturæ saluto & benedico te, tot millenis vicibus quot guttas sanguinis in passione tua fudisti, quot vulnera in sacro corpore tuo habuisti, quot colaphos, pugnos & alapas accepisti. Benedico & saluto te, dulcissime JESU, tot millenis vicibus, quot suspiria emisisti, quot lachrymas fudisti, quot dolores sustinuisti; Benedico & saluto te tot millenis vicibus, quot actus virtutum elicuisti, quot desiderijs salutem humanam sitisti, quot nutibus Matrem & amicos aspexisti. Benedico & saluto te tot millenis vicibus, quot lapsibus cecidisti, quot deliquijs defecisti, quot motibus manus aut Pedes movisti, Benedico & saluto te, mitissime JESU, tot millenis vicibus, quot guttas sanguinis sudasti, quot pœnosis gressibus ambulasti, quod gemitibus Patrem exorasti. Benedico & saluto te, suavissime JESU, tot millenis vicibus, quot vulneribus in flagellatione concisus quot spinis in coronatione vulneratus, quot fætentibus sputis es maculatus. Benedico & saluto te tot millenis vicibus, quot funibus ligatus, quot opprobrijs saturatus, quot

impiis salutationibus es salutatus. Benedico & saluto te tot millenis vicibus, quot falsis testibus accusatus, quot fædis mendaciis oneratus; quot iniquis iudiciis es condemnatus. Has omnes Laudes & salutationes mille millenis vicibus multiplicatas tibi offero, & singulis horis offerre desidero, benignissime IESU, toto affectu cordis & animæ meæ desiderans, omnes injurias, contumelias & blasphemias tibi dulcissimo redemptori meo tam indebitè objectas prorsus abolere & annihilare: orans, ut desiderium pauperis tui non despicias, sed juxta ingenitam tibi benignitatem ratum habeas & gratanter acceptes, Amen.

Salutatio vulneris lateris.

ex BB. Mechilde & Gertrude.

Pie Pellicane IESU Domine, qui nos immundos mundasti tuo sanguine: gratias tibi ago pro dulcissimo superdignissimoq; vulnere amoris, quod in cruce suscepisti, dum invictissimus amor, amoris sui sagittâ mellifluum Latus tuum aperuit dulcissimumq; cor tuum amoris vulnere fauciat. Benedicta sit hæc salutifera plaga sacratissimumq; vulnus: & benedictus sit adorandus sanguis & aqua salutis, quæ pro ablutione peccatorum inde manarunt. Hac unda efficacissima, pie IESU me immundum ablue, & hoc sacro ciuore me infirmum unge & vivifica: & fac, ut vel
unica

unica divini huius liquoris guttula in exitu animæ meæ sit portio & hæreditas mea. Per tuum transvulneratum cor transfige, amantissime IESU, cor meum jaculo amoris tui, in tantum, ut nihil terreni continere possit, sed à sola efficacia amoris tui contineatur Amen.

ORATIO

Ad Vulnus humeri.

O IESU amantissime, Agne DEI mansuetissime, ego miser peccator saluto & veneror sacratissimum Vulnus quod in humero tuo, dum gravem crucis tuæ trabem portares, persensisti: ob quod, sicut & ob tria inde prominentia ossa singularem dolorem & cruciatum præ cæteris vulneribus tuis in benedicto corpore tuo sustinuisti. Adoro te, IESU afflictissime, & ex intimo corde laudo, benedico & glorifico te, gratiasque ago pro hoc sacratissimo pænosissimoque vulnere humeri tui, humiliter deprecans, ut ob nimium illud dolorem quem illud tibi inflixit, & propter grave onus crucis tuæ, quod te tam dire afflixit, miserearis mihi peccata mea venialia & mortalia remittas, meque per viam crucis tuæ ad cælum deducas, Amen.

LITANIÆ de PASSIONE CHRISTI,

K yrie eleyson, Christe eleyson, Kyrie
eleyson,

Christe audi nos, Christe exaudi nos

Pater de cælis DEUS,

Fili Redemptor mundi DEUS,

Spiritus sancte DEUS,

S. Trinitas unus DEUS,

JESU Fili DEI vivi.

Per sanctissimam vitam & conversa-
tionem tuam,

Per amarissimam passionem & mortem
tuam,

Per tristitiam, quam in horto habuisti,

Per trinam orationem tuam,

Per resignationem humanæ voluntatis
tuæ,

Per sudorem sanguinem tuum,

Per immitem captivitatem tuam,

Per verba & vincula tua,

Per durissimam alapam tuam,

Per sputa illusiones & ignominiam tuam

Per falsum iudicium, quod Caiphas su-
per te pronuntiavit,

Per illusionem, quam tibi Herodes ir-
rogavit,

Per ignominiosam, denudationem tuam,

Per dolorosam flagellationem tuam,

Per

Miserere nobis.

Per p̄nosam coronationem tuam,
 Per purpureum vestimentum tuum,
 Per injustissimam condemnationem
 tuam.

Per bajulationem crucis tuæ,
 Per sanguinolenta vestigia tua,
 Per vulnus humeri tui,
 Per detractationem vestium tuarum,
 Per distensionem omnium membrorum
 tuorum,

Per diram crucifixionem tuam,
 Per elevationem crucis tuæ,
 Per omnes blasphemias & irrisiones
 tuas,

Per septem verba, & sitim tuam,
 Per compassionem Matris & omnium
 amicorum tuorum,

Per dolores cordis & corporis tui,
 Per lachrymas & orationes tuas,
 Per omnes guttas pretiosissimi sangvi-
 nis tui,

Per patientiam & humilitatem tuam,
 Per amorem dulcissimi cordis tui.
 Per amorem, quo pro peccatoribus
 orasti.

Per amorem, quo omnes cruciatus &
 p̄nas sustinuisti,

Per amorem, quo mortem crudelissi-
 mam subire voluisti,

Per amorem, quo sacrum latus tuum
 aperire voluisti,

Miserere nobis,

Miserere nobis.

Per amorem, quo in sepulchrum deponi
voluisti, Miserere.

Per omne beneplacitum, quod Patri tuo
per passionem tuam exhibuisti, Miserere.

Per intercessionem dulcissimæ Matris, & o-
nium electorum tuorum, Miserere.

Per infinitam dignitatem tuam, Miserere.

JESU Christe, Miserere nobis.

Agnus DEI, qui tollis peccata mundi &c.
Antiph: Salvator mundi salva nos, qui
per crucem & sanguinem redemisti nos:
auxiliare nostri, te deprecamur DEUS no-
ster.

v. Adoramus te Christe, & benedicimus
tibi.

R. Quia per crucem tuam redemisti
mundum.

O R E M U S.

Domine JESU Christe, Filij DEI vivi,
qui hora sexta pro redemptione mun-
di crucis patibulum ascendisti, & san-
guinem tuum pretiosum in remissionem
peccatorum nostrorum fudisti: te humi-
liter deprecamur, ut per virtutem & meri-
ta sanctissimæ vitæ, passionis & mortis tuæ
Paradisi januas nos gaudenter introire
concedas. Qui vivis.

PARS VI.

De B. Maria Virgine.

OFFICIUM B. MARIE VIRGINIS:

Ad Matutinum.

LAudo te piissime JESU, per cor tuum
 dulcisonum, innocentia integerrimæ
 virginitatis illius, quâ dignissima MA-
 TER tua te Virgo concepit, Virgo peperit
 & post partum Virgo inviolata permansit
 Et imitata est tuam innocentiam quâ tu
 horâ matutinâ pro redemptione generis
 humani captus, ligatus, alapis & fustibus
 cæsus, diversisq; contumeliis & opprobri-
 is miserabiliter & immisericorditer es affe-
 ctus.

Sequens Oratio ad omnes Horas dici debet.

LAudo & saluto te MATER beatitudinum,
 dignissimum Spiritus Sancti sacrarium.
 per dulcissimum cor IESV Christi Dei
 Patris; tuiq; amantissimi Filij, orans, ut in
 omnibus indigentis, & in hora mortis no-
 bis succurras, Amen.

Ad Primam.

LAudo te, piissime JESU, per cor tuum
 dulcissimum, in humilitate illa piaci-
 dissima, quâ intemerata Virgo magis
 magi-

magisq; habilitabatur ad te suscipiendum, & imitata est tuam humilitatem, quâ tu Judex vivorum & mortuorum horâ primâ coram gentili homine judicandus astare humiliter es dignatus pro redemptione generis humani.

Laudo & saluto. &c. pag eâdem ut supra.

Ad Tertiam

LAudo te, piissimè IESV, per cor tuum dulcissimum in desiderio illo ferventissimo, quo piissima Virgo te Filium Dei de sinu summi Patris traxit in uterum suum Virginalem & imitata est te in illo desiderio ferventissimo, quo tu salutem humanam desiderasti, cum duris flagellis cæsus, spinis coronatus, & horâ tertiâ ignominiosissimam tuis fessis cruentatisq; humeris cum summa mansuetudine & patientia dignatus es bajulare.

Laudo & saluto, &c pag: eâdem ut su-

Ad Sextam.

LAudo te, piissime IESV, per cor tuum dulcissimum in spe illa securissima quâ coelica Virgo per bonam voluntatem & sanctam intentionem semper ad laudem tuam aspirabat: Et imitata est te, qui in alta crucis arbore suspensus, inter ipsas amarissimas mortis acerbitates, totis viribus anhelabas ad humani generis redemptionem, unde & clamabas: Sitio. In tantum scilicet, salutem animæ humanæ, quod

quod si necesse fuisset, adhuc duriora & amariora supplicia pertulisses, teque ad universa pro redimendo homine gratis paratum obtulisses.

Laudo & saluto te &c. ut supra.

Ad Nonam.

LAudo te, pijsime JESU, per cor tuum dulcissimū, in ardentissimo amore illo mutuo, scilicet divini cordis & intemperate Virginis, quæ divinitatē excellentissimā tenerrimè conjunxit ac inseparabiliter connivit humanitati in utero virginali. Et imitata est vitam viventium, horā nonā in cruce præ amoris magnitudine morti amarissimæ succumbentem, ob humanam redemptionem.

Laudo & saluto te &c. pag. 107.

Ad Vesperas.

LAudo te Pijsime IESV, per cor tuum dulcissimum, in fide illa constantissima, quā B. Virgo sola tempore mortis tuæ recedentibus Apostolis & desperantibus univērsis in vera fide perstitit immobilis. Et imitata est te in fidelitate illa quā jam mortuus de cruce depositus, subsecutus es hominem usque ad limbum inferni. Unde ipsum omnipotenti manu misericordiæ tuæ eripiens, transvexisti ad gaudia Paradisi.

Laudo & saluto te, &c. pag. 107.

Ad Completorium.

Laudo

LAudo te Piissime IESV, per cor tuum dulcissimum, in perseverentia illa laudabilissima, quâ Mater tua dulcissima in omnibus bonis & virtutibus perseveravit usque in finem. Et imitata est te tantâ diligentia opus humanæ redemptionis peragentem, quod etiam post obtentam, amarissima morte, veram hominis liberationem, necdum omisisti corpus tuum incorruptibile humano more tradere sepulturæ; ut demonstrares nihil omnino esse tam vile quod pro salvatione hominis recusares.

Laudo & saluto te. ut supra.

Suppletio II. Virgini gratissima

OJESU dulcissime, per amorem quo pro nobis ex purissima virgine incarnari & nasci dignatus es ut pauperum tuorum delectus suppleres; obsecro te, ut per dulcissimum cor tuum Virgineæ Matris tuæ supplere digneris omnes defectus, quos per negligentiam & ingratitude multipliciter admisi in servitio & honore tam benignæ Matris, cujus maternam clementiam in necessitatibus meis mihi semper fateor promptissimè adfuisse. Pro cujus condigna gratitudine, offer quæso illi piissime IESU dulcissimum cor tuum, sicut est superabundans omni beatitudine: exhibens ei in eodem omnem affectum tuum divinum, quo eam ab æterno præ omni creatura gratuito in Matrem elegisti, præservasti

sti, creasti, omnibusquè virtutibus & gratijs incomparabiliter decorasti. Nec non omnem benignitatem, qua ei unquam blanditus es in terris, cum te infantem quam deinceps ei per omne tempus, quo cum hominibus conversatus es, filiali affectu exhibuisti, obediens ei in omnibus sicut filius matri, qui es gubernator cæli; & specialiter in hora mortis dum quasi proprii cruciatus oblitus, & ejus desolationi medullitus compassus, custodem eidem & filium providisti. Et insuper affectum dignationis illius inæstimabilis, quo eam in die jucundissimæ Ascensionis suæ super omnes choros Angelorum exaltasti, ac cæli terræq; Dominam & Reginam constituisti. sicquè redde eam, bone IFSV, mihi placibilem Matrem, ac in vita & morte meam advocatam & Patronam, Amen.

DEO GRATIAS,

Prò gratiis B. Virgini concessis.

Benedicta sis ineffabiliter dignè extol-
 lenda DEI Patris omnipotentia: Benedi-
 cta sit admiranda Filij Dei Sapientia:
 Benedicta sit Spiritus sancti Paraleti stu-
 penda benevolentia, quâ prævaluit, sci-
 vit & dignata est Trinitas semper vene-
 randa insalutis nostræ subsidium tam ple-
 nam omni gratiâ virginem formare. cui
 superabundantiam divinæ suæ beatitudinis
 tam largè communicaret, Amen

SALU-

SALUTATIUNCULA AUREA

Ad Beatam Mariam Virginem

Ave Candidum lilium fulgidæsemperq;
tranquillæ Trinitatis. Ave rosa fulgida
cælicæ amœnitatis, de qua nasci & de
cujus lacte pasci Rex cælorum voluit
adsis mihi misero peccatori nunc & in ho-
ra mortis meæ, Amen.

*Calicum Ave Maria.**Quod ori B. Mechildis a Deo inditum fuit l.i. c.18*

Ave ex omnipotentia Patris, Ave ex sa-
pientia Filij Ave ex dulcissima boni-
tate Spiritus sancti. Maria illuminans
cælum & terram. Gratia plena, Dominus
tecum, unicus DEI Patris, unigeni-
tusque virginei cordis tui filius, dul-
cissimus sponfus & amicus tuus. Bene-
dicta tu in mulieribus, quæ repulisti E-
væ maledictionem, & reportasti æternam
benedictionem. Et benedictus fructus ven-
tris tui IESUS Christus, Dominus & Crea-
tor omnium, omnia benedicens & sancti-
ficans omnia ditans & vivificans, Amen.

Ave Maria aureum

Ave Maria in illa reverentia, quâ DEVS
Pater per Ave te salutavit, suâque om-
nipotentia ab omni væ culpæ libe-
ravit. Ave Maria in illo amore, quo Filius
Dei suâ sapientia te illuminavit, clarissimum
que sidus illuminans cælum & terram effe-
cit. Ave Maria in illa dulcedine Spiritus
san-

sancti quâ te totam penetravit, adeoq; gratiosam effecit, quod omnis, qui per te gratiam quærit, eam inveniat. Admonéo te illius operationis, quam tota beatissima Trinitas in te operata est, cum carnis tuæ substantiam cum natura divina in una persona adunaret, ita quod DEVS fieret homo, & homo DEVS, ex quo quantam in illa hora dulcedinem & lætitiã conceperis, nullus homo plenè valet experiri. Ideoq; omnis creatura cum admiratione agnoscit & confitetur te benedictam & superexaltatam super omnes cælicas atque terrenas creaturas: & benedictum fructum ventris tui IESUM, qui omnia vivificat, sanctificat & benedicit in læcula, Amen.

JUBILUS MARIANUS.

Ave Virgo gloriosa, stella sole clarior, Mater DEI gratiosa, favo mellis dulcior: Tu es illa speciosa, quâ nulla est pulchrior: rubicunda plus quàm rosa, lilio candidior. Omnis virtus te decorat, Seraphinis purior omnis Sanctus te honorat in cælo sublimior, Amen.

Tres efficacissima preces, ad B. Virginem.

Beatissima Virgo Maria, rogo te per illam innocentissimam puritatem, quâ Filio Dei in utero tuo virginali placidissimam mansionem præparasti, ut tuis precibus ab omni macula merear emundari Amen.

H

Bea.

Beatissima Virgo Maria, rogo te per profundissimam illam humilitatem, quâ super omnes choros Angelorum & Sanctorum meruisti exaltari; ut tuis precibus suppleantur omnes negligentiae meae. Amen.

Beatissima Virgo MARIA, deprecor te per amorem illum inestimabilem, qui te inseparabiliter DEO conglutinavit, ut tuis precibus praestetur mihi copia diversorum meritorum. Amen.

Quinq; gaudia B Virginis.

Ave Virgo praclarissima in effluxu illo dulcissimo, qui ab aeterno è corde SS. Trinitatis ob beatissimam tuam praedestinationem in te effluxit.

Ave Virgo factatissima in effluxu illo dulcissimo, qui è corde SS. Trinitatis ob tuam beatissimam conversationem & vitam in te effluxit.

Ave Virgo nobilissima in effluxu illo dulcissimo, qui è corde S. Trinitatis, per doctrinam & praedicationem Filij tui in te effluxit.

Ave Virgo amantissima, in effluxu illo dulcissimo, qui è corde SS. Trinitatis è Filij tui amarissima passione & morte in te effluxit.

Ave Virgo reverendissima in effluxu illo dulcissimo, qui è corde SS. Trinitatis in te effluxit, cum omni gloria, magnificentia, praedulcique gaudio, quo nunc
exul-

exultas, & in æternum exultabis, tanquam electa super omnes creaturas in cælo & in terra, antequam terra formaretur & orbis. Amen.

Ad Ecce Ancilla.

LAudo & saluto te Mater beatitudinum dignissimum Spiritus sancti sacrum, & devotâ mentis intentione admoneo te illius ineffabilis gaudij quod persequisti, quando in verbo illo, ECCE ANCILLA DOMINI, te totam & omnia circa te agenda cum plena fiducia divinæ voluntati commisisti: orans ut monstres te esse Matrem, mihi que semper succurras per viscerum misericordiæ affluentiam salutarem.

OBLATIO CORDIS JESU

ad B. Virginem.

LAudo & saluto te Virgo prædulcissima in unione illa intima, quâ DEO præ omnibus creaturis es conjunctissima. Et in suppletionem omnium negligentiarum, quas in tuo, pia Mater, servitio commisi, offero tibi nobilissimum ac prædignissimum cor JESU Christi, cum omni affectu filialis dilectionis & fidelitatis, quem tibi supremo modo exhibuit in terris, & deinceps finè finè exhibebit in cælis. Amen.

ORATIO S. EDMUNDI.

O Intemerata, & in æternum benedicta. singularis atque incomparabilis Virgo

H 2

DEI

genitrix MARIA, gratissimum DEI Templum. Spiritus Sancti sacrarium janua Regni cælorum, per quam post DEUM totus vivit orbis terrarum Inclina Mater misericordiæ aures tuæ pietatis indignis supplicationibus meis, & esto mihi miserimo peccatori pia in omnibus auxiliatrix. O Ioannes Beatissime, Christi familiaris & i amice, qui ab eodem D. N. IESU Christ Virgo es electus, & inter cæteros magis dilectus, atq; in mysterijs cælestibus ultra omnes imbutus: Apostolus & Evangelista factus es præclarissimus te etiam invoco cum Maria Matre eiusdem D. N. IESU Christi, ut mihi opem tuam cum ipsa conferre digneris. O duæ gemmæ cælestes Maria & Ioannes. O duo luminaria ante Deum lucentia, vestris radijs scelerum meorum effugate nubila. Vos enim estis illi duo, in quibus unigenitus DEI Filius ob sincerissimæ virginitatis meritum dilectionis suæ confirmavit privilegium, in Cruce pendens uni vestrum ita dicens: Mulier ecce Filius tuus. Deinde ad alium: ecce Mater tua. In hujus ergo sacratissimi amoris dulcedine, quâ tunc ore dominico velut Mater & Filius ad invicem conjuncti estis, vobis duobus ego miserimus peccator commendo hodie corpus & animam meam; ut in omnibus horis atque quæ momentis, interiùs & exteriùs firmi custo

custodes, & pij apud DEUM intercessores mihi existere dignemini. Poscite mihi quæso corporis & animæ salutem. Agite quæso, agite vestris gloriosis precibus, ut cor meum invisere & inhabitare dignetur spiritus almus, grariarum largitor optimus qui me à cunctis vitiorū fordibus expurget, virtutibus sacris illuminet & exornet, in dilectione Dei & proximi perfectè stare & perseverare me faciat: & post hujus vitæ cursum ad gaudia ducat electorum suorum benignissimus Paracletus. Qui cum Patre & Filio vivit. &c,

SUSPIRIA PECCATORIS

AD MARIAM.

Memorare, Ô pijsissima, non esse auditum à seculo, quenquam ad tuam currentem præsidia, aut tuam implorantem suffragia à te derelictum. Ad hoc enim datus est tibi veniæ fons in filium, ut omnibus gratiâ egentibus eam obtineas & multitudinem peccatorum ac defectuum nostrorum operiat charitas tua copiosa. Igitur tali animatus fiduciâ ad te confugio, coram te miser & immundus peccator consisto. Ah ne spernas me propter innumera gravissimaq; peccata mea

nec abjicias me propter nimiam immunditiam & duritiam cordis mei. Tu scis, O MARIA, quam profundè peccatis & vitijs immersus sim, quamquè justè gravissimam Filij tui iram promeruerim. Ne excludas me, O pijsima, à gratia tua, quia post DEUM tu maxima mea fiducia, tu unica & summa salutis mea ratio. Tantam enim de te concepi fiduciam, quod mihi in animum inducere nequeam, me posse perire, quamdiu te amo, tibi que servo. O sacratissima Mater DEI & hominis, gaudium omnium Sanctorum, solamen omnium miserorum, refugium omnium pauperum, per illam suavitatem & delectationem ineffabilem, quam olim persequisti, dum in utero virginali incomprehensibilis divinitas carnem ex te sumens, dignata est se humanæ naturæ cunire, rogo: digneris causam meam in te suscipere, meque eidem Filio suo dilectissimo reconciliare. Monstra O Mater, ubera, quibus eum nutritivisti: ostende ipsi brachia, quibus eum amplexata es: enumera illi omnes labores & dolores quos pro eo sustinivisti, & tuum illud mellissimum cor tuum amoris igne fragrans illi exhibe, ut eum mihi reddas placabilem atque propitium. Eja advocata mea fidelissima, illos tuos misericordes oculos ad me indignissimum famulum tuum converte: & propter suavitatem deli-

deliciositatis illius ineffabilis, quâ in transitu de hoc mundo ad cæli palatium, innixa delicate supra dilectum tuum fruebaris, in horâ mortis meæ mihi assistere digneris, atque in eadem hora terribili, sanctissimæ Trinitati pro me offerre merita placidissimarum dignitatum illarum, quibus in die Assumptionis rux supra omnem humanam & Angelicam dignitatem præparata ipsi summè complacuisti, Amen.

INVITATIO B. VIRGINIS

ad suum obitum.

Sacratissima Virgo MARIA in illo amore & fidelitate, quâ Filius tuus in cruce pendens te B Joanni commendavit commendo tibi animam & corpus meum, cogitationes, verba & opera mea, vitam & mortem meam, maximè autem extremum illud vitæ meæ momentum, à quo pendet æternitas. Et sicut tu ad beatum tuum transitum, Filium tuum invitasti, ita & ego ad transitum meum te invito, rogans per amorem illum quo Filio tuo morienti assististi, perquè amaras lachrymas quas iudisti, quando eum inclinato capite amarissimè expirantem vidiisti, ut & mihi mater in benignitate tua assistere, & nequaquam emanere velis, quia sine te nequaquam piè mori me posse confido. Ne denies mihi, O Mater benignissima, petitionem

nem hanc meam quam à te devotissimo corde depono, quia si sine te moriar, non immerito vereor ne æternaliter peream. Quomodo enim ego pauperulus & fragilis nimis in tam multiplicibus, gravissimisque hostium insultibus subsistam, nisi mihi adfueris; Quomodo in districtissimo illo iudicio divino comparebo, nisi te mihi & advocatam exhibueris; Quomodo de peccatis meis innumeris, & omnem enormitatem superantibus rationem reddam, nisi tu illa apud filium tuum excuses, eorumque mihi veniam impetres; Inclina igitur aurem tuam precibus meis o beatissima, & ob amorem dilecti Filij in extremis meis mihi assiste ut sub tua protectione gravissimis illis periculis erutus, ad cælestia gaudia tecum pervenire valeam, Amen.

Tria Ave Maria pro felici fine

Ave Maria, &c. usque ad illa verba; Sancta Maria Mater Dei, sicut Deus Patet secundum magnificentiam omnipotentiam suam te super omnes creaturas exaltavit atque potentissimam effecit, ita mihi quæso adsis in hora mortis meæ expellendo à me omnem contrariam potestatem; Amen.

2 Ave Maria, &c. Sancta Maria Mater Dei, sicut Filius Dei secundum excellentiam inscrutabilis Sapientiam suam tantam te cognitione & claritate replevit, quod præ

præ omnibus Sanctis Majorem Ss. Trinitatis cognitionem habeas: ita in hora mortis meæ animam meam cognitione fidei sic illustres ne ullo errore aut ignorantia pervertatur, Amen.

3. Ave Maria &c. Sancta Maria Mater Dei, sicut Spiritus Sanctus dulcedinem amoris sui ita plenè tibi infudit, quòd post Deum dulcissima & benignissima sis: ita in hora mortis dulcedinem divini amoris mihi infundas, ex quo omnis amaritudo mihi reddatur suavissima, Amen.

B. Gertrudis hanc à Domino percepit eruditionem ut ad minus quotidie Matrem suam beatissimam per ista duo verba, scilicet:

Eja ergo advocata nostra, illos tuos misericordes oculos ad nos converte: invocaret, certa quod per hoc in hora sua novissima non mediocre solatium obtineret l. 4. c. 53.

GLADII DOLORIS

Qui cor B. Virginis in Passione Filii sui pertransierunt.

Primus gladius doloris.

Moestissima Virgo Maria ad moneo te illius gladii doloris, qui animam tuam pertransivit, quando dilectissimus unicus tuus in mortem iturus tibi valedixit, maternamquè tuam benedictionem à te expetiit. Recordare, ô Mater afflictissima, quomodo cordi tuo erat, cum tuæ deliciositatis amantissimus unicus jam jam

Hj

dis-

discessurus te dulcissimè amplexabatur, mæstissimaque voce ac lachrymantibus oculis tibi valedicebat. Recordare gemituum, recordare lachrymarum, quas utrinquè fudistis, quando piissima illa corda vestra fortissimo amoris nexu sibi invicem agglutinata discindebantur, atque acutissimo doloris vulnere transverberabantur. Per tristissimum hunc discessum Filij tui, & per amarissimas quas fudisti lachrymas, deprecor te, Ô MARIA, ut quando in extremis, omnibus amicis meis valedicere, & anima mea à corpore separari debebit, mihi assistas, tuâque maternâ benedictione contra insidias inimici tuearis. Amen.

Secundus doloris gladius

Afflictissima Virgo MARIA, admonco te illius gladij doloris, qui animam tuam pertransibat, cum tibi à B. Joanne intimaretur Filium tuum à Juda proditum, à Judæis captum, & ad Annam & Caipham adductum, ibidem blasphemari, illudi, conspui, contundi, ac omnibus contumelijs & opprobriis saturari, Recordare Ô afflictissima, quomodo tristissimum illud verbum cortuum penetraverit. Recordare quot gemitus, suspiria & lamentationes protuleris, totamque donum fletibus impleveris, dicens: JESU fili mi, fili mi JESU, quis det mihi ut moriar pro te JESU fili mi, fili mi JESU. Per acutissimum

num hunc doloris gladium deprecor Ô Maria, ut in ultima hora quando cor meum præ mortis angustia contremiscet, me sanctissimâ tuâ præsentia exhilarare, & ne in desperationis barathrum incidam, præfervare digneris, Amen.

Tertius doloris gladius.

TRistissima Virgo Maria, admoneo te illius gladij doloris, qui animam tuam pertransivit, quando Filium tuum, à Pilato foras productum, aspexisti toto corpore dilaceratum, spinis coronatum, sanguine cruentatum, sputis maculatum & non habentem speciem neque decorem. Memorare Ô tristissima quomodo cordi tuo erat, dum audires Judæos clamantes tolle, tolle; crucifige eum. Memorare acutissimi vulneris, quod cordi tuo inflictum fuit, dum audires execrandæ mortis sententiam à Pilato pronuntiari, Memorare compassionis & doloris, qui materna viscera tua penetravit dum videres Filio tuo crucem imponi, atque cum maxima ignominia ad montem Calvarix deduci Ô quis numerabit lachrymas, quis numerabit suspiria, quis recenserebit dolores afflictissimi cordis tui: compatior tibi Ô Mater desolatissima: teque humillimè deprecor, ut me in judicio illo districtissimo, quo in morte judicandus accusationibus dæmonum prægravabor mihi assistere, atque omnes adver-

sarios

farios meos à me pellere digneris. Amen.

Quartus doloris gladius.

Desolatissima Virgo Maria, admoneo te acutissimi illius doloris gladij qui animam tuam transverberavit, quando dilectissimum Filium tuum cum Cruce elevatum, tribus clavis affixum primitus aspexisti. Ah tristissima Mater, quomodo possibile erat, animam tuam in corpore tuo permanere posse? Ah quomodo possibile erat quod oculi tui præ lachrymis non deficerent. Memento tristitiæ quam habuisti, dum eum blasphemari, felle & acetopoti, & ipsis latronibus pejorem æstimari, duriusquæ tractari videres cum præ vehementia doloris & amoris deficere, ora pallare, artus contremiscere, oculos diffringi, & tandem cum dolore quodam inæstimabili rupto corde cum clamore valido expirare. Per dolores hos incomparabiles, & per singultus & lachrymas oculorum tuorum innumerabiles, deprecor te Mater desolatissima, ut eodem amore quo Filio tuo morienti astitisti, in extremo spiritus meo, quando cor meum præ mortis angustia dirumpetur, mihi assistere, animamquæ meam è corpore exeuntem in manus tuas suscipere digneris, Amen.

Quintus doloris gladius

Dolorosissima Virgo Maria, admoneo te
 Illius gladij doloris, qui animam tuam
 pertransiuit quando Filium tuum
 de cruce depositum in sinum suum accepi-
 sti, lachrymisquè totum corpus ejus riga-
 sti. Quid quæso cor tuum pensauit, cum
 caput spinis undiquè transfixum, latus
 lanceâ percussum, manus & pedes diris
 clavis confixas, faciem & genas convul-
 sas sputisque fædatas, totumquè corpus
 vulneribus laceratum, livoribus tumidum,
 sângvinequè maculatum videres. O Ma-
 ter mœstissima, quot oscula faciei ejus de-
 disti, quot lachrymis corpus ejus defleui-
 sti. O Mater derelictissima, per omnes ge-
 mitus & suspiria cordis tui, per omnes
 dolores & vulnera animæ tuæ, rogo, con-
 solare animam meam in exitu suo, ablu-
 eam lachrymis tuis & suscipe eam in ma-
 terna brachia tua, sicut exanime corpus Fi-
 lij tui suscepisti, atquè ad gaudia cœli dedu-
 cas, Amen.

LITANIÆ

DE B. VIRGINE.

KYrie eleyson, Christe eleyson, Kyrie
 eleyson,
 Christe audi nos, Christe exaudi nos
 Pater

Pater de cælis DEUS, Miserere nobis.
 Fili Redemptor mundi DEUS, Miserere
 nobis.

Spiritus sancte DEUS, Miserere nobis.
 S. Trinitas unus DEUS, Miserere nobis.

Sancta MARIA,

S. DEI genitrix,

S. Virgo Virginum,

Filia æterni Patris,

Mater Filij DEI,

Sponsa Spiritus Sancti,

Virgo gloriosissima

Virgo amabilissima,

Virgo mitissima,

Virgo suavissima,

Virgo dulcissima,

Virgo pientissima,

Virgo gratiosissima,

Virgo fidelissima.

Virgo mellitissima,

Triclinium Sanctæ Trinitatis,

Templum DEI vivi,

Sacrarium Spiritus Sancti,

Decor cælestis Jerusalem,

Fons gratiarum indeficiens,

Vena vitæ æternæ,

Hortus cælestium deliciarum,

Refugium afflictarum mentium,

Per duleissimum nomen tuum, Miserere
 nobis.

Per pietatem materni cordis tui, Miserere
 nobis. Pet

Ora pro nobis.

- Per amorem, quo Christum concepisti, &
novem Mensibus portasti, Miserere
- Per amorem, quo Christum genuisti, & in
præsepio reclinasti, Miserere.
- Per amorem, quo Christum lactasti & enu-
tristi, Miserere.
- Per amorem, quo dulcia & amara cum
Christo sustinuisti, Miserere.
- Per amorem, quo tot lachrymas in ejus
passione fudisti, Miserere.
- Per amorem. quo in Cruce morienti asti-
tisti, Miserere.
- Per amorem, quo Christum resurgentem
vidisti, Miserere
- Per amorem, quo eum ascendentem con-
spexisti, Miserere.
- Per amorem, quo Spiritum Sanctum acce-
pisti Miserere.
- Per amorem, quo Spiritum tuum tradidisti,
Miserere nobis.
- Per amorem, quo ad cælos assumpta fuisti,
Miserere nobis.
- Per amorem. quo in calis suscepta, & super
omnes exaltata fuisti, Miserere.
- Per amorem, qui inter te & divinitatem in-
tercedit, Miserere.
- Per amorem, quo omnibus peccatoribus
miseris, Miserere nobis.
- Sancta Maria, Intercede pro nobis.
- Agnus DEI, qui tollis peccata mundi &c.
Antipg.

Antiph. Per te accessum habeamus ad filium, ô benedicta inventrix vitæ, Mater salutis, ut per te nos suscipiat, qui per te datus est nobis. Excuset apud ipsum integritas tua culpam nostræ corruptionis, & humilitas DEO grata nostræ veniam impetret vanitati, copiosa charitas tua nostrorum cooperiat multitudinem peccatorum & fœcunditas gloriosa fœcunditatem nobis conferat meritorum. Domina nostra, mediatrix nostra, advocata nostra,

Ps. Ora pro nobis sancta DEI Genitrix.

R. Ut digni efficiamur promissionibus Christi.

Domine JESU Christe, fili DEI vivi, qui B. Mariam semper Virginem præ omnibus creaturis tibi in Matrem eligere, atque eandem per incontinentissimam pietatem tuam omnigenis gratiarum fluentis irrigare, fœcundare & beatificare dignatus es, immensam clementiam tuam suppliciter exoramus, ut ob amorem illum, qui in intimis tuis tam fortiter erga illam exarsit, peccatis nostris parcere, atque meritis ejusdem superdignissimæ Matris

tux nos tibi gratos efficere digneris.

Qui vivis

PARS



PARS VII.

ORATIONES de SANCTIS

Ad S. MICHAELEM *Archangelum.*

Salve princeps gloriosissime, Michael Archangele. Salve nobilissime Dux superni exercitus. Salve decus & gloria cælestium Hierarchiarum, O Princeps illustrissime, tu summè obligatus es creatòri tuo, qui absquè ullis tuis meritis te tantâ excellentiâ ditavit tantisq; virtutibus exornavit. O Heros augustissime, ornamentum Paradisi, gemmaquè præfulgida cælestis Palatij. Tu signaculum similitudinis, plenus sapientia & perfectus decore, omnis lapis pretiosus ornamentum tuum, aurum opus perfecti decoris tui. In deliciis paradisi DEI perambulas, in medio lapidum ignitorum, in monte sancto Dei. Tu à DEO constitutus es Princeps super omnes animas suscipiendas, & ad Paradisum exultationis introducendas. Admoneo te, ô beatissime Princeps, harum, omniumquè gratiarum, quas incontinentissima DEI liberalitas præ omnium Angelorum ordinibus tibi contulit, rogans per amorem mutuum divini, &

I , Ange-

Angelici cordis tui, ut indie obitus mei animam meam suscipere, tuaque intercessione clementem mihi iudicem efficere digneris, Amen.

Ad Angelum Custodem.

ANgele Dei sacratissime, mihi à Deo in custodiam deputate, gratias tibi ago pro omnibus beneficiis quæ mihi in corpore & anima unquam exhibuisti. Laudo & glorifico te, quòd mihi miserrimo tam fideliter astare, atque contra omnes hostium insultus tueri dignaris. Benedicta sit illa hora quâ mihi in custodiam datus, & in defensorè atque Patronum deputatus es. Benedicta sit tuâ in me charitas, omnique tua sollicitudo, quâ salutem meam promoverè non cessas. In recompensationem omnium obsequiorum mihi à juventute exhibitorum, offero tibi prædignissimum, nobilissimumque cor IESU Christi, sicut est superabundans omni beatitudine: rogans mihi ignosci quòd toties Sanctis tuis inspirationibus renitendo, te charissimum amicum meum contristaverim: atque deinceps firmiter proponens tibi obedire, Deoque meo fideliter servire, Amen.

À S. Iohannem Evangelistam.

O Beate Iohannes Evangelista, admoneo te illius prædulcis fidelitatis, quam cor tuum sensit, cum Christus te, cæterosque Apostolos orationem dominicam doce-

doceret: orans, ut mihi obtinere digneris quô securâ ipsi semper perseverentiâ merear: usquè in finem vitæ meæ fideliter adherere. Pater noster, &c.

Ad S. Benedictum.

Patriarcha gloriosissime, Sancte Pater Benedicte, admoneo te illius dignitatis, quâ te Dominus tam glorioso sine dignatus est honorare, quod ultimum spiritum tuum inter verba orationis efflaveris: ex quo adhuc tam suaviter spiras præ aliis Sanctis, quod omnes in afflatu tuo mirificè delectantur: rogans, ut in hora mortis meæ tali fidelitate mihi velis adesse, quod opponas te ex omni parte, quâ videris insidias inimicorum nocivius contra me sævire: ut tuâ præsentia munitus, laqueos inimicorum evadam securus, ac cœli gaudia petam sine fine beatus Amen.

Ad S. Annam.

Ave gratiâ plenâ Dominus tecum: tua gratia sit mecum: benedicta tu in mulieribus, & benedicta sit S. Anna Mater tua, ex qua sine macula prodiisti Virgo MARIA: ex te autem natus est IESUS Christus Filius Dei vivi, Amen.

Ad S. Mariam Magdalenam.

Gratias tibi ago benignissime Iesu, pro illo pietatis opere, quod B. Maria Magdalena tibi exhibuit, quando lachrymis pedes tuos

tuos rigabat, & capillis capitis sui tergebat, eosque osculabatur & unguento ungebat, ex quo tantam charitatis tuæ abundantiam cordi & animæ ejus infudisti, quod extrate nil posset diligere rogans, ut meritis ejusdem lachrymas veræ pœnitentiæ mihi concedere, divinumque amorem cordi meo infundere digneris Amen.

Ad B GERTRUDEM.

AVe B. Gertrudis, per dulcissimum cor IESU Christi, plena gratiâ & charitate, benedicta tu inter virgines, & benedictus sit dulcissimus Sponsus tuus IESUS Christus, qui te tam ardentem amavit, tamque innumeris gratiarum donis exornavit. Beatissima Gertrudis, vernans rosa paradisi, per amorem, quo Christus tam dulciter in corde tuo requievit, ora pro nobis peccatoribus nunc & in hora mortis nostræ Amen.

GRATIARUM ACTIO.

Pro gratiis GERTRUDI concessis.

LAudo benedico & adoro te benignissime Domine IESU Christe, fontale lumen sempiternorum luminum, gratias quâ tibi ago per mutuam gratitudinem cœlende Trinitatis, pro exuberantissima divini pietatis tuæ supereffluentia, quâ irrigasti, fecundasti, tibi quæ indissolubiliter conglutinasti cor & animam dulcissime sponsæ tuæ B. Gertrudis Benedicta sit super-

per-

perdignissima divinæ pietatis dignatio, quæ te adeo gratiâ ac favore ad fidelissimæ dilectricis tuæ animam inclinavit, quod te totâ affectione inter ejus amplexus tanquam captivum tradideris. Rogoquæ te cum desiderio & affectu omnium creaturarum, per mutuum divini cordis, ac prædulcissimæ sponsæ suæ amorem, ut animam vitiorum sordibus expurgare, verisque virtutibus ac spiritualibus gratiis ditare velis. Amen.

P E T I T I O A D C H R I S T V M

Per merita B. GERTRVDIS obtinenda.

Gratias tibi referat, piissime Iesu, omnium bonorum gratiarumquæ largitor, quidquid cæli ambitus, terræq; circuitus, & maris complectitur abyssus, tibi quæ laudem illam tribuat immensam, æternam & incommutabilem, quæ à te procedens refluit in teipsum, pro exuberante illa pietate, quâ miserationum gratiarumquæ tuarum torrentem in cor & animam dilectissimæ sponsæ tuæ Gertrudis tam exuberanter direxisti in qua tanquam in organo instrumentoquæ tuo peculiari, tuæ pietatis arcana mundo manifestasti. Gratias igitur tibi ago qualescunque possum ex intimis medullis mentis meæ, tibi quæ ex parte omnium cælestium terrestrium & infernorum supplico per ineffabilem illum tuæ divinitatis amorem, quo fidelissimam

dilectricem tuam ab æterno ad tuam specialem gratiam elegisti, temporequè placito tam suaviter attraxisti, & familiariter tibi univisti, tamquè jucundè in anima ejus habitasti, & tandem cursum vitæ ejus tam beato fine consummasti ut petitionem meam benignus audire, & clementer exaudire digneris. Ad moneo te, piissime IESU, illius divinæ veritatis tuæ promissi, quòd dilecta tua ab incontinentissimæ pietatis tuæ supereffluentia accepit, quòd scilicet illius preces qui per merita ipsius te rogarerit, indubitanter velles adimplere, si salubria essent, quæ peteret in super obligans te, quòd si ad tempus dispensativè petitionis effectum subtraxeris, postmodum triplici sacro id persolutorum, ex parte omnipotentis, sapientiæ & benignitatis virtuosæ Trinitatis. Hujus ergo fidelissimi patris tui devotè te admonens rogo, ne me desolatum dimittas, sed petitionis meæ salutarem mihi tribuas effectum. Amen.

Ad B. GERTRUDEM in tentatione.

Domine IESU, per illum amorem, quo cor electæ tuæ ab omni affectione mundana purum tibi uni ad inhabitandum atquè spiritualibus donis implementum elegisti; perquè ejusdem merita & intercessionem rogo digneris me ab hac tentatione liberare. Amen.

Es confessus ut hac oravit, omnis tentatio eam desol-

I
nis
me
K
Fili
Spir
S. T
Sanct
Omni
Or
Omni
San
Pul
Filia
Spor
Gratio

deseruit. Quod ipsum & tu imitari, & efficacius imaginem eiusdem cordi tuo poteris apprimere.

s. Franciscus cuidam fratrentato dixit, quod cum devotione diceret : Gloria patri, & Filio & Spiritui Sancto. Quo dicto tentatio evanuit. Et id sæpè cum fructu probatum est.

LITANIÆ DE B. GERTRUDE.

Oblatio autè Litanias.

Domine JESU, in unione amoris illius, quo de cœlo ad terras descendisti, & omne opus humanæ redemptionis perfecisti, offero tibi hanc orationem meam.

Kyrie eleyson, Christe eleyson, Kyrie eleyson, &c.

Pater de cœlis DEUS, Miserere nobis
Fili Redemptor mundi DEUS, Miserere

Spiritus sancte DEUS, Miserere nobis.

S. Trinitas unus DEUS, Miserere nobis.

Sancta MARIA, Ora pro nobis

Omnes Sancti beatorum Spirituum ordines

Orate pro nobis.

Omnes Sancti & Sanctæ DEI. Intercedite.

Sancta Gertrudis, Ora pro nobis.

Pulchra & amœna, Ora pro.

Filia luminis sempiterni, Ora.

Sponsa Christi è millibus electa, Ora.

Gratiosa arca Testamenti, Ora.

Triclinium thesaurorum Dei,
 Fortissima Zelatrix justitiæ,
 Vulnerum Christi emplastrum lenissimum,

Dolorum Christi relevamen suavissimum,

Monile Christi præfulgidum,

Columba Christi absque felle,

Rosa Christi suaveolens,

Dulcis harmonia omnium cælituum,

Electum Christi lilium, quod manibus suis portare affectat,

Flos Christi vernans, quem respiciendo jucundissimam haurit amœnitatem,

Imperatrix à Christo Imperatore effecta,

Regina à Christo Rege coronata,

Organum Christi peculiare, quo pietatis suæ arcana mundo manifestavit,

JESU Christe, B. Gertrudis sponse dulcissime,
 me, Miserere nobis.

Per mundissimam ejus puritatẽ, Miserere nobis.

Per profundissimam ejus humilitatem,
 Miserere nobis.

Per mansuetissimam ejus benignitatem,
 Miserere nobis.

Per

Ora pro nobis.

- Per sincerissimam ejus fidelitatem, Miferere nobis.
- Per ardentissimam ejus charitatem. Miferere nobis.
- Per immaculatam ejus castitatem, Miferere nobis.
- Per invictissimam ejus constantiam, Miferere nobis.
- Per cordialissimam ejus compassionem. Miferere nobis.
- Per firmissimam ejus confidentiam: Miferere nobis.
- Per summam virtutum omnium perfectionem, Miferere nobis.
- Per pulchritudinem interni decoris, quo tibi complacuit, Miferere nobis.
- Per amorem, quo tam vehementer erga te exarsit, Miferere nobis.
- Per amorem, quo eam ab infantia portasti, & inter amplexus tuos fovisti, Miferere nobis.
- Per amorem quo eam tibi proximam fecisti Miferere.
- Per amorem, quo eam ab æterno ad tuam specialem gratiam elegisti, Miferere
- Per amorem, quo eam tempore placito tam suaviter tibi attraxisti, Miferere.
- Per amorem, quo eam tam familiariter tibi univisti, Miferere.
- Per amorem, quo tam dulciter in corde ejus habitasti, Miferere.

- Per amorem, quo ad eam præ omnibus
gratiâ & favore inclinatus fuisti, Misere-
re nobis.
- Per amorem, quo ab aliis offensus teipsum
in eo quieturum insinuasti, Misere.
- Per amorem, quo propter eam innumeris
sæpè hominibus pepercisti, Misere.
- Per amorem, quo de vulnere lateris tui
vulnus cordi ejus infixisti, Misere.
- Per amorem, quo cor tuum sæpius cum
corde ejus ecommutasti, Misere.
- Per amorem, quo ad eam admirabili modo
onem cordis tui divini delectationem
convertisti, Misere.
- Per amorem, quo te totâ affectione inter
ejus amplexus tanquam captivum tradi-
disti, Misere nobis
- Per amorem, quo cursum vitæ ejus tam bea-
to fine consummasti, Misere.
- Per amorem, illum ardentissimum, qui om-
nes ejus vires consumpsit, Misere.
- Per amorem, illum nobilissimum, qui præ-
tiosam ipsius animam à delicato ejus
corpore separavit, Misere,
- Per amorem, illum dulcissimum, quo eam
in corde tuo in cœlum deportasti, Pa-
triquè tuo præsentasti, Misere,
- Per amorem, illum, quo ei cœlestes deli-
cias in cælis administras, Misere.
- JESV Christe, Misere nobis.
- Agnus DEI, qui tollis peccata mundi &c.
Com-

COMMENDATIO.

IN tuam sacratissimam intercessionem, gloriosaque mèrita commendo me, Ô prædignissima Sponsa Christi, B. Gertrudis, devotè deprecans, digneris sincerum meum in te amorem, firmissimamquè cordis mei in tuo patrocinio confidentiam respicere, nomenquè meum sacratissimo cordi tuo inscriptum, in numerum eorum quos singulariter amas atquè tueris, collocare: ut tuâ interventione ab amore Christi nunquam valeam separari.

ꝛ: Ora pro nobis B. Gertrudis.

ꝛ: Ut digni efficiamur promissionibus, quas Christus tibi repromisit.

O B L A T I O

Oremus.

Domine IESV Christe, sponse, castarum mentium, offero tibi hanc orationem meam in unione amoris illius, quo mortem pertulisti, eamquè cum omni fructu sanctissimæ humanitatis in die Ascensionis tuæ Deo Patri præsentasti: rogans per amorem illum, quo sponsæ tuæ ram dulciter te acclinasti, ut ejus meritis & precibus me tibi placentem reddas & ad vitam perducas æternam *Qui vivis.*

CONGRATVLATIO.

Ad B. Mechtildem,

Congratulor & congaudeo tibi, Ô immaculata sponsa Dei B. Mechtildis,
gra-

gratiasquè ago dulcissimo sponso tuo IESU Christo, pro immensis gratiarum thesauris, qui ex ipsius supereffluentia abyssi unquam in salutem tuam defluerunt : devotissimè rogans, ut ex fervore divinæ charitatis tepido cordi meo calorem fervidum ministrare, & in unione passionis ac mortis Christi mihi in peccatis languido medelam conferre, atquè securitatis tutelam præstare digneris. Amen.

GRATIARUM ACTIO,

Gratias ago bonitati tuæ DEUS, gratias dignationi tuæ, pro eo quòd dilectam tuam B. Mechtildem ad tantam gratiam elegeris, tamquè immensis virtutum donis ornaveris : Congaudeo tibi, gratiasquè ago, piissime IESU, pro omni bono, quòd in ea operatus es, æternumq; operaberis, Gratias tibi ago pro supereffluente gaudio, suavissimaq; tranquillitate quam in ea habuisti. Gratias tibi ago pro amœnissimo influxu, quo te ei acclinasti. Gratias tibi ago pro sacra spiritus tui operatione, quam in ea perfecisti. Et demum gratias ago pro perfectissima fruitione quâ in ea deliciatus es : devotè rogans ut me meritorum ejus participem reddere, virtutum ejus fulgoribus exornare velis. Amen.

ORA-

ORATIO

Ad quemcunq; Martyrem.

Saluto & veneror te, Sacratissime Martyr Christi, sancte N. Adoro, laudo & glorifico immensam bonitatem & dignationem semper venerandæ Trinitatis pro omni gratia, quam ex sua infinita bonitate tibi conferre dignata est. Benedico incontinentissimam divinæ pietatis liberalitatem, quæ tam suaviter in benedictionibus dulcedinis te prævenit, atquè triumphali Martyrij laureâ gloriosè decoravit in cælis. O beatissime Martyr Christi, Sancte N. Invictissime Miles purpurati exercitus; tu stabilimentum fidei, & columna fortitudinis, ut gloriosus Heros Ecclesiæ, decor & gloria Paradisi: benedictus es inter Martyres, & gloriosus specie inter cæli incolas. In augmentum gloriæ & beatitudinis tuæ offero tibi prædignissimum cor Jesu Christi, sicut illud in unione humanitatis possedit repletum & perfectum in omnibus bonis, quæ unquam de eodem in aliquod cor humanum profuxerunt: devotissimè tibi supplicans per omnes & singulas pretiosi sanguinis tui guttas quas fudisti, per omnia dirissima vulnera quæ suscepisti, & per acerbissimos dolores quos in corpore, & anima tua sustinuisti, ut in hora exitus mei, quam tibi sincerâ fidelitate commendo, mihi suo auxilio adesse velis,

velis atquè in suppletionem meritorum quæ mihi deerunt, IESU Christo iudici meo, illas virtutes offerre, per quas te cognoscis ipsi maximè complacere, Amen.

Ad quemlibet Confessorem.

SAlve sancte N. Confessor Christi egregie, decus & ornamentum Ecclesiæ Tu rosa vernans charitatis, liliū virginittatis, stella fulgens sanctitatis: quasi stella matutina in medio nebulæ, & quasi luna plena in diebus suis, sic effulsisti in decore virtutum tuarum. O beatissime N. quantas Deo gratias persolvere obligaris pro omnibus bonis quæ tibi exhibuit, dum te inscrutabili sapientiâ sua ab æterno elegit, gratis justificavit, & gratiâ suâ dignum effecit. Quodquè te tam prævalente fortiquè amore ab omni miseria liberaverit, omniaquè tua, non solum bona, verum & & mala ad tuam utilitatem salutemquè converterit. Gratias igitur age dulcissimo Creatori tuo, & ego unâ tecum magnifico & superexalto omnipotentiam, sapientiam, atquè bonitatem, superdignissimæ Trinitatis, quâ prævaluit, scivit & dignata est te ad tantam vitæ sanctimoniam eligere, & in regno gloriæ suæ coronâ iusti condecorare O sacratissime Christi amice beate N. memento mei miserimi peccatoris, totâ cordis devotione te invocantis. Commendo tibi vitam & mortem meam, maximè autem

tem
per a
hæsi
tustad
no o
auste
ria n
amor

SAI
N
ele
ter sp
effulsi
bened
mans
gaude
nis vi
Gratu
tyrij
des, si
gauj
tibi m
mani f
Patrem
in hu
mendo
cinio,
morte
gvinis

tem extremum spiritum meum: obsecrans per amorem, quo tam ferventer Deo adhaesisti, tamque devotè ei serviisti, ut in satisfactionem peccatorum meorum, Domino offerre digneris omnes mortificationes, auferitates & poenitentias, quas pro gloria nominis ejus spontè susceptas summo amore perfecisti, Amen.

Ad quancunque Virginem & Martyrem.

Salve gloriosa Virgo & Martyr Sancta N. Salve dulcissima Sponsa Christi, vas electionis Spiritus Sancti: sicut rosa inter spinas & sicut stella inter nebulas, sic effulsisti in tenebris gentilitatis. Saluto & benedico te millies in unione illa, quâ amans anima unus spiritus sit cum Deo, gaudeoque & exulto ob gloriosi certaminis victoriam, quam de hoste reportasti. Gratulor tibi de duplici virginitatis & Martyrij corona, quibus condecorata resplendes, sicut stella firmamenti. In augmentum gaudij, gloriae & beatitudinis tuæ, offero tibi mellifluum cor Jesu Christi, cum omni filiali affectu, quem habuit ad Deum Patrem in divinitate, & ad Mariam Matrem in humanitate: atque per idipsum commendo me speciali tuæ fidelitati & Patrocinio, ut per sanctissimam passionem & mortem tuam, & per merita Virginei sanguinis tui in vita & morte mea indulgentiâ pecca-

peccatorum & divinæ gratiæ subsidium ob-
tinere merear, Amen.

Ad quamcunq; Virginem.

A Ae Virgo gratiosa, immaculata IESU
sponsa Sancta N. tu es plena gratiâ
& dilectione, nitens decore, resplen-
dens charitate O beata N. admoneo te il-
lius ineffabilis gratiæ, quam Christus tibi
præstitit, dum ab utero Matris te sibi se-
gregavit, & in numerum adolescentularum
suarum cooptavit. Benedicta sit niveæ
puritatis tuæ integritas, castissimiquè amo-
ris tui suavitas quia in uno crine colli tui
& in uno oculorum tuorum Regem Do-
minum in amorem tui inclinasti. Tu can-
dens liliū Virginitatis, immarcessibilis
flos integritatis, quæ omnes Sanctos in o-
dorem unguentorum tuorum trahis, & ad-
mirabili decore claritatis tuæ exhilaras &
reficis. Tu agnus sine macula, induta vel-
lus niveum castitatis, sequeris agnū quo-
cunquè ierit & dulci modulamine cantas
canticum virginum Rogo te beatā N. per
amorem, quō Christus tibi æternæ beati-
tudinis præmia largitur, tua sanctissimā in-
nocentiā dele maculas nimis multarum
corruptionum mearum, tuaquè integerrimā
Virginitate operi sordes spurcitiarum
mearum, & per gratiam quam apud De-
um invenisti, fac ut deinceps nunquam

con-

contra castimoniam puritatem cogitatione,
 verbo & opere delinquam.

Ad sanctum vel sanctam, cuius festum celebratur.

LAUDO glorifico & benedico te o sancte
 N. & ex omni virtute mentis meae gra-
 tulator tibi de omni gloria & honore,
 qui ex incontinentissima divinae pietatis
 supereffluentia hodierna die tibi praestitus
 est. Admoneo te supereffluentissimi illius
 gaudii quo exultabas, dum per ministeri-
 um SS. Angelorum conspectui gloriae Do-
 mini aeternis praemiis remunerandus (vel
 da) praesentareris. Recordare o beatissime
 illius honoris & exultationis, quando per
 manum Domini diadema regni capiti tuo
 impositum, & sacratissima anima tua in se-
 de gloriae collocata est Propter haec, alia-
 que gratiarum dona, a Domino maesta-
 statis tibi unquam collata, adoro, laudo &
 benedico ineffabilem Dei benignitatem pro
 eo, quod nectarei torrentes suae mellitae
 pietatis tam copiose inundaverint super
 te. Et in vinculum perpetuae dilectionis
 & fidelitatis, quod te mihi alligare desidero,
 offero tibi suavissimum, omnisque boni
 contentivum cor Iesu Christi una cum omni
 dilectionis & dignationis affectu, quem tibi
 unquam exhibuit in terris, & modo sine fi-
 nie exhibet in caelis Demum plenam fidelitae

K

com-

commendo me tuis SS orationibus, orans
& obsecrans, ut in die obitus mei in supplē-
mentum negligentiarum mearum Domino
offerre digneris omne studium & præpa-
rationem, quâ hodiernâ die Assumptionis
tuæ perfectissime consummatus (vel sa) cor-
ram Domino astitisti. Amen.

Invocatio Omnium Sanctorum.

Sancti Patriarchæ & Prophætæ, saluto
vos per dulcissimum Cor JESU Chri-
sti: rogans, ut DEO pro me offerre
dignemini vestrum ardens desiderium,
quod ad incarnationem Christi habuistis.

Saluto vos, ô Sancti Apostoli, per dul-
cissimum Cor JESU Christi, rogans, ut Deo
pro me offerre dignemini fidelitatem &
constantiam vestram, quâ cum Christo in-
tentationibus vestris permanistis, & prædica-
tione vestrâ fidelem populum congrega-
stis.

Saluto vos, ô Sancti Martyres, per dul-
cissimum cor JESU Christi: rogans, ut Deo
pro me offerre dignemini vestram patienti-
am, quâ sanguinem vestrum pro amore
Christi effudistis.

Saluto vos, ô Sancti Confessores, per dul-
cissimum cor JESU Christi: orans, ut Deo
pro me offerre dignemini vestram sancti-
tatem, quâ aliis verbô & exemplô viam
vitæ ostendistis.

Saluto

Sa
cissim
Dec
& ca
stis, q
ximæ
Sa

ctæ L
& per
bono
xit: o
singu
fero
& pe
mè D

DE

K

Pater
Fili

Spirit
S. Tri
Sanct
Omne

Saluto vos ó Sanctæ Virgines, per dulcissimum cor sponsi vestri rogans, ut Deo pro me offerre dignemini puritatem & castitatem vestram, quâ promeritæ estis, quòd modò in cælo Christo sitis proximæ.

Saluto & veneror vos omnes Sancti & Sanctæ Dei, per dulcissimum cor JESU Christi, & per idipsum ago Deo gratias pro omnino bono quòd ex eodè in salutem vestram profluxit: orans omnes communiter, & singulos singulariter, ut quilibet vestrum pro me misero offerre DEO dignetur, illas virtutes & perfectiones, quibus cognoscit se maxime DEO complacere. Amen.

LITANIÆ DE OMNIBVS SANCTIS

K yrie eleyson, Christe eleyson, Kyrie eleyson,

Christe audi nos, Christe exaudi nos
Pater de cælis DEUS, Miserere nobis
Fili Redemptor mundi DEUS, Miserere nobis.

Spiritus sancte DEUS, Miserere nobis.

S. Trinitas unus DEUS, Miserere nobis.

Sancta MARIA, Ora pro nobis

Omnes Sancti Angeli & Archangeli.

Orate pro nobis.

K 2

Omnes

Omnes Sancti Throni & Dominationes, Orate pro nobis.	Orate	Per
Omnes Sancti Principatus & Potestates, Orate pro nobis.	Orate	Per
Omnes Ss. Virtutes cælorum, pro nobis,	Orate	Per
Omnes Ss. Cherubim & Seraphim, pro nobis,	Orate	Per
Omnes Ss. Patriarchæ & Prophetæ, pro nobis,	Orate	Per
Omnes Ss. Apostoli & Evangelistæ, pro nobis,	Orate	Per
Omnes Ss. Martyres & Confessores, pro nobis,	Orate	Per
Omnes Ss. Episcopi & Doctores, pro nobis,	Orate.	Per
Omnes Ss. sacerdotes & Levitæ, pro nobis	Orate	Per
Omnes Ss. Monachi & Eremitæ, pro nobis.	Orate	Per
Omnes Ss. Pœnitentes & peregrinantes, Orate pro nobis.		Per
Omnes Ss. Virgines & Viduæ, pro nobis.	orate	Per i
Omnes Ss. Conjugati & innocentes, pro nobis.	Orate	Per i
Omnes Sancti & Sanctæ Dei, pro nobis.	Intercedite	Per i
IESU Christe Corona Ss. omnium: Miserere nobis	Miserere	Per ip n
Per ipsorum virtutes & merita,	Miserere Per	Per ip

Per ipforum patientiam & humilitatem
Miserere nobis.

Per ipforum pœnitentiam & mortificatio-
nem, Miserere nobis.

Per ipforum vigiliis & jeiunium, Mife-
rere nobis,

Per ipforum defatigationes & labores, Mi-
serere nobis

Per ipforum paupertatem & inopiam,
Miserere nobis.

Per ipforum peregrinationes & orationes,
Miserere nobis.

Per ipforum devotionem & amorem, Mi-
serere nobis.

Per ipforum suspiria & desideria, Mife-
rere nobis.

Per ipforum libertatem & elemosynas,
Miserere nobis.

Per ipforum compassionem & misericor-
diam, Miserere nobis.

Per ipforum persecutiones & martyria,
Miserere nobis.

Per ipforum vincula & captivitates, Mife-
rere nobis.

Per ipforum pœnas & cruciatus, Miserere
nobis.

Per ipforum vulnera & livores, Miserere
nobis.

Per ipforum mortes & occisiones, Miserere
nobis.

Per ipforum sanguinis effusionem, Miserere

Per omnes aduerſitates & miſerías, quas
pro gloria tua ſuſtinuerunt, Miſerere.

Per amorem, quò eos ab æterno elegiſti,
Miſerere nobis

Per amorem, quò eos ad te attraxiſti,
Miſerere nobis.

Per amorem, quò tam dulciter in cordi-
bus eorum habitaviſti, Miſerere.

Per amorem, quò eis tam multiplices gra-
tias contuliſti, Miſerere nobis,

Per amorem, quò eos in cælo ſuſcepitiſti,
Miſerere nobis.

Per amorem, quò eis æterna præmia largi-
riſti, Miſerere nobis.

Per amorem, qui inter te & ipſos interce-
dit, Miſerere nobis.

JESV Chriſte, Miſerere nobis.

Agnus DEI, qui tollis peccata mundi &c.

✽. Orate pro nobis omnes Sancti & ele-
cti DEI.

✽. Ut veſtris meritis ad æterna gaudia
pervenire mereamur.

O R E M U S.

Domine JESU Chriſte, tuorum coro-
na Sanctorum, miſerere populo tuo,
ſuper quo invocatum eſt nomen
tuum, & propter merita Sanctorum tuo-
rum propitiuſ eſto iniquitatibus noſtris.
Memento omnis fidelitatis & amoris, quò
tibi uſquè ad mortem ſervierunt. En ſan-
guis

guis
effu
tuam
tis, q
nobi



Or

Oſcu

D

verſali
deſide
miſſor
dation
gaſti, i
dation

guis eorum tam crudeliter & innocenter
effusus, clamat ad te de terra, implorans
tuam misericordiam. Illorum ergo meri-
tis, quæ tibi offerimus, placatus, concede
nobis eorum frui consortio, quorum ni-
timur meritis & Patrociniô

Qui vivis.



PARS VIII.

*Orationes pro diversis neces-
sitatibus.*

Osculatio quinque Vulnerum pro pecca-
tis Ecclesiæ,

Ad Vulnus sinistri pedis.

DUlcissime JESV, ex intimo cordis
affectu osculor vulnus sinistri
pedis tui in emendationem o-
mnium peccatorum: ab uni-
versali Ecclesia uaquàm cogitationibus,
desiderijs, seu voluntatibus perversis com-
missorum: orans, ut dignissima n emen-
dationem, quâ totius mundi peccata pur-
gasti, ipsi donare digneris in veram emen-
dationem, Amen.

ad vulnus dextri pedis.

Plissime IESU, ex intimo cordis affectu osculor vulnus dextri pedis tui, in suppletionem omnium quæ tota Ecclesia omisit in exercitatione utilium cogitationum, desideriorum bonorum, ac sanctarum voluntatum: orans, ut dignissimam suppletionem illam quâ universum debitum humani generis persoluisti. toti Ecclesiæ donare digneris in negligentia suæ supplementum, Amen.

Ad Vulnus sinistra manus.

AMantissime IESU, cum devotissima intentione exosculor vulnus sinistrae manus tuæ, in emendationem omnium peccatorum, tam verbis quàm factis totius mundi commissorum orans, ut illam dignissimam emendationem, quâ omnium nostrum tam verborum, quàm operum delicta, expiasti, Ecclesiæ tuæ largiri digneris in veram emendationem, Amen.

Ad Vulnus dextrae manus.

Benignissime IESU, cum intima devotione vulnus dextrae manus tuæ deosculor, pro suppletionem negligentiarum totius Ecclesiæ, quæ ex omissione utilium verborum, operumquæ bonorum contraxit: rogans, ut tuam dignissimam perfectionem, quâ humanitas tuâ per divinitatem resplenduit, largiri digneris in totius Ecclesiæ supplementum. Amen.

Ad

Ad Vulnus Lateris.

Suavissime IESV, ex intimo cordis affectu deosculor amatorium vulnus sacratissimi lateris tui: orans, ut ex abundantia divinæ pietatis tuæ, post dignam peccatorum emendationem, & sufficientem negligentiarum suppletionem, etiam nunc merita sanctissimæ conversationis tuæ quibus in te ipso dignissimè resplendes in conspectu DEI Patris ad cumulum beatitudinis æternæ digneris superaddere Ecclesiæ sponsæ tuæ sanctæ. Amen.

Oblatio Orationis Domini.

Dulcissime JESV, offero tibi hanc orationem in unione illius perfectissimæ intentionis, quâ eadem in corde tuo dulcissimo sanctificata ad nostram salutem est edita; in emendationem omnium commissorum, & in suppletionem negligentiarum, quæ unquam ex humana fragilitate, ignorantia seu malitia sunt contracta, contra tuam insuperabilem omnipotiam, inscrutabilem sapientiam, ac superfluentiam gratiæ bonitatis, Amen.

Oratio pro tota Ecclesia.

Plissime IESU, ex intimo cordis affectu laudo, glorifico & benedico te pro creatione eorum omnium, quos ad imaginem & similitudinem tuam creasti, gratiasquè tibi ago pro omnibus beneficiis eis unquam impensis, sive impendendis: & unione

nione vehementissimi doloris tui, moveo
quærimoniam, dolens & pœnitens pro om-
nibus modis, quibus unquam gratiis tu-
is obicem posuerunt: devotissimequè ro-
go pro omnibus, quô singuli juxta tuam
divinam ordinationem in omni beneficio
perficiantur ad æternam laudem & glori-
am tuam, Amen.

*Tria Laudate pro peccatis Ecclesia, vel proprii
Pater noster, vel Laudate.*

Sanctissime Pater offero tibi omne exer-
scitium sanctissimi cordis Unigeniti tui,
quô unquam lassatus est in terris pro
salute generis humani, in laude, gratiarum
actione, quærimonia, actione, desiderio &
amore, in emendationem omnium terre-
narum & carnalium delectationum, ac per-
versarum uoluntatum, quibus aliquod cor
humanum implicatur, Amen. *vel cor me-
um implicatum unquam fuit.*

Pater noster, vel Laudate

Sanctissime Pater offero tibi omne exer-
scitium innocentissimi oris Unigeniti tui,
in abstinentia & temperantia tam cibo-
rum, quàm verborum, in prædicatione &
oratione continua, quibus pro salute hu-
mana insudavit in emendationem omni-
um peccatorum in universa Ecclesia (*vel à
me*) commissorum, in gula & ebrietate, ac
noci-

nocivorum inutiliumq; verborum multiplicatione, Amen.

Pater noster, *vel* Laudate.

Sanctissime Pater, offero tibi omne exercitium sanctissimi corporis Unigeniti, tui cum omnibus motibus singulorum membrorum, ac totam seriem perfectissimæ conversationis ejus, cum omni amaritudine suæ innocentissimæ passionis & mortis, quam pertulit pro redemptione generis humani, in emendationem omnium peccatorum, quæ quocunque motu singulorum membrorum quisquam *vel* ego) contra propriam salutem sæviendo commisit, Amen.

ORATIO EFFICACISSIMA.

pro spiritualibus & carnalibus Amicis.

Benignissime JESU, omnes eos, qui se indignis orationibus meis commiserunt, commendo divinæ tuæ cognitioni & amoris, quorum ductu de sinu Patris ad terras propter salvandum hominem descendisti. Et in unione amoris illius, quô Patri Spiritum tuum commendasti, commendo & includo illos dulcissimo cordi tuo: applicans & exhibens tibi idipsum in unione amoris illius, quô illud pro salute humana, humanum suscepisti, atque dilectis amicis tuis in specialis amicitiae

citæ prerogativam sæpius dedisti, ut inde beneficias illis, pro quibus oro & orare teneor.

Deinde dic unum Pater noster, quod sic offeras.

Bone JESU offero tibi hanc orationem ad æternam laudem tuam, ut exinde beneficias tuis, meisquæ specialibus amicis, secundum beneplacitum tuæ divinæ pietatis. Amen

Pro Inimicis.

Domine IESU, in unione amoris & suavitatis illius excessivæ, quâ inter ipsos etiam indicibiles passionis dolores & pœnas mortis pro crucifixoribus tuis rogasti, dicens: Pater ignosce illis, ex intimo affectu deprecor te, ut digneris dimittere omnibus, qui unquam in aliquo contra me deliquerunt. Amen.

Oratio in tribulatione

O Pater misericordiarum, & DEUS totius consolationis, obsecro, digneris oculis tuæ pietatis in me respicere, sicut dilectum Filium tuum in monte Oliveti in angustia spiritus sui ad te clamantem, & sudore sanguineo faciem terræ irrigantem respexisti. Nunquid non est voluntas tua, piissime Pater, quòd in necessitatibus nostris ad te confugiamus, tequæ pro avertendis malis invocemus. Cum igitur à nobis rogari & invocari velis; hinc propter voluntatem tuam deprecor, ut juxta laudabi-

dabilissimum beneplacitum tuum, me ab hac tribulatione liberares. O Pater benignissime, aures tuæ pietatis inclina precibus meis, licet indignis, & eripe me ab hac angustia. Ante pedes benignitatis, & ante oculos misericordiæ tuæ denuò pressuram cordis & afflictionem spiritus mei, pono tibi quæ eam offero, ut de ea, quòd tibi magis placitum fuerit, efficias. Dulcis IESU, per omnes angustias & pressuras, quas pro salvando homine suscepisti, aufer calicem hunc à me IESU pientissime, offero tibi excellentem illam orationem, quam præ mortis angustia sanguinei sudoris testimonium reddidit devotam, & ardens amor divinitatis tuæ efficacem: obsecrans per virtutem ejusdem perfectissimæ orationis, ut me exaudias, & ab hac angustia liberares. Igitur tuâ intentione & resignatione, tuo corde & ore, deprecor, dicens: Abba Pater, omnia tibi possibilia sunt: transfer calicem hunc à me: verumtamen non mea. sed tua voluntas fiat.

Oratio infirmi aut afflicti.

A Mantissime IESU. hanc infirmitatem (vel) afflictionem meam, quam è paterno corde tuo in signum amoris tui mihi misisti, promptissimâ voluntate suscipio: & tali charitate, quâ eam mihi immisisti, cum gratitudine eandem tibi offero. Omnem igitur dolorem & pressuram
meam

meam in sacratissimum cor tuum depono, rogans, ut eandem amarissimæ passioni tuae unire & intrahere, atque per eam perficere digneris. Et quoniam propter multitudinem dolorum & afflictionum mearum, te, ut par est, laudare nequeo; ideo tu eadem laude, quâ in cruce in maximis cruciatibus tuis patrem laudasti, Eum pro meis doloribus lauda. Et sicut eidem ex tota virtute cordis tui gratias egisti, pro omnibus pœnis & contumeliis, ab eodem tibi immixtis, ita & eidem pro meis doloribus gratias age. Et demum eodem amore quô omnia vulnera & opprobria suscepisti, Patriq; tuo cum summa gratitudine obtulisti, ita eidem hanc internam & externam afflictionem meam unâ cum sanctissima passione tua offer ad æternam laudem suam. Amen.

Oblatio curuscenq; doloris

○ Dulcis amor, hanc puncturam offero & commendo tibi tali intentione quali eam de corde JESU mihi detulisti, rogans, ut eandem cum summa gratitudine consignes.

Resignatio infirmi.

○ Omnipotens & misericors DEUS ecce ego indignus famulus tuus integra voluntate mea offero & resigno me tibi in laudem tuam æternam, ad facien-

faciendum corpore & anima mea omne beneplacitum tuum, in unione amoris illius, qui Filius tuus in Cruce pendens se tibi obtulit. Et ex intimo corde paratus sum, amore amoris & gloriæ tuæ omnes dolores & cruciatus hujus meæ infirmitatis, imò & mortem ipsam, nec non & omnia mala & poenas, quæ mihi per rigorem divinæ justitiæ tuæ in tempore & æternitate imponendæ forent, patienter sustinere, Hic coram te & omnibus Sanctis fateor & protestor, quòd si penes me esset, adhuc mille annis in omnibus deliciis præter voluntatem tuam vivere, malim tamen purè ob amorem & gloriam tuam, si voluntas tua esset, hâc horâ mori. Quare cum plenâ meipsum resignatione corde & ore dico & millies repeto: non mea sed tua voluntas fiat, amantissime IESU, de me, per me & in me, in tempore & æternitate Amen.

Oratio pro infirmo,

Domine IESU, per amorem quò languores nostros tulisti, & dolores nostros portasti, rogo, ut illi infirmo conserves patientiam: & ut singula momenta per quæ passurus est, perducas ad gratiorem laudem tuam & ad utiliorem ejus profectum, secundum quod charitas ab æterno præordinavit in corde tuo paterno ad æternam ipsius salutem, Amen.

Tres

TRES EFFICACISSIMÆ ORATIONES

pro felici morte; ex exerc. S. Gertrud: tam infirmis quam sanis utilissima

O Chara veritas, ô justa Dei æquitas, quomodo apparebo ante faciem tuam portans iniquitatem meam, reatum deperditionis vitæ meæ, & pondus multæ nimis negligentiaë meæ. Talentum temporis mihi creditum non solum expendi in vanum, sed & amisi, depravavi & perdididi totum. Quo ibo, quò me vertam, & quò à facie tua fugiam O justa Dei æquitas, quæ in numero, pondere & mensurâ iudicas, & levas omnia in statura justa nimis: væ mihi & millies væ, si tradar tibi non habens advocatum respondentem pro me. O bone IESU ad te confugio, ad te de fundo cordis mei suspiro: tu responde pro me, tu impetra mihi veniam, tu age meam causam, ut vivat anima mea ob gratiam tui. Eja amor meus JESU, qui amore mei captus, vincetus & ad iniustissimum iudicium tractus fuisti, ut imponerentur tibi totius mundi peccata, cum non haberes maculam, nisi tantum amoris mei causam, & meam de te Pater exigebat, culpam, te accipio hodie in iudicij mei comitem. IESU mi dulcissime redemptionis meæ pignus amabile, tu mecum venias ad iudicium, Tu sis Iudex & Advocatus meus. Enarra quid factus sis, pro me, quam bene

benè cogitaveris de me, & quàm carè acquiſieris me. Tu mihi vixiſti, ne perirem: tu peccata mea portavi, ne opprimerer: tu pro me obiſti, ne morerer tu omnia tua mihi contuliſti, ut per te meritis diſceſcerem. Igitur in mortis meæ hora judica me ſecundùm illam innocentiam, quam mihi contuliſti in te; cùm omne debitum meum ſoluſti per te, judicatus & condemnatus propter me, Amen.

ORATIO II.

○ Suavis bonitas, & amabilis DEI miſericordia, quæ ſola frænâs iram principis, & clementiâ decoras thronum Regis: Eja ſub alis tuis me recipe, ut protegar ab imminenibus malis, quæ timeo pro negligentijs meis multis & magnis. Ecce jam creditor ſtat ad oſtium, repetens à me vitæ meæ depositum. Exactor à me exigit temporis mei tributum, coram quo apparere nequeo, cùm non habeam undè ſolvam debitum. O IESU amor meus, miſerorum omnium refugium, redde mihi Patrem tuum placatum. Tu pro me loquere verbum in charitate, dicens: Ego redimam eum. Eja amor meus JESU, qui pro me immiſericorditer ad columnam es alligatus, dirè flagellatus, poenose coronatus & probrose ſalutatus, tu ſis advocatus & patronus meus. Te Judæa negavit eſſe regem ſuum, ut ego te haberem meum pro-

L

prium

prium Tu igitur amaritudine dolorum & Passionum tuarum refocilla meum spiritum, & illa amarissima, quam tibi Pater imposuit, pacis nostræ disciplina, persolvat omnia mea debita, Sensus meos lini & unge gloriosissimi capitis tui cruore, eorumque maculas absterge Sanctissimi corporis tui dolore. Sanctissimorum sensuum tuorum exercitium, sit totius culpæ meæ operimentum, & omnium negligentiarum mearum supplementum: ut quidquid mihi deest in me, id omne habeam in te, qui te totum impendisti pro me. Amen

ORATIO 3tia.

O Dulcis Dei pietas, ô chara DEÏ liberalitas, quæ omnibus expandis gremium, omniumque pauperum es refugium, Commissa mea vehementer paveo, omissa mea valde erubesco, deperditionem vitæ meæ nimis pertimesco. Futuram timeo discussionem illam, quâ tu Deus meus mecum positurus es rationem. Si à me volueris exigere temporis mei depositum, & talenti, quod mihi contulisti, lucrum, prorsus nullum tua charitate dignum invenio responsum. Quid agam quò me vertam? Eja parce & indulge mihi, Jesu amor meus, qui pro me injustæ morti adjudicatus, gravissimâ cruce oneratus, inhumanè cruci affixus, felle & ace-

to potatus, & amarâ morte defunctus fuisti. Tu dedisti animam tuam pro anima mea vitam tuam pro vita mea, mortem tuam pro mortè mea. Tu te in cruce obtulisti, & adhuc quotidie Deo Patri ad altare offers sacrificium, quod excedit omne meritum, & abundanter valet solvere omne meum debitum. Eja per hoc Sacramentum vitam meam innova, & in centuplum restitue omnia mea deperdita. Tua pietate omnes iniquitates meas dele, tuâ charitate omnia peccata mea cooperi, tua dilectione neglecta mea supple, tuo amore in illam libertatem spiritus restitue me, quâ tu hæres innocentix moriens pro me, dato pretio proprij sanguinis liberû fecisti me. Fac me totû talè, qualè me esse vis & desideras & in mortis hora aperi mihi benignissimi cordis tui ostium, ut per te absquè omni impedimento ingredi merear tui vivi amoris thalamum, ubi fruar & habeam te, ô cordis mei verum gaudium, Amen.

TRES ORATIONES

A circumstantibus dicenda dum infirmus agonizat.

ORATIO PRIMA.

Kyrie eleyson, Christe eleyson, Kyrie eleyson.

Pater noster Ave Maria

Domine JESU Christe, deprecor te per tuam sanctam agoniam, atquè devotissimam orationem, quam in mon-

te Oliveti orasti, quando factus est sudor tuus sicut guttæ sangvinis decurrentis in terram, ut eundem sudorem sanguineum quem præ timore mortis tam copiosè fundasti, cælesti Patri tuo offerre & ostendere digneris contra multitudinem peccatorum huius infirmi. Et velis eum in hac hora obitus sui liberare ab omnibus angustiis & pœnis, quas pro peccatis suis se timet meruisse, Amen.

ORATIO SECUNDA.

Kyrie eleyson, Christe eleyson, Kyrie eleyson. *Pater noster Ave Maria*

Domine IESU Christe, qui pro salute mundi in dura cruce mori dignatus es: deprecor te, ut amaritudinem illâ, quam in eadem sustinuisti, præsertim quando sacratissima anima tua egressa est de benedictio corpore tuo, cælesti Patri tuo offerre & ostendere digneris pro peccatrice anima huius infirmi; eumque in hac hora mortis suæ liberare ab omnibus pœnis & cruciatibus, quos pro peccatis suis se timet meruisse, Amen

ORATIO TERTIA

Kyrie eleyson, Christe eleyson, Kyrie eleyson. *Pater noster. Ave Maria.*

Domine JESU Christe, qui per Prophetam tuum dixisti: In charitate perpetua dilexisti te, idedè attraxi te miserans tui rogo te per amorem illum, qui

te

te de cælis ad terram ad patiendam omnem
miseriam traxit, cælesti Patri tuo offerre &
ostendere digneris pro anima hujus infir-
mi: eamquæ liberare ab omnibus pænis &
cruciatibus, quos pro peccatis suis se timet
meruisse. Adsis ei, pie JESU in hac hora
mortis suæ, aperi ei januam vitæ & perduc
animam ejus in Paradisum exultationis, ubi
te laudet per infinita sæcula, Amen.

Oblatio Passionis Christi pro defunctis.

Respice pie Pater de sede magnitudinis
tuæ ad miseras animas in purgatorio
detentas. Respice pœnas & crucia-
tus, quibus tam miserabiliter torquentur;
considera gemitus ac lachrymas quas ad
te fundunt: audi preces & supplicationes
quibus misericordiam tuam implorant, &
esto propitius peccatis eorum. Recordare
pijssimè Pater, pœnarum quas Filius tuus
pro eis sustinuit, memento copiosissimi san-
guinis, quem pro eis fudit: reminiscere a-
cerbissimæ mortis, quam pro eis subiit, &
miserere earum pro omnibus peccatis, quæ
unquam perpetrarunt, offero tibi sanctis-
simam vitam & conversationem Filij tui di-
lectissimi: pro ipsorum negligentis offero
tibi ferventissima eius desideria: pro omis-
sionibus bonorum operum offero tibi ejus-
dem meritorum abundantiam: pro omni
injuria tibi irrogata, offero omne, quod
tibi exhibuit, beneplacitum. Demum pro omni-

mnibus pœnis quibus obnoxij detinentur, offero tibi omnes pœnitentias jejunia, vigiliis, orationes, labores, & afflictiones, vulnera, l'vores, passionem & mortem quâ innocentissimè promptissimequè sustinuit, rogans ut per hæc placatus ad gaudia eos æterna perducas.

QUATUOR ORATIONES PRO DEFUNCTIS.

*Quas B. Gertrudis Christo approbante composuit
In fine cuiusvis Orationis, dic*

Ale IESU Christe splendor Patris, Princeps pacis, janua cæli, panis vivus, virginis partus, vas deitatis.

Requiem æternam dona eis & lux perpetua luceat eis.

Vel dic Psalm. De profundis.

ORATIO Ima.

ADoro, saluto & benedico te, dulcissime Domine IESU Christe, atquè ex effectu totius universitatis gratias ago pro amore, quo propter nos incarnari, nati, ac 33 annis fame siti, laboribus & doloribus affici, ac te ipsum nobis in sacramento relinquere dignatus es: obsecrans te ut hanc orationem meam, quam tibi pro illo N. defuncto vel, illis, vel omnibus defunctis, offero, venire & permiscere digneris meritis sanctissimæ vitæ & conversationis tuæ: & ex ejusdem abundantia supplere & perfectè restaurare quidquid neglexit

glexit (vel neglexerunt) in tui laude & dilectione, gratiarum actione, orationibus, virtutibus, cæterisque bonis operibus & obsequiis tibi debitis, quæ per gratiam tuam facere potuisset & non fecit, seu impurè fecit (vel fecerunt) Amen.

ORATIO 2da.

ADoro, saluto & benedico te dulcissime Domine IESU Christe gratias agens pro amore, quo tu Creator universorum ad redimendum nos, ab hominibus dignatus es capi, ligari trahi, conculcari, verberari, conspui, flagellari, spinis coronari, condemnari, crucem baiulare, nudari, crucifigi, & acerbissimam mortem, lanceamque configi. Atque in ejusdem amoris unione offero tibi has indignas orationes meas, obsecrans te per meritum tuam sanctissimam Passionis & mortis delere & perfectè abstergere digneris quidquid anima (vel animæ pro quibus) pro qua oro, unquam contra voluntatem tuam peccavit (vel peccaverunt) cogitationibus, locutionibus, & operibus malis. Et ut offeras DEO Patri omnem vulnerati corporis & dolorosæ animæ tuæ pœnam & dolorem, merita & exercitia, pro omni pœna, cui apud justitiam tuam detinetur obligata (vel detinentur obligatæ.) Amen.

ORATIO 3tia.

L 4

Adoro

ADoro, saluto & benedico te dulcissime Domine IESU Christe, gratias agens pro amore & fiducia, quibus nostram carnem devictâ morte resurgens, glorificasti, in cælumquè ascendens ad dexteram Patris collocasti. obsecrans te, ut animam, pro qua (vel animas pro quibus orò) tuæ gloriæ & victoriæ participem efficere digneris. Amen.

ORATIO 4ta.

ADoro, saluto & benedico te dulcissime Domine JESU Christe, gratias agens pro omnibus beneficijs, quæ gloriosæ Matri, omnibusquè electis tuis unquam impendisti: in unione illius gratitudinis, quâ omnes Sancti gratulantur se per Incarnationem, Passionem, & Resurrectionem tuam beatificatos: obsecrans te, ut ex eiusdem gloriosæ Virginis & Sanctorum meritis & precibus supplere digneris isti animæ cistis animabus] quidquid ei deest ex proprijs. Amen.

ORATIO DOMINICA.

Pro defunctis quam Christus fecit

Pater noster, qui es in cælis. Obsecro digneris animabus in purgatorio ignoscere, quod te, suum venerandum dilectumquè Patrem, qui eas ex mera gratia in filios adoptasti non dilexerint, nec debitum honorem exhibuerint, sed è suis cordibus, in quibus habitare semper desiderabas, ejecerint. Et in suppletionem hujus culpæ i-

plâ-

ularum offero tibi illum amorem & honorem, quem dilectus Filius tuus in terris tibi exhibuit: illamquè copiosam satisfactionem, quâ omnia ipsarum peccata perfoluit, Amem.

Sanctificetur nomen tuum. Obsecro te, pie Pater, digneris animabus defunctorum ignoscere, quòd sanctum Nomen tuum nunquam dignè honoraverint, rariusquè ejusdem devotè recordati fuerint, sed sæpius id ipsum in vanum assumpserint atquè per turpem vitam suam Christiani nominis se indignos reddiderint. Et pro satisfatione hujus peccati offero tibi perfectissimam Filij tui sanctitatem, quâ benedictum nomen tuum prædicando exaltavit, in omnibus sanctissimis operibus suis honoravit. A.

Adveniat regnum tuum. Obsecro te pie Pater, digneris animabus defunctorum ignoscere, quòd te regnumquè tuum in quo solo consistit vera requies æternaquè gloria, nunquam cum fervore desideraverint, nec studiosè quæserint. Pro quâ ipsarum acedia, quam in omni bono habuerunt, offero tibi sanctissima Filij tui desideria, quibus voluit eos esse regni sui cohæredes. Amen

Fiat voluntas tua sicut in celo & in terra. Obsecro te pie Pater, digneris animabus defunctorum, maxime verò animabus Religiosorum ignoscere, quòd voluntatem

tuam suæ non præposuerunt, nec eandem in omnibus dilexerunt, sed valdè frequenter secundùm voluntatem suam vixerunt & fecerunt. Et in emendationem hujus suæ inobedientiæ, offero tibi unionem dulcissimi cordis Filij tui cum tua voluntate: sicut & promptissimam ejus obedientiam, quam tibi obediens fuit usquè ad mortem crucis. Amen.

Panem nostrum quotidianum da nobis hodie.
 Obsecro te pie Pater, digneris animabus defunctorum ignoscere, quòd nobilissimum Altaris Sacramentum non cum integro desiderio, devotione & amore susceperint; sed multæ earum se plane ejusdem indignas reddiderint: & multæ idipsum rarò aut planè nunquàm susceperint. Pro quò earum peccato offero tibi maximam Filij tui sanctitatem & devotionem, sicut & ferventem ejus amorem & ineffabile desiderium: quò hunc pretiosum thesaurum nobis donavit. Amen,

Et dimitte nobis debita nostra, sicut & nos dimittimus debitoribus nostris. Obsecro te pie Pater, digneris animabus defunctis ignoscere omnia peccata, quæ commiserunt in septem peccatis capitalibus: maximè quòd ijs, qui eas offenderant, ignoscere noluerint, nec inimicos suos dilexerint. Pro quibus peccatis offero tibi suavissimam orationem.

tionem, quam Filius tuus in cruce pro inimicis suis oravit. Amen.

Et ne nos inducas in tentationem. Obsecro te pie Pater, digneris animabus defunctorum ignoscere, quòd vitijs & concupiscentijs non restiterint: sed sæpius diabolo & carni suæ consenserint, & multis malis spontè se irretierint. Pro quibus multiplicibus peccatis jam offero tibi gloriosam Filij tui victoriam, quâ mundum & diabololum devicit: sicut & totam sanctissimam ejus vitam & conversationem, cum omni suo labore & fatione, amarissimaquè passione & morte ejus. Amen.

Sed libera nos à malo & ipsas ab omni malo, omniquè pœna per dilecti Filij tui merita, & perduc nos ad regnum gloriæ tuæ, quod tu ipse es. Amen.

Brevis & efficax oratio pro defunctis.

Miserere, pijsime IESU, animabus in purgatorio detentis, pro quibus redimendis humanam naturam assumpsisti, mortemquè amarissimam subiisti. Miserere gemituum, miserere lachrymarum, quas ad te fundunt, & per virtutem passionis tuæ, condona eis pœnas peccatis ipsarum debitas. Descendat piissime IESU sanguis tuus in purgatorium & recreet, refrigeretq; omnes ibi captivos ac patientes. Porrigere eis dexteram. & duc eas in locum refrigerij lucis ac pacis, Amen.

Oratio ad ipsos defunctos

Misereatur vestri, ô afflictissimæ animæ, JESUS Christus pro vobis mortuus & crucifixus: & per asperionem sanguinis sui refrigeret vos in tormentis vestris. Commendo vos illi excessivo amori, qui Filium Dei traxit de cælis, & amarissimæ morti subjecit in terris: ut illa pietate vestris pœnis compatiatur, quâ in cruce pendens omnibus afflictis est compassus. Et in plenum refrigerium offero vobis omnem filialem affectum, quem idem Christus JESUS habuit ad Patrem in divinitate, & ad Mariam Matrem in humanitate. Amen.

Oratio transeundo cimiterium dicenda.

Quam Ioannos XII Indulgentiis dotavit.

AVete omnes Christi fideles animæ: det vobis requiem ille, qui est vera requies, JESUS Christus Filius Dei vivi, qui natus est de immaculata Virgine, pro nostra, omniumquæ salute, & vos redemit suo pretioso sanguine, benedicat vos: à pœnis liberet, faciatquæ resurgere in die Judicij. Angelisque suis sociari.

Amen.

PARS



P A R S I X.

Orationes pro peccatis.

*Accusatio sui ob multiplicia peccata sua pro gravi-
oribus peccatoribus.*

OMnipotens sempiterne DEUS,
 en ego infelix, indignus ac
 perfidus peccator, multipli-
 citer tibi rebellis & in gra-
 tus, venio ad te DEUM creatorem &
 redemptorem meum, accusans meipsum,
 & confitens tibi omnes abominationes &
 scelera mea. In spiritu humilitatis & in ani-
 mo contrito confiteor tibi, quòd sæpè no-
 men sanctum tuum blasphemaverim, præ-
 cepta tua transgressus sim, voluntatem
 tuam contempserim, dona & opera tua in
 me destruxerim, animam & corpus meum
 polluerim, gratias ac beneficia tua in con-
 tumeliam tuam verterim, & innumeris
 peccatis & iniquitatibus meis multiplici-
 ter te offenderim. Et in his gravissimis pec-
 catis & sceleribus, in hujus modi pravita-
 te & perfidia, heu nimis diu obstinatus
 mansi, abutens benignitate & longanimi-
 tate

PARS

tate, seducens cor meum & inquinans animam meam. Et non solum hanc meam, sed plures quoque alias animas quas tu sanguine tuo pretioso mercatus es, ego malis meis exemplis & persuasionibus tibi abstraxi, & hosti tuo diabolo necandas tradidi. Ecce Domine, DEVS meus, ante pedes tuos prostratus jacet nefarius hostis tuus: ecce hic habes perversum illum nebulonem, qui se ultrò tibi captivum tradit. Fac igitur de me quidquid tibi placet, nam integrâ voluntate rigori justitiæ tuæ me subijcio paratus quamcunque de me sumere volueris vindictam: lubens subire; tantummodo miserere mei & in gratiam tuam me recipe. Nunquid non pater meus es tu, cujus pietas non potest concludi, cujus miserationes nunquam continere se possunt. Ego verò licet filii nomine indignum me fecerim, non tamen alium patrem præter te agnosco. Quapropter ad pedes misericordiæ tuæ prostratus, per omnipotentiam, sapientiam & bonitatem tuam obsecro te, ignosce, remitte & condona mihi offensas meas gravissimas, & in gratiam tuam me rursus admitte dulcis JESU Fili Dei vivi, qui te advocatum & mediatorem inter nos & Patrem tuum constituisti obsecro te per charitatem illam, quæ te de cælis traxit iu uterum Virginis, & de eodem ad passionem & ignominiam

miniam crucis : obsecro te per omnes contumelias & injurias tibi irrogatas, atque per omnes & singulas pretiosissimi sanguinis tui guttas pro nobis effusas, ut mihi peccatorum meorum veniam impetres, atque Patri tuo place me reconcilies. Amen.

Alia accusatio.

○ Inscrutabilis abyssus pietatis, Domine DEUS meus, peccavi super numerum arenæ maris, & non sum dignus intueri altitudinem cœli, O me foetidam peccatorum sentinam O me sordidum cadaver putredinis? Multiplicatæ sunt iniquitates meæ, & sicut onus grave gravatæ sunt super me. Regnat in me superbia, vana gloria, luxuria, avaritia, invidia, gula, acedia, & omne malum. Quid faciam, miser, quò fugiam à facie iræ Dei; Heu Domine Deus meus quanta sunt vulnera mea, quanta infirmitas animæ meæ; Cui conquerar, ô Domine, omnia mala mea adversum me, nisi tibi Salvatori & Redemptori animæ meæ? JESU Fili Dei vivi miserere mei, quia nihil tibi est impossibile quàm non posse miseris misereri. Redde mihi, dulcis JESU gratiam tuam, & recipe me in amicitiam tuam. Non secundum merita mea, sed secundum bonitatem tuam respice in me Doleo vehementer de peccatis meis, quibus te benignissimum Deum meum offendi. Et quia
dolor

dolor meus nimis exiguus est: hinc opto & desidero, (iusta tamen intentione) quod omnem dolorem & odium erga peccata, quæ in omnium damnatorum cordibus inveniuntur? cordi meo includere, atque supremo odio peccata averfari possem O Domine DEVS meus, odi, averfor, execror & abominor omnia peccata mea, tali affectu & voluntate, quâ tu ipse ea execraris & abominaris, & utinam dolor meus tantus esset, quantum tu esse desideras In cuius dignam suppletionem offero tibi illam contritionem, tristitiam & aversionem à peccatis quàm Filius tuus in monte Oliveti de omnibus peccatis, in se sensit & sustinuit, dum præ vehementia doloris & angustia sudor sanguineus de corpore ejus emanaret, & omnia viscera ejus commoverentur: rogans ut illam contritionem in suppletionem meam quam non habeo, acceptare, mequè à peccatis meis absolvere digneris Amen.

Vera contritio, vi cuius plenariam à Christo indulgentiam obrinare poteris.

Benignissime DEUS, ego indignissima creatura tua, ex mera malitia & perverfitate, divinam bonitatem tuam multipliciter offendi, quod iuste me abominari, & tanquam capitalem hostem tuum persequi deberes. O Chrifte JESU fateor quod iniquè egerim, & malum mi-

mis

mis coram te fecerim Attamen tam
 vehementer super hoc doleo. quòd ma-
 lim quòd vis malum subire, quàm deinceps
 vel unicò mortali peccatò te offendere.
 Non doleo propter graves nimiasquè pœ-
 nas quas commerui; sed solummodò, quia
 te tam dulcem tam amabilem, tam beni-
 gnum & fidelem Dominum, qui mihi
 unquam nec minimum malum fecisti, sed
 omnibus bonis ditasti, tam graviter tamquè
 injustè offenderim. Ignosce mihi, mise-
 ricordissime JESU propter amorem illum
 quo Patrem pro persecutoribus tuis roga-
 sti; quia paratus sum omnem injuriam
 quam tibi peccando irrogavi, quantum
 possibile est, reciprocò obsequiò recom-
 pensare. Non peto pœnas promeritas mi-
 hi condonari: sed paratissimus sum easdem
 à paterna manu tua, quando, quomodò
 & ubi tibi placuerit, & decor justitiæ tuæ
 exegerit, acceptare. Imò si mihi easdem
 remittere & condonare velles, nollem id
 acceptare, sed obnixè te rogarem, quòd te
 de me vindices, quoniam mihi impossibile
 esset videre, quòd pro tot & tantis tibi ir-
 rogatis injurijs nullo honore reciproco
 affici deberes. Cum summa igitur humi-
 litate & resignatione me tibi subjicio, ju-
 stumquè tuum super me judicium ambo-
 bus brachijs amplexor, paratus acceptare

M

que;

quæcunquè mihi aduersa in tempore & æternitate immiseris, Amen,

Brevi Confessio peccatorum.

ECce Domine mi, ego indignus peccator fateor, eheu cum dolore, ex humana fragilitate me contra tuam divinam omnipotentiam multipliciter deliquisse ac contra tuam divinam sapientiam per ignorantiam diversimodè peccasse, nec non & tuam inæstimabilem benignitatem me multis modis malitiosè irritasse. Ergo Pater misericordiarum miserere mei, & da mihi de tua omnipotentia vires resistendi omnibus quæ tibi sunt contraria: & de tua inscrutabili sapientia da mihi cautè prævenire omnia quæ oculos tuæ pietatis in me offendere possent, Atquè ex superabundantia pietatis tuæ concede mihi tam stabili fidelitate tibi adhærere ut nunquam vel in minimo à tua voluntate discordem: Amen.

Oratio ad JESUM.

OJESU pijsime, plenè pietate & misericordia. qui nunquam spernis miserorum suspiria: heu deperijs, & sine fructu abiit tota vitæ meæ conversatio, nec quidquam dignè egi in conspectu tuo. Ad te igitur confugio, tuam clementiam exoro Tu pro me loquere, tu pro me supple, Tu per puras clarissimorum oculorum tuorum, lachrymas, abluè omnes pec-

peccantium oculorum meorum maculas. Tu per dulcem benedictarum aurium tuarum pietatem, abluere omnem peccantium aurium mearum iniquitatem. Tu per puram sanctissimorum cogitatum tuorum intentionem, ardentemque transfixi cordis tui amorem, abluere omnem malarum cogitationum mearum, & criminosi cordis mei reatum, Tu per vividam dulcium verborum benedicti oris tui potentiam, absterge omnem polluti oris mei offensam. Tu per operum tuorum perfectionem, manuumque tuarum crucifixionem, abluere omnem impiarum manuum mearum offensam. Tu per dolorosam benedictorum pedum tuorum fatigationem, dirissimamque perforationem, abluere omnem peccantium pedum meorum maculationem. Tu per vitæ tuæ nobilem innocentiam, puramque sanctitatem, abluere omnem corruptæ vitæ meæ foeditatem. Tu demum per pretiosissimi sanguinis tui nobile lavacrum abluere, emunda & extingue omne cordis & animæ meæ piaculum, ut per sanctissima merita tua mundus inveniar, & deinceps immaculatus omnia mandata tua servare merear. Amen.

ORATIO DEVOTA.

*Qua peccator per Passionem Christi rogas
sibi ignosce.*

M a

Adoro

Addoro & veneror te, mitissime Do-
 mine JESU, in crucis patibulo pen-
 dentem, & sanguinem tuum roseum
 pro expiando mundi scelere fundentem.
 Accuso me in contritione cordis mei de
 multifaria tibi à me irrogata injuria & in-
 fidelitate. Bone JESU fateor, quòd propter
 nefaria scelera mea passionis & mortis tuæ
 sim causa: quodquè in passione tua ma-
 gis poenosa tibi fuerint mea peccata,
 quam impiorum licitorum tunctiones & ver-
 bera, Tibi igitur confiteor & revelo ma-
 litiam & iniquitatem meam, & in spiritu
 humilitatis ante crucem tuam prostratus
 veniam deprecor. Omnes iniquitates &
 peccata mea demergo in abyssum miseri-
 cordiæ & clementiæ tuæ & in cruenta vul-
 nera tua, quæ accepisti meæ salutis causâ:
 orans, ut illa pretioso sanguine tuo &
 virtuosâ aquâ sanctissimi Lateris tui ita
 abluere & abstergere velis, ut nulla apud
 te eorum memoria perseveret. In perfe-
 ctam emendationem & expiationem omni-
 um criminum, quæ ego cogitationibus, de-
 sideriis & perversis affectibus cordis mei
 commisi, offer æterno Patri tuo immacu-
 latum cor tuum, cum omni bono, quod
 in se continet, Et pro omnibus inutilibus
 & noxiis verbis, quæ ore meo locutus sum,
 exhibe ei omnia sacratissimi oris tui exer-
 citia, atquè pro omnibus perversis operi-
 bus

bus quæ perpetrarunt manus meæ, ostende ei perforatas manus tuas, tuaquæ innocentia DEUM Patrem placa, ut per te perfectam merear criminum meorum obtinere indulgentiam. Pro quo sit tibi exhibitio suavitatis illius, quam in trina Deitate persona personæ communicat. Amen.

Alia Oratio ex lib. 2. Rev. S. Gerr.

Domine JESU Christe, supereffluens fons omnis misericordiæ, ecce ego misera & infelix creatura tua revertor iterum ad te, & in amaritudine cordis mei accuso me, quod proposita mea non servarim; sed in pristina mea peccata & errores relapsus sim: negligentissimè tibi serviverim, in devotione & amore tui nimium tepidus & negligens extiterim, rebus vanis & transitorijs me nimium implicaverim, terrenas & noxias delectationes nimium quæserim, atquæ in his alijsquæ innumeris peccatis & negligentijs meis te dulcissimum sponsum animæ meæ multipliciter offenderim. Tua beatitudo, DEUS meus quamvis nec crescere nec descrescere possit, cum bonorum nostrorum non egeas; tam culpabilis tamen tamquæ negligens vita mea (si dici potest) cessit in notabile detrimentum laudis & gloriæ tuæ. Quid super his sentiat vel saltem sentire deberet cor meum, ut DEUS meus optime nosti. Unde & in a-

mara contritione cordis mei confiteor tibi Pater benignissime, omne id, in quo tu me reum nosti: humillimè rogans, ut quidquid ex malitia, nequitia & negligentia contra te deliqui, suppleat vis amoris illius, cujus plenitudo habitat in eo, qui sedens ad dexteram tuam factus est os ex ossibus meis, & caro de carne mea. Nam per eum in virtute Spiritus S. cum ea nobilitate compassionis, humilitatis & reverentiæ, sicut dedisti nobis posse, per eundem offero tibi querimoniam infelicitatum mearum nimium multarum, quibus premor contra tam nobilem divinam bonitatem tuam, quam cogitatū, verbis & factis multimode Impugnaui: offerens & exhibens tibi in suppletionem omnium negligentiarum, & in plenam abolitionem omnium iniquitatum mearum, excellentem illam dilectissimi Filij tui orationem, quam præ mortis angustia sanguinei sudoris sui testimonium reddidit attentam, & innocentia puræ simplicitatis suæ devotam, & ardens amor divinitatis efficacem, Amen.

Oratio ante confessionem.

Dulcissime JESU, qui ex amore salutis humanæ Sacramentum Confessionis ad consolationem omnium peccatorum instituisti: ut ejus virtute ab iniquitatibus nostris emundari, amissamquè gratiam tuam recuperare valeamus. Ecce ego
mise-

miserrimus peccator, qui denuò multipli-
 citer, deliqui, animamquè meam omni-
 modis sordibus inquinavi, revertor ad te,
 atquè cum firmissima spe & fiducia remis-
 sionis peccatorum meorum hoc tam no-
 bile Sacramentum recipiam, nec non & de
 omnibus & singulis peccatis, quantum
 quidem memoriæ meæ occurrere pote-
 runt cum summa humilitate animiquè
 contritione coram Sacerdote tuo vices tu-
 as gerente me accusabo: nec ullum pec-
 catum mortale quantumcunquè scædum
 & turpe scienter reticebo Illa verò quæ
 memoriam meam subterfugerunt, sicut &
 omnia venialia peccata mea huic sacræ
 Confessioni inclusa velim eaque tibi tan-
 quàm Pontifici omnium maximo confiteor:
 atquè coram tota cælesti curia me per-
 fidum, & crimine læsæ Maiestatis tuæ re-
 um proclamo. Rogo ergo te, Pater cle-
 mentissime, digneris eodem miserationis o-
 culô, quo Filium tuum in monte Oliveti
 in faciem suam prostratum, totoquè cor-
 de de omnibus hominum peccatis con-
 tritum respexisti, me miserum intueri: to-
 toq; cordis affectu veniam petentem exau-
 dire. In suppletionem contritionis meæ,
 quam ut par est, non habeo offero tibi ve-
 hementem illum dolorem quem Unigeni-
 tus tuus toto tempore mortalitatis suæ su-
 per omnibus mundi peccatis in corde suo

dulcissimo semper persensit, maximè cum in monte Olivarum præ ejusdem vehementia sanguinem sudaret: rogans, ut in balneo ejusdem sacratissimi cruoris animam meam ab omnibus inquinamentis suis abluas, atquè nivea puritate tua condecors, Amen.

Brevis & efficax modus eliciendi contritionem, cuius efficaciam vide in Revel. s. Mecht. 1, 4. c. 21.

O Dulcis JESU, doleo de peccatis meis, & quod mihi de vero dolore deficit, digneris supplere pro me: Deoque Patri omnem dolorem, quem super meis, totiaquè mundi peccatis habuisti, offerre, Amen.

Ingressus Confessionale dic.

Ecce Domine, ego vilis, peccator: pauper malus & indignus venio ad te superelevantem abyssum pietatis, ut laver ab omni macula, & munder ab omni peccato, Amen.

Post confessionem dic: Psal. 102.

Benedic anima mea Domino, & omnia quæ intra me sunt nomini sancto ejus. Benedic anima mea Domino, & noli oblivisci omnes retributiones ejus.

Qui propitiatur omnibus iniquitatibus tuis, qui sanat omnes infirmitates tuas.

Qui redimit de interitu vitam tuam qui coronat te in misericordia & miserationibus.

Miserator & misericors Dominus, longanimis & multum misericors. Non

Non secundum peccata nostra fecit nobis, neque secundum iniquitates nostras retribuit nobis

Quantum distat ortus ab occidente, longè fecit à nobis iniquitates nostras.

Quomodo miseretur Pater filiorum miseratus est Dominus timentibus se: quoniam ipse cognovit figmentum nostrum.

Benedicite Dominum omnes Angeli ejus, ministri ejus qui facitis voluntatem ejus.

Benedicite Domino omnia opera ejus, in omni loco dominationis ejus: benedic anima mea Domino.

Gloria Patri, &c.

O R E M U S.

OMnipotens & misericors Deus, cujus misericordiae non est numerus, & bonitatis infinitus est thesaurus; pijsimae Majestati tuae ex toto cordis ac mentis affectu gratias ago pro exuberantissima bonitate tua, quam ostendisti super me, dum tam clementer peccata mihi indulxisti, & gratiam tuam mihi retribuisti. Benedicta sit divina pietas tua, & benedictus sit incomprehensibilis amor dilecti Filij tui, qui eum induxit hoc tam facile, efficacissimumque remedium, quò à peccatis nostris liberari valeamus, instituere. Unde in unione omnium gratiarum actionum, quae tibi ab omnibus verè pœnitentibus habitae

sunt concino tibi laudes & gratiarum actiones, ex parte omnium cælestium, terrestrium & infernorum, nunc & in sæcula sæculorum, Amen.

Oratio ante penitentiam dicenda

ET quoniam ô mitissime Deus, multiplicibus peccatis & negligentijs meis maximam tibi irrogavi injuriam ideo etiam paratus sum divinæ justitiæ tuæ perfectam satisfactionem secundum quod vires meæ se extendunt, rependere. Igitur penitentiam illam à Confessario nomine tuo, mihi impositam fideliter summaquæ cum devotione persolvam. Et utinam tali devotione & amore eandem persolvere possem ut majus tibi beneplacitum & oblectationem causaré, quàm tibi per peccata mea injuriæ & contumeliæ irrogavi. Quod ut perficere valeam, ideo unio & immergo hanc meam penitentiam in omnia opera satisfactoria, quæ dilectus Filius tuus triginta tribus annis, jejniis, vigiliis & orationibus perfecit & in unione omnium illorum offero tibi hanc orationem & penitentiam meam. Respice igitur amantissime Pater super me obligatissimum debitorem tuum sacris pedibus tuis advolutum, irrogatasquæ tibi injurias reciproco amoris obsequio rependere satagentem: tantamquæ mihi concede virtutem & gratiam, ut juxta tuum sanctum beneplacitum hanc orationem perficiam, Amen.

Hic

Hic ora poenitentiam tibi iniunctam, eamq; sequente oratione concludere.

Sanctissime Pater, in unione omnium poenitentiarum, quæ unquam pro gloria nominis tui adimpletæ sunt, offero tibi hanc meam confessionem & satisfactionem, rogans ut eandem per merita passionis dilecti Filij tui, perquæ intercessionem Beatæ MARIE Virginis, & omnium SS. Apostolorum, Martyrum, Confessorum, atquæ Virginum, ratam, mihi salutarem habere & efficere digneris. Et quidquid mihi defuit de sincera præparatione, perfecta contritione, fidei & dilucida confessione, id omne commendo dulcissimo cordi Unigeniti tui, tanquam bonorum omnium gazophylacio, ex cujus abundantia omne debitum tibi plenè suppletur: ut per id ipsum omnes defectus & negligentia meæ in susceptione hujus Sacramenti commissæ plenè & perfectè ad æternam laudem tuam suppleantur: mequæ tam efficaciter absolvere velis in cælis, sicut minister tuus tua authoritate me absolvit in terris. Per Dominum nostrum JESUM Christum Filium tuum: Qui tecum &c,

ORATIO à SACERDOTE.

Ante administrationem Sacramenti dicenda.

Domine JESU, hoc sacrum poenitentia Sacramentum administrare volo in amore illo superexcellente, quo illud

illud sanctificasti, cum præ vehementissimo salutis nostræ desiderio illud instituisti, & ab Apostolis, eorumquæ successoribus administrari voluisti, ad laudem DEI Patris, & salutem totius generis humani, rogans ut in unione amoris tui tam mihi, quam omnibus & singulis, quibus illud ministrabo, cedat in augmentum salutis & beatitudinis æternæ Spiritus sancti gratia ita illuminet, accendat & conservet sensus meos & cor meum, ut juxta tuum summum beneplacitum inunctum ministerium perficere, & ab omni tentationum incurfu præmuni & præservari merear. In nomine Patris & Filij &c,

Post Confessionem Oratio.

Domine JESU Christe, Fili DEI vivi, suscipe hoc obsequij mei ministerium in amore illo superdignissimo, quo B. Mariam Magdalenam, omnesquæ ad te confugientes peccatores absolvisti. Et quidquid in sacramenti hujus administratione negligenter, minusquæ dignè perfeci, tu per te supplere & satisfacere digneris. Omnes & singulos qui mihi modò confessi sunt, commendando dulcissimo cordi tuo, rogans, ut eosdem custodias. & à recidivâ præserve, atquæ post hujus vitæ miseriam tecum ad gaudia perducas æterna.

Amen.

PARS



PARS X.

Orationes ante Communionem.

Præparationes ad S. Synaxim.

Mitissime, suavissimequè JESU, ego omnium creaturarum indignissimus, sacratissimum corporis & Sangvinis tui Sacramentum, ceu præstantissimum contra omnes corporis & animæ meæ misérias remedium suscipere & sumere statui, certò confidens, firmissimequè credens, me per hoc non solum meis provisurum necessitatibus; sed etiam tuæ supremæ Majestati, omnibusquè cælorum incolis summum præstiturum beneplacitum. Verùm ô summa ineffabilisq; Majestas, coram qua cœli immundi sunt, universæq; cœlorum columnæ contremiscunt, quomodò ego vilissimus terræ vermiculus, ego omnium fœditatum misèriarumquè sentina, te totius puritatis fontem in tam immundum cor meum suscipere audebo? Quomodò præsumam te in tale cor introducere, quod undiquè spinis & tribulis peccatorum confitum, tamquè tetro
 car-

carnalium & mundanorum desideriorum odore refertum est? Quare ô pijsissime amator meus, erubescô nimis coram te, vereor què nimis; ne magna te afficiam contumeliâ, si te in tam sordidum. majestati què tuæ tam indignum introducâ cœnaculum, At ô JESU benignissime, qui ore tuo dixisti, non est opus valentibus medicus, sed male habentibus, quiq; cœcos & claudos, pauperes ac debiles ad cœnam tuam invitasti, ecce ego quasi unus ex illis, imò pauperimus & miserimus inter omnes illos, non ex præsumptione, sed ex humili piaq; confidentia ad sacratissimam corporis & sanguinis tui cœnam accedam.

Quæ sequuntur sunt ex S. Gertrude. l. 2. c. 3.

De omnibus & singulis peccatis & negligentijs meis quibus dulcissimam benignitatem tuam unquam offendi & contristavi, atquè animam meam tam fœtentibus sordibus inquinavi, amore tui vehementissimè doleo. O utinam & millies utinam totum mare versum in sanguinem ducere possem per caput meum, ut vel sic mundaretur sentina extremæ vilitatis meæ quâ tu finis meus inexcogitabilis dignitatis inhabitare elegisti. O utinam & millies utinam cor meum extractum à corpore daretur mihi candentibus carbonibus frustratim adeo examinandum, ut decocta ad purum scoria ejus saltem & si non dignam non

non tamen tam nimis indignam tibi præbere possem mansionem.

Sed quid valet me multum anxiam, cum etiam si mille anni studio meo relinquerentur, nequaquam tamen me decenter præpararem, cum ex me nihil omnino habere queam, quod aliquo modo valeat ad tam sumptuosam præparationem. Unde amantissime JESU, in humilitate cordis mei procidens ad terram exoro clementiam tuam, ut me præparare digneris, quo ad laudem tuam, & profectum universitatis cælestibus epulis dignè possim participari. Piissimæ pietati tuæ offero & præbeo totam substantiam meam, desiderans & orans, ut tu ipse tibi in me præpares quidquid tuam divinam in me summè delectare possit benignitatem, Offero & præbeo tibi, amator prædulcissime, integræ voluntate totum cor meum, orans, ut abluas illud in virtuosa aqua sanctissimi Lateris tui, & decentissimè illud exornes in pretioso sanguine dulcissimi cordis tui, ac tibi convenientissimè coaptas in aromatico vapore divini amoris tui, Amen.

Ad omnes sanctos.

O Vos omnes Sancti Dei, maximè verò vos dilectissimi Patroni mei, ex intimo cordis affectu saluto veneror vos. Adoro & benedico immensam bonitatem & dignationem semper venerandæ

Tri.

Trinitatis pro omni gratia, quæ ex ipsius
 supereffluentia abyssali unquam defluxit in
 salutem vestram: supplicans omnibus com-
 munitè & singulis singulariter, ut quilibet
 vestrum ad sacrificiũ fulgidæ semperq;
 tranquillæ Trinitatis in supplementum ne-
 gligentiarum, & indignitatis meæ offere
 dignetur omne studium & præparationem,
 quâ die Assumptionis vestræ præfectissimè
 consummati, conspectui gloriæ Domini
 astitistis æternis præmiis remunerandi, A-
 men.

Ad B. Virginem.

CAstissima Virgo Maria, rogo te per il-
 lam innocentissimam puritatem, quâ
 Filio Dei in utero tuo virginali placi-
 tam mansionem præparasti, ut tuis preci-
 bus ab omni macula merear emundari.

Humillima Virgo Maria, rogo te per pro-
 fundissimam illam humilitatem, quâ super
 omnes choros Angelorum & Sanctorum me-
 ruisti exaltari, ut tuis precibus supplean-
 tur omnes negligentia meæ.

Amabilissima Virgo Maria, deprecor te
 per amorem illum inæstimabilem, qui te in-
 seperabiliter Deo conglutinavit, ut tuis
 precibus præstetur mihi copia diversorum
 meritum. Amen.

Ad CHRISTUM.

AMantissime Domine JESU, per amorem
 dulcissimi cordis deprecor, ut tu ipse
 pro

pro me offerre digneris perfectionem illam, quâ in horâ Ascensionis tuæ paratus astitisti Deo Patri ad suscipiendam glorificationem: sordidamq; animam meam per tuam innocentissimam humanitatem redere puram & ab omni peccato immaculatam: & per excellentissimam divinitatem tuam omnigena virtute ditatam & ornatam: nec non per virtutem amoris illius, qui summam divinitatem conjunxit cum immaculata tua humanitate, eam omnibus donis tuis convenientissimè adoptare digneris, Amen. *lib. 5 c. 29.*

Oratio ante Communionem.

OJESU milies desideratissime ecce nunc appropinquat hora, hora inquam illa felicissima, quâ te Deum meum in animam meam suscepturus sum: Ecce JESU mi amabilissime cum summa quâ possum devotione & reverentia venio ad te, & vado in occursum tui. Extende igitur sacratissimas manus tuas ad amplexandam animam meam, sicut easdem perforatas manus tuas inter maximos mortis dolores ad amplexandos omnes peccatores extendisti. Ego, ô mi JESU crucifixe, non solum manus meas, verum & cor & animam meam ad te amplexandum, & in cordis mei penetrale introducendum extendo. O utinam talem ac tantam devotionem, talem ac tantum amorem, talem ac tantam mundiciem

N

diciem

ditiem, quã ullum unquam humanum cor ornatum fuit, in me haberem. O utinam & millies utinam omni virtute, omni desiderio, omniq; devotione repletus essem, O utinam & millies utinam omnium Angelorum puritatem, omnium Apostolorum charitatem, omnium Martyrum merita, omnium Confessorum sanctitatem, omnium Virginum haberem puritatem & munditiam. O utinam & millies utinam tali devotione, reverentia & amore te possem suscipere, sicut beatissima Mater tua te in tua incarnatione, & postmodum in Sacramento suscepit. O utinam & millies utinam tuum sacratissimum ac divinissimum cor haberem, ut te ipsum in illud ipsum tali, quo dignus es, modo suscipere possem.

Offero tibi, JESU dulcissime in condignam præparationem animæ meæ, & in suppletionem omnis indignitatis omniumq; negligentiarum mearum, universas præparationes, devotiones, affectus & amores, quos omnes Sancti tui, maximè verò beatissima Mater tua te in hoc Sacramento susceperunt. Offero tibi, JESU sacratissime, tuum superdignissimum cor, omnesque supercoelestes virtutes & gratias, quas beatissima Trinitas in idipsum superabundantissime contulit, ut iisdem, abyssalis illa vilitas & indignitas mea contegatur, tibiq; in
ani-

anima mea dignissimum, placidissimumque habitaculum præparetur.

INVITATIO JESU.

○ JESU superdulcissime, qui ipsemet dixisti, delicias tuas esse cum filiis hominum, te desiderat anima mea, te affectat cor meum. Invito te igitur tali devotione & amore, quali ulla unquam amantissima anima Te, ad se invitavit Veni ergo dilectissime Sponse animæ meæ, veni dilectissime amor animæ meæ, & diverte in pauperculum diversorium cordis mei. Veni cœlestis Medice, veni & sana infirmam animam meam: veni amice millies dilectissime, & dita extremam paupertatem meam.

Veni Sol amabilissime, & illumina densissimas tenebras animæ meæ. Veni Manna suavissimum, & satura nimiam esuriam meam. Veni JESU delectabilissime, veni dilecte votorum meorum, veni & cœna mecum in exili canaculo cordis mei. Et licet nihil, quod divinam tuam possit concedere magnificentiam, præparaverim; invenies tamen integram patinam bona voluntate, summoque in te affectu refertissimam.

O unice amor meus, summo tui te-
neor desiderio; summoque te præstolor
amore. O speciosissime inter filios homi-
num; o fons supereffluentis dulcedinis; o

suavissima suavitas omnis dilectionis, ah
veni ad me, & ne spernas pauperulum
servum tuum.

*Hic cum S. Gertrudel. 4. c. 23. osculans imaginem
Christi dic:*

O JESU amantissime, ex intimo cordis
affectu te deosculans, rogo cum affectu
omnium orationum, quæ unquam de cor-
de tuo dulcissimo profuxerunt; ut ad ho-
spitiolam cordis mei digneris declinare.

*Iam iam accessurus dic quod Christus S. Gertru-
dem lib: 3. cap. 28. docuit.*

Ecce Domine, ego vilis peccator, pau-
per, malus & indignus venio ad te super-
effluentem abyssum pietatis, ut laver ab
omni macula, & replear omni gratia.

*Sequentia verba dic cum magno affectu, quo Chri-
stus docuit S. Gertrudi l. 2. c. 19 quod qui
tali intentione ad Communionem acced eret, null
quam irreverenter accedere posset.*

Et licet sciam me extremè indignissi-
mum, imò execrandum & abominandum
peccatorem, de ineffabili tamen pietate tua
confusus, eo modo & intentione ad hanc
sacratissimam corporis & sanguinis tui
participationem accedo, ut amore amoris
& gloriæ tuæ parui pendam (etiãsi possi-
bile esset) quod magnam damnationem
mihi in Sacramento fumerem, ut tantum-
modo divina pietas tua magis clarescat per
hoc

hoc, quòd te itam indigno non dedi-
gnaris communicare.

Dum sedes in scamno communicantium, indefinenter suspira ad dilectum tuum dicens:

Veni bone JESU, veni Sponse animæ
meæ: & in illo amore, quo intraisti in ute-
rum Virginis, intra in pauperulum cor
meum, &c.

Post Communionem.

○ Bone JESU, ô dulcis JESU, ô amabi-
lissime JESU, ô JESU unica salus &
consolatio mea. Et unde mihi hoc,
quod venias ad me, atquè in immundissi-
mum cor meum nimis sordibus & pecca-
tis inquinatum intrare non refugas. Benedi-
ctus sit adventus tuus, & benedicta sit
dulcedo amoris tui, quæ te induxit me
pauperulum visitare. Cum summa hu-
militate profundissimaquè reverentia pro-
cidens, sacratissimosquè pedes tuos exoscu-
lans adoro te, humillime rogans, ut igno-
scas mihi, quòd cum tanta negligentia,
distractione & indevotione (*Sacerdos addat:*
sacro altari tuo astiti, tam irreverenter te
tractavi, tamquè indignè) te Dominum
Dominum meum suscepi. Ignosce mihi
JESU benignissime, & per saluberrimam
mortem tuam dele iniquitatem hanc ma-
ximam, & quidquid per me neglexi, tu per

te supplere dignare. Obsecro igitur, digneris hanc meam Communionem (hoc meum sacrificium) in cor tuum suscipere, atquè in illo amore & virtute, quâ Te ipsum in cruce obtulisti, DEO Patri offerre

Et nunc, ô bone JESU, offero & præbeo tibi indignissimum cor meum, orans, ut abluas illud pretiosissimâ illâ aquâ, quam divinus amor ex nobilissima rosa dulcissimi cordis tui in fornace amoris eduxit: illudque aspergas & confortes suavissimô illô vinô sacratissimi sanguinis tui, quod torcular Crucis è botro divini pectoris tui expressit. Amen.

OBLATIO ad PATREM

Cuius efficaciam verbis vix exprimes.

Sanctissime Pater, ecce ego indignissimus famulus tuus, confidens de tua ineffabili pietate, suscepi dilectum Filium tuum Dominum nostrum JESUM Christum eumquè in pectore meo tanquàm rem meam mihi què conjunctam adhuc dum contineo. Illum ergo Filium tuum in modum iusti Simeonis in ulnas meas suscipiens, offero tibi tali affectu & intentione, quali semet ipsum ad laudem tuam obtulit jacens in præsepio, & pendens in cruce. Respice pie Pater ad hanc oblationem, quam ego indignus famulus tuus offero tibi Deo meo vivo & vero ad æternam laudem & gloriam, infinitumq; beneplacitum tuum.

Offero

Offero tibi eundem pro me, & pro omnibus ijs, pro quibus soleo & teneor orare: in gratiarum actionem omnium beneficiorum nobis collatorum, in suppletionem omnium virtutum, bonorumque operum, in quibus ex mera negligentia nos exercere negleximus. Ad impetrandam gratiam & misericordiam tuam, quæ nos à malis & peccatis præservet & eruat; in omni corporis & animæ necessitate assistat, & per felicem obitum ad gaudia perducatur æterna. Demum offero tibi illum ipsum pro remissione peccatorum meorum, & satisfactione pœnarum, quorum multitudo ultra decem milia talenta excrevit, pro quibus exsolvendis cum longè sim impar, ideo humiliter tibi procidens, confiteor tibi Pater benignissime, in amaritudine passionis innocentissimi Filij tui (in quo tibi summè complacere testatus) & per ipsum exhibeo tibi emendationem & satisfactionem pro peccatis meis offerens tibi pœnas & lachrymas ejusdem, omnemquè satisfactionem, quâ ipse in cruce universa mundi peccata expiavit.

Memento etiã Domine famulorũ famularumquè tuarũ, qui nos præcesserunt cum signo fidei, & dormierunt in somno pacis, pro quibus omnibus & singulis (*maximè pro NN.*) offero tibi salutarem hostiam corporis & sanguinis Filij tui

quam modo suscepi: rogans, ut per ejusdem
 infinitum valorem, perq; merita omnium
 Sanctorum peccata eorum condones, & à
 pœnis eos clementer absolvas, Amen

Oblatio ad Sanctos.

Beatissima Virgo Maria, ecce Filium tu-
 um, quem immaculatô uterô tuô con-
 cepisti, genuisti, lactasti, atquè suavissi-
 mis amplexibus strinxisti Ecce cujus aspe-
 ctû lætabaris, illum ipsum quem ex inæsti-
 mabili divinæ bonitatis dignatione hodie
 donô datum in corpus & animam meam
 suscepi, tibi humiliter & amanter repræ-
 sento & offero tuis brachiis constringendû,
 tuo ore exosculandum, tuo corde aman-
 dum, & unâ mecum, imo pro me adoran-
 dum: nec non & SS. Trinitati in supre-
 mum patriæ cultum, pro meis totiusque
 mundi necessitatibus offerendum: ut quod
 meis meritis non præsumo, tuæ præroga-
 tivâ dignitatis in hac oblatione supplea-
 tur.

O vos omnes Sancti & Sanctæ Dei, ma-
 ximè verò vos dilectissimi Patroni mei,
 ecce Dominum & sponsum vestrum IESU-
 M Christum, viventes in carne totâ
 mente dilexistis, vos omnes & singulos
 saluto per eum quem modò in Sacramen-
 to suscepi, & in singulare augmentum gau-
 dij, gloriæ ac beatitudinis vestræ offero vo-
 bis eum cum omni amore & fidelitate,
 quam

quam in tempore vobis exhibuit & modò
in æternitate incessanter exhibet: orans,
ut eundem pro me adoretis & colatis, at-
què SS. Trinitati pro meis totiusque Ec-
clesiæ necessitatibus, proque gratiarum ac-
tione omnium beneficiorum mihi colla-
torum summâ devotione offeratis. Et
quidquid per me impetrare nequeo, ve-
stris meritis & precibus impetrare merear,
Amen.

GRATIARUM ACTIO.

COr meum & anima mea: cum totâ
substantiâ carnis meæ, omnibusquè
sensus & viribus corporis & spiritus
mei, cum universitate totius creaturæ lau-
des & gratiarum actiones dicant tibi, dul-
cissime JESU, fidelissime amator humanæ
salutis, pro dignantissima misericordia tua,
quam mihi servorum tuorum indignissimo
corporis & sanguinis tui convivio exhibu-
isti, O dulcissime DEUS, licet omnia &
singula momenta vitæ meæ non nisi con-
tinuæ gratiarum actiones essent, non ta-
men responderem tibi unum pro mille. I-
deò insufficientiam meam agnoscens offe-
ro tibi Ô B. Trinitas omnes illas laudes
& gratiarum actiones, quas sacratissima
humanitas Domini nostri IESU Christi toto
tempore vitæ suæ, maximè cum hoc Sa-
cramentum instituit, tibi persolvit. Susci-

pe, ô pie Pater, & illas, tibi offero gratiarum actiones, quas B. V. Maria, omnesque Sancti & Sanctæ Dei tibi unquam, maximè cum hoc Sacramentum susceperunt, toto cordis ac mentis affectu persolverunt: & concede propitius, ut omnis mea insufficientia & negligentia, eorum abundantia, & perfectione suppleatur, Amen.

Conclusio longè efficacissima Ex S. Gert: l. 5 c. vlt.

Hoc igitur SS. Sacramentum, ô Christe JESU, quod ex intimis tui amorosi cordis produxit efficax dulcor tuæ investigabilis divinitatis, quodque mihi tam benignè modò communicasti, offero tibi ex affectu totius universitatis, in unione illius excellentissimæ charitatis, quâ Tu altissimi Patris Unigenitus omnem influxum divinitatis, qui in tuam deificatam humanitatem descendit cum plenâ gratitudine offerens refudisti in abyssum originis tuæ, Orans cum desiderio & affectu omnium creaturarum, ut ipsum tibi intrahas per affectum suavissimi spiritus tui in laudem æternam, immensam & incommutabilem, quam inscrutabilis sapientia tua altissimè cognoscit superexcellens Dei Patris omni potentiam concedere, ac inæstimabiliter suavissimam Spiritus sancti benevolentiam oblectare. Nec non & in plenè sufficientem gratiarum actonem omnis boni & gratiarum quam per idipsum operatus es, & in æternum

num operaberis in corde & anima ipsum recipientis. Item & indignam emendationem omnium in quibus negligentius studium, præparatio & devotio mea omisit idipsum dignè suscipere. Et demum in summam gratiarum actionem, quod incomprehensibilis bonitas tua, me extremæ vilitatis vermiculum admittere dignata est ad regale convivium cælestium deliciarum tuarum Pro quo cum in nullo parvitas mea tibi respondere possit, offero tibi cor tuum dulcissimum ac unicè dignissimum in ea dignitate, quâ plenum est divinâ gratitudine, quâ plenum est divina gratitudine, ac omnimodæ beatitudinis perfectione superexcellens in perpetuum. Amen.

TRES ORATIONES.

Pro lucrands indulgentiis.

Oratio prima pro Ecclesia

Benignissime Domine IESU Christe, qui sanctam Ecclesiam tuam in sponsam elegisti, eamque tanto dilexisti amore, quod vitam & sanguinè tuum pro ea perfuderis: rogamus clementiâ tuâ, ut eandem pacificare, custodire, adunare & regere digneris toto orbe terrarum. Aspice IESU clementissime, quàm pertinaciter ab hostibus suis oppugnetur. Aspice quàm violenta rabie portæ inferi adversus eam prævaleant: sed defende & conserva eam in magnitudine brachij tui.

Intuere etiam, IESU piissime, quanta negligentia & in decore Divina tua officia peragantur, quàm sacer cultus tuus jaceat, quamque exigua scientia Dei sit in terra. Mitte igitur ferventes & indefessos operarios in messem tuam, qui eam excolant, pro moveant, & in horrea tua congregent. Concede etiam universis fidelibus tuis, ut Ecclesiæ tuæ sanctæ obediant ejusque præcepta fervent, & in omni bono, de die in diem, ad majorem tui nominis gloriam proficiant. Amen.

Pater noster, Ave Maria.

ORATIO SECUNDA.

Pro extirpatione Hæresum.

Plentissime Domine IESU Christe, verum lumen, ad illuminationem gentium, obsecramus clementiam tuam, ut respicias super interitu tot animarum, quæ fraude serpentis antiqui, & deceptione Hæreticorum in profundas errorum tenebras inciderunt. O misericordissime IESU, estne possibile, quòd miseras illas animas pretiosissimo sanguine tuo redemptas, à satana decipi, ejusque potestati subdiparis? Estne possibile, quod indies tot miserandas animas, defectu veræ fidei in abyssum inferni detrudi permittas. Recordare. Ô Christe IESU, quot laboriosa itinera pro salute earum susceperis, quotque vulnera & plagas in redemptione earum acceperis?

Ro-

Rogamus igitur per virtutem amarissimæ
Passionis & mortis tuæ, ut execrandas illas
Hæreses funditus extinguere, atque indu-
rata Hæreticorum corda ad veram fidem
convertere digneris. Amen.

Pater noster, Ave Maria

ORATIO TERTIA.

Pro concordia Principum.

Dulcissime JESU, author & amator uni-
tatis & pacis, rogamus clementiam
tuam, ut omibus Principibus Chri-
stianis pacem & veram concordiam dona-
re digneris, ut Ecclesia tua tranquilla sem-
per devotione lætetur. Recordare JESU
pie, quàm multus innoxius sanguinis per
continuum bellorum tempestatem effun-
datur Aspice, quàm multi in extremas
corporis & animi angustias dejiciantur. Ah,
JESU, amantissime, qui pacem semper sum-
mè amasti, eamquè discipulis tuis toties
apprecatus es: rogamus Te per ineffabi-
lem cordis tui amorem, ut Reges & Prin-
cipes Christianos pacificare, & arctissimo
concordiæ vinculo colligare digneris: ut
plebs tua in quiete & pace gubernari, inq;
tuo sancto servitio confortari & conserva-
ri mereatur. Quod nobis præstare digneris
per infinitam misericordiam & bonitatem
tuam. Amen.

Pater noster, Ave Maria.

*Ad hanc intentionem etiam utiliter dici possunt
Litania omnium Sanctorum cum suis precibus, vel
unum Rosarium &c*

PRÆPARATIO SACERDOTIS

Ad altare accessuri.

O Summa & adoranda Trinitas ego licet omnium peccatorum maximus, atamen per gratiam tuam ad sacerdotale munus vocatus, ad sacro sancta hæc Mysteria tractanda, sacrificiumq; non incruentum offerendum accedere intendo. Igitur in unione illius immensæ charitatis, quâ sic dilexisti mundum, ut Filium tuum unigenitum dares: In unione illius infinitæ dilectionis, quâ idem Unigenitus tuus humanam naturam assumpsit, sacrificiumquè istud instituit & offeri voluit, & semetipsum in ara crucis pro nobis obtulit, atquè adhuc dum in cælo tanquàm fidelissimus. Advocatus ostendens cicatrices & vulnera se cessanter offert. Et demû in unione amoris, reverentiæ & devotionis, quâ ullus unquâ Sacerdos idipsum obtulit, ad altare tuum accedam, atq; tremendum hoc sacrificium, unâ cum omnibus totiùs mundi sacrificiis offeram.

Igitur super altare tuum, sanctissime Patris, pono & offero omnia merita, virtutes & bona opera, quæ Unigenitus tuus toto tempore vitæ suæ peregit, maximè verò sanctissimam ejus passionem, crucem &

mor-

mortem, humanitatem & divinitatem suam, & in unione horum, offero tibi omnia merita B. Mariæ Matris suæ: omniumq; Sanctorum, omnia vulnera & dolores SS Martyrum: omnes mortificationes & austeritates Confessorum, omnem continentiam & amorem Virginum: omnes tribulationes & gemitus afflictorum, omnes miserias & indigentias pauperum, & demum totum thesaurum Sanctæ Matris Ecclesiæ. Cui specialiter addo omnia dicta, facta & cogitata, quæ ego, meique speciales amici pro honore tuo unquam fecimus, omnemquè ad veritatem quam propter te sustinuimus. Et utinam omnia opera nostra talia fuissent, ut tibi offeri & præsentari potuissent, sed qualia sunt, tu ea dignanter accipe.

Et hæc omnia bona opera atquè passionis, huic sacrificio unitas, offero tibi sanctissime Pater, per unigenitum Filium tuum, in unione Spiritus Sancti, nomine meo, omniumquè amicorum meorum, atq; totius sanctæ Ecclesiæ ad summam æternæ Majestatis tuæ gloriam, cultum & adorationem tibi supremo rerum omnium Domino debitam. in veram & condignam gratiarum actionem pro omnibus inexhaustæ bonitatis tuæ divitiis, quas humanitati Domini nostri JESU Christi, beatissimæ Virginis Mariæ, omnibusquè Sanctis in cælo

ac creaturis in toto hoc mundo, maximè
verò mihi què, meis què specialibus ami-
cis in corpore & anima unquam contulisti.
In plenam abolitionem omnis injuriæ ab
omnibus peccatoribus, quorum ego pessim-
us sum, tibi irrogatæ, ac demum in tu-
um summum beneplacitum, gaudium &
oblectationem, quam ex hoc tam grato
tibi sacrificio semper percipis.

Deinde illud tibi offero in singulare au-
gmentum gaudii & gloriæ: Humanitatis
Domini nostri JESU Christi: In memoriam
& reverentiam SS. ejus Incarnationis, Na-
tivitatis, Viuæ, Passionis & mortis ejus: In
memoriam & honorem omnium suspirio-
rum, lachrymarum, vulnerum, dolorum,
guttarumq; sanguinis pro nobis effusarum.
Atque in speciale augmentum beatitudinis
B. Virginis Mariæ, omniumquè Sancto-
rum & Sanctarum, maximè verò SS. NN.

Tertiò offero tibi illud pro S. Matre Ec-
clesia, omnibusquè ejus membris & filiis,
rogans per infinitam hujus sacrificii virtu-
tem, ut eam custodire, dilatare, & in omni
bono perficere velis. Item in satisfactio-
nem & expiationem omnium peccatorum
totius mundi; maximè eorum: quæ, eheu,
ego specialesq; amici mei commisimus.

Demum quantâ possum virtute & effi-
actia, offero tibi illud pro me indignissimo
famulo tuo, nec non & pro Parentibus,

Fratri-

Fratribus, Sororibus, Consanguineis; & Benefactoribus meis: pro omnibus afflictis infirmis, egenis, & inquacunquè tribulatione constitutis; ac pro omnibus, pro quibus Filius tuus seipsum immolavit, & adhuc immolari desiderat. Et demum pro omnibus in purgatorio detentis, maximè pro NN. & pro quibus me scis obligatum.

Ecce Domine, quia me voluisti fungi Sacerdotio, pro his omnibus legatione fungor apud te, omnes isti expectant elevationem manuum mearum, oblationem sacrificij hujus. Pro his omnibus accedam ad Altare tuum, portans iniquitates & miseras tam meas, quàm omnium illorum, quas tibi in spiritu humilitatis & in animo contrito offeram, & ante oculos tuos statuat; ut virtute hujus Sacrificij peccata nostra aboleantur, & miseriarum nostrarum adjuventur.

Verùm, Ô Domine, quomodo pro peccatis alienis intercedam, qui de proprijs non sum securus? Quomodo pro alijs misericordiam implorabo? qui ob perditam vitam, & depravatos mores meos me omni tuâ gratiâ & misericordiâ indignum feci. Igitur in amaritudine passionis tuæ moveo querimoniam, dolens & pœnitens de omnibus modis, quibus gratiæ tuæ obicem posui, spiritum tuum in me extinxi, tamquè multiplicibus peccatis & negligentis meis

te offendi Super quibus ascendat ad te gemitus cordis mei, & suscipe quam tibi offero querimoniam infelicitatum & pravitatum mearum nimis multarum. Dele pijsime JESU, omnia peccata mea (de quibus vehementer doleo) in illo amore, quò totius mundi peccata lavisti. Riga aridam animam meam lachrymis quas fudisti, unge eam myrrhâ dolorum quos sustinuisti & purifica eam pretiosissimo sanguine tuo, quem tam copiosè effudisti. Emitte manum tuam de alto, & corrobora ac dignifica me in hac hora ad sacrificium ritè celebrandum. Spiritus S. superveniat in me, & virtus altissimi obumbret mihi, ut citra damnationem assistere merear metuendo altari tuo: teque Agnum DEI immaculatum mundo corde & immaculatis manibus tractem, offeram & immolem in laudem tuam æternam, & ad salutem totius universitatis. Amen.



TESTAMENTVM ANIMÆ.

In Nomine SS. Trinitatis Amen.

Quoniam ego miserrimus peccator de morte mea certissimus, atquè de horâ ejus incertissimus sum: hinc modo,

dò, dum mihi adhuc optimè præsens sum, coram te, ô beatissima Trinitas, atquè coram tota cœlesti curia, ultimam voluntatem meam, qualiter vivere & mori cupiam declarabo: super qua, ne unquam immutari queat, Testamentum hoc, quòd usq; in æternum sit irrefragabile, condam & erigam. Tu igitur sanctissime Pater, oculis pietatis tuæ intuerere super me indignissimū famulum tuum, sicut intuitus es unigenitum tuum in monte Oliveti coram te prostratum, & de omnibus meritis suis Ecclesiæ suæ legandis, disponentem. Et sicut orationem ejusdem Filij tui summò bene placitò suscepisti, ita etiam ultimam hanc meam voluntatem ratam, rationabilem acceptabilemquè facere & habere digneris. Est autem hæc.

Pr. mò, in optima forma, modoq; efficacissimo, lego, ascribo & integrè trado tibi, ô beatissima Trinitas, corpus meum, & animam meam, omniaquè opera mea, quæ per illa toto vitæ meæ decursu operatus sum. Atquè summas & immortales ago tibi gratias, quòd me creaturam rationabilem creaveris, sacro Baptismate regeneraveris, a ijsquè Sacramentis sanctificaveris, & infinitis bonis in corpore & anima, in particulari & univèrsali affereris. Propter quæ fateor, quòd tu solus potestatem in me habeas, quodq; te solum,

& nullum alium extra te Dominum agnoscam.

Secundò, omnia bona, omnesque gratias tam spirituales quàm corporales, quas unquam à te accepi, illas omnes tibi Domino DEO meo soli ascribo : fateorquè quòd ex abyssali tua benignitate, atq; sanctorum tuorum intercessione millecuplo plus boni mihi præstiteris, quàm de te promeritus sim : quodquè tam in corpore quàm in anima, tam in prosperis quàm aduersis, tam congruentissimo modo mihi provideris, quòd hoc nulla potentia, sapientia, aut bonitas extra te prævaluisset, de quo maximas, quas possum in æternum tibi decantabo laudes & gratias.

Veram fidem, quàm in Baptismo accepi, omnesq; ac singulos ejusdem articulos firmiter credo atquè profiteor tali modò ac formâ, qualî Sancta Catholica Ecclesia eosdem credit atq; profitetur : paratissimusq; invenire potius vitam & sanguinem, quàm vel unicum veræ fidei articulum abnegare. Et si fortè in morte mea diabolicò instinctû quidquam huic sacræ fidei contrarium cogitarem, dicerem aut facerem, id modò omninò irritò atquè invalido. Quod ne fiat, commendo eandem tuæ omnipotentis, sapientis, atquè bonitatis, Deus meus, ut in hora mortis meæ integra atque perfectâ inveniatur.

Omnia

Omnia & singula peccata à juventute mea usquè in hanc horam, quomodocunque perpetrata detestor & abominor, de iisque ; ex mero tui, ô pientissimè Deus meus, amore vehementissimè doleo, millesque plus dolere desidero. Et in suppletionem doloris illius, qui mihi deest, offero tibi contritionem illam, quam Unigenitus tuus pro totius mundi peccatis habuit. Et ut pro gravissimis à me tibi irrogatis injuriis saltem aliquantulum tibi satisfaciam, offero & exhibeo me paratum, quacumque de me vindictam sumere volueris, libentissimè sustinere.

Quoniam verò omnis mea satisfactio longissimè insufficiens est hinc ad abundantissimos JESU Christi meritorum thesauros confugio, offerens tibi omnem ejus passionem, quam ab instanti conceptionis suæ pertulit, usque in illam horam, quâ in Cruce inclinato capite spiritum tradidit. Atque in ejusdem sacratissima vulnera immergo & abscondo omnia mea peccata & negligentias: rogans, ut pretiosissimo ejus sanguine omnes maculas meas eluere, igneque charitatis ejus conflagrare digneris.

Ab omnibus & singulis, quos verbò aut factò unquam contristavi, humillimè veniam deprecor: paratumquè me offero omne damnum honoris atque bonorum illis iux-

ta mensuram justitiæ compensare. Omnibus autem qui me unquam verbô aut factô offenderunt, ex animo remitto omnem injuriam & vindictam, sicut Christus in cruce inimicis & crucifixoribus suis ignoravit, pro ijsquè Patrem suum exoravit. Agnosco & profiteor me per propria merita cælum adipisci non posse; unde nec in ijsdem, sed in meritis atque passione dilecti Filij tui, Sanctorumquè patrocinijs confido. Quibus tam firmiter innitor, quòd nequam mihi imaginari queam, licet millies plus te offendissem, me æternaliter periturum. Utpote cum sciam misericordiam tuam in infinitum transcendere, passionemque Filij tui sine mensura præponderare omnibus peccatis meis.

Meipsum totum cum omnibus, quæ sum & possum, integerrimè committo & resigno tuæ Ss. voluntati, orans & optans ut illa de me, per me, & circa me perfectissimô modô adimpleatur. Non cupio hæc vel illâ morte vel infirmitate hinc discedere, sed solummodò illâ, quam tu mihi immiseris. Imo si mihi liberum esset adhuc mille annis in omnibus delicijs vivere; malim tamen si voluntati tuæ conforme esse, hæc horâ decedere, quàm præter eandem vel unicô mementô vivere.

Amo te Deus meus, amor meus, & in æternum te amare omni amore dignissimus

mus es. Et utinam millies plus te amare possem: Imò si omnium hominum & Angelorum corda & affectus haberem, libentissimè illa in tui amorem converterem. Quoniam verò ut par est, te amare nequeo: hinc rogo, ut temetipsum pro me tali amore, quali dignus es, amare velis.

Demum protestor, quòd ut verus Catholicus mori atque sacratissimis Confessionis, Communionis & extremæ Unctionis Sacramentis communiri desiderem Cupio etiam & exopto Omnium Missarum, orationum, & Suffragiorum, quæ usque ad diem Judicij fiant, participes fieri. Imo si esset penes me ordinarem ut omni die, super omni altari, & ab omnibus Sacerdotibus pro me defuncto Sacrificium Missæ usque ad finem mundi offerretur. Quod quoniam in opus deducere nequeo, hinc rogo te, ô Christe JESU, ut temetipsum pro me Patri tuo offeras in holocaustum & jube sacrificium pro peccatis meis innumeris. Insuper rogo, ut animæ meæ in extremâ suâ angustia unicum, tristissimi, & in agone constituti cordis tui suspirium donare, unicamque sanguinis tui guttulam in salutem provenire concedas. Amen.

Obfignatio Testamenti.

Nunc igitur, ô Beatissima Trinitas, coram te atque totâ coeli Curia profiteor,

or atque protestor, id omne quod in hoc Testamento continetur, esse ultimam, sinceramquè meam voluntatem atquè sententiam, juxta quam vivere atquè mori desiderem. Cupioquè quòd hoc meum Testamentum nullò modò irritari aut infringi debeat; sed tam ante, quam in, & post mortem meam in suo robore & valore permaneat. Et casu quo contingeret me id ipsum unquam revocaturum, hisce protestor revocationem illam nullam & invalidam censi debere.

Quare deprecor te, JESU benignissime, ut super hac ultima voluntate mea publicum Instrumentum erigere, illudquè sacratissimi nominis tui subscriptione confirmare, atquè impressione quinque vulnerum tuorum ut sigillis consignare digneris. Similiter deprecor & te, ô beatissima Virgo Maria, atque te, ô beatissime Joannes Evangelista, tanquam regni aeterni Archicancellarium, nec non & te ô B. N. mi dilectissime Patrone, tanquam imperialis coelestis Camerae Assessorem, ut hujus ultimæ voluntatis meæ testes esse eiquè nomina vestra subscribere, illamquè in Archivio SS. Trinitatis recondere velitis, ut omni tempore & occurrente causa eidem exhiberi possit. Cujus copiam in hoc libello descriptam semper asservabo, propriiquè nominis subscriptione communiam: ut

coram

coram Deo & hominis notum sit, ad quem
secundum corpus & animam pertineam,
quomodoque vivere & mori cupiam.

Ita testor,
Indignus Dei famulus
Manu propriâ.



ORATIONES

Cum Indulgentiis.

○ Magna patientia, ô profundum vul-
nus, ô effusio sanguinis, ô dulcedo
omnium dulcedinum, ô amaritudo
mortis. Da mihi vitam æternam, &c. Fi-
delium animæ per Misericordiam Dei &c.
Pater noster, Ave Maria.

○ Domine IESU Christe obsecro Te
ut in hora mortis meæ dum anima mea tre-
mendum decretum expectabit Tua amara
passio & mors Tuus præciosus Sanguis
satisfaciat pro peccatis meis, Amen. Pa-
ter noster, Ave Maria.

○ Virgo misericors ad sis mihi sem-
per & in supremo vitæ momento animam
meam tuis patrocinijs defende ac dæmo-
num aspectus ab ea, procul repelle.

○ 5

Pie

Pie Domine parce seruo Matris tuæ,
 Pia Domina posce veniam seruo Filij tui,
 qui me injicio inter duas pietates, non in-
 cidam in duas tam potentes severitates

O piissima Mater adsis mihi famulo tuo
 cum tota æternitate ductaturo, & non me
 deseras in illa tremenda hora à qua pen-
 det animæ meæ æterna salus.

O Maria amor meus Te peccator pre-
 cor reus in tremenda mortis hora juva
 Mater flecte ora.

O Regina poli miserum me spernere noli.
 Sed vultu læto respice Virgo peto.

Ad M. D. G.



IN.

INDEX.

P A R T E I.

P reces Matutinae	pag. 1.
Pactum cum Deo.	5.
Oratio ante Horas Canonicas.	7.
Cum ex Ecclesia iurus es.	11.
Ante laborem & prandium.	13.
Preces vespertinae.	15.

P A R T E II.

Orationes sub Missa.	19.
Adoratio SS. Sacramenti.	33.

P A R T E III.

Quinque Cantica de SS. Trinitate:	36.
Laudis divinae jubilatio.	44.
Gratulatio.	47.
Gratiarum actio.	49.
Professio beneficiorum Dei.	50.
Professio fidei.	51.
Fiducia in Deum.	53.
Amor Dei.	55.
Holocautum.	59.
Relinatio.	61.

P A R T E IV.

Corolla gemmea.	64.
Blanditiae Jesu.	68.
Oratio ad nomen Iesu.	69.
Petitio ad Iesum.	71.
Suspiria ad Iesum.	72.
Oblatio meritorum Iesu.	73.
Laus Iesu per Alleluia.	74.
Salutatio Iesu.	75.
Salutatio cordis Iesu.	78.
Litaniae Nominis Iesu.	80.

P A R T E V.

Quinque oblationes passionis Christi.	83.
Hostia pro peccato.	88.
Suspirium Christo compatiens.	93.

Ora-

INDEX.

Oratio ad Christum Passum,	
Salutatio omnium membrorum Christi,	
Tres gratiarum actiones ad Christum in cruce-	
Laus Christi in Passione contempti,	
Blanditiæ Christi blasphemati,	
Salutatio vulneris lateris,	
Oratio ad vulnus Humeri,	
Litanix de Passione,	

PARTE VI.

Officium B. Virginis,	
Suppletio laudis B. Virg:	
Calicum Ave,	
Iubilus Marianus,	
Quinq; Gaudia B. Virginis,	
Ad ecclæ ancilla:	
Oblatio cordis Iesu ad B. Virginem	
Oratio S. Edmundi,	
Suspiria peccatoris ad Mariam,	
Invitatio B. Virginis ad suum obitum,	
Tria Ave pro felici morte,	
Gladii doloris:	
Litanix de B. Virgine.	

PARTE VII.

Orationes de Sanctis	
Ad S. Michaelem Archan:	
Ad Angelum Custodem,	
Ad S. Ioannem Evangelistam,	
Ad S. Benedictum,	
Ad S. Annam,	
Ad S. Mariam Magdalenam,	
Ad S. Gertrudem,	
Gratiarum actio pro gratiis S. Gertrudi concessis,	
Petitio ad Christum per merita B. Gertrudis obte-	
nenda,	
Ad B. Gertrudem in tentatione,	
Litanix de B. Gertrude:	
Congratulatio ad B. Mechtildem,	
Gratiarum actio pro gratiis S. Mechtildi collatis,	
Oratio ad quemcunq; Martyrem,	

Ad

INDEX.

Ad quemlibet Confessorem,	142
Ad quamcunq; Virginem & Martyrem,	143
Ad quamcunq; Virginem,	144.
Ad Sanctum vel Sanctam cujus festum celebratur	145
Invocatio omnium Sanctorum:	146
Litanix de omnibus Sanctis,	147

P A R T E VIII.

Orationes pro diversis necessitatibus,	151
Osculatio quinq; vulnerum pro peccatis Ecclesix	153
Oratio pro tota Ecclesia,	ibid.
Tria laudate pro peccatis Ecclesix vel propriis,	154
Oratio efficacissima pro spiritualibus & carnalibus amicis.	155
Pro inimicis,	156
Oratio in tribulatione,	ibid.
Oratio infirmi aut afflicti,	157
Oblatio cujuscunq; doloris,	158
Relinatio infirmi,	ibid:
Oratio pro infirmo,	159
Tres efficacissimæ Oraciones pro felici morte.	160
Tres Orationes à Circumstantibus dicendæ dum infirmus agonizat,	163
Oblatio passionis Christi pro defunctis,	165
Quatuor orationes pro defunctis, quas B. Gertrudis Christo approbante composuit,	166
Oratio Dominica pro defunctis prout Christus docuit S. Mechtildem,	168
Oratio ad ipsos defunctos,	172
Oratio transendo Cæmeterium cum indulgentiis 10. annis XII.	ibid.

P A R T E IX.

Orationes pro peccatis,	173
Vera contritio, vi cujus plenariam à Christo indulgentiam obtinere poteris.	176
Brevis confessio peccatorum.	178
Oratio devota qua per passionem Christi rogat sibi ignosci,	179
Alia oratio ex libro 2. Revel. S. Gert:	181
Oratio ante confessionem	182

Bre.

INDEX.

Brevis & efficax modus eueniendi contritionem	174
Ad ingressum confessionalis,	ibid.
Post Confessionem,	ibid.
Oratio ante poenitentiam dicenda,	186
Post poenitentiam iniunctam absolutam Oratio	187
Oratio à Sacerdote ante administrationem Sacramenti dicenda	ibid.
Post Confessionem Oratio alia;	188

PARTE X.

Præparatio ad S. Synaxim,	189
Ad omnes Sanctos	191
Ad B. Virginem,	192
Ad Christum,	ibid.
Oratio ante communionem,	193
Invitatio E-U,	195
Post Communionem,	197
Oblatio ad Patrem,	198
Ad Sanctos,	200
Gratiarum actio,	201
Conclusio longè efficacissima	202
Tres Orationes pro iurandis indulgentiis,	203
Oratio prima pro Ecclesia	ibid.
Oratio secunda pro extirpatione hæresum,	204
Oratio tertia pro concordia Principum	205
Sacerdotis præparatio ad Altare accessuri,	206
Testamentum animæ,	210

OS (+) OS



Bibl. Jag.

APPROB.

174
ibid.
186
187
meru
ibid.
188
189
191
192
ibid.
193
195
197
198
200
201
202
203
ibid.
204
205
206
210

Deum
Domine per illam amaritudinem
quam pro me sustinui in cruce ma-
xime quando anima tua egressa est
de corpore tuo miserere ani-
ma mea in egressu suo.

Deum
Domine Deus qui me creasti immortalem
in peccatis meis peccavi in dicitur

RO.

